

# ԵԽԱՐՀԱԳՅՈՒԹԵԱՆ

4083

## ԴԱՍԱԳԻՐՔ

Ա.Ա.Ա. Պ. Պ. Պ.

ԶՈՐՅՈՒՄ ԵԲ ՄԱՍԱՄ ԵՐՐՈՐԴ ՏԱՐԻԱԹԱՑ

Զորյուրդ տպագրութիւն

(Համաձայն հայոց դպրոցների ծրագրի)

Բազմազայտ նկարներով

Կ ա զ մ ե ց

Ա.Ի.ՏԵՂԵԿԻ Ա.Ի.ՏԵՂԵԿԻ

(Դաս Խուսափի, Կըուրերի և ուր.)



91(075)

Ա-13

# ԱՇԽԱՐՀԱԳՐՈՒԹԵԱՆ

91(075)

Հ-13

ԴԱՍԱԳԻՐՔ

ԱՌԱՋԻՆ ԳԻՐԱՅԻ

ԶՈՐՐՈՐԴ ԵՒ ՄԱՍԱՄԲ ԵՐՐՈՐԴ ՏԱՐԻԱՅ ԴԱՄԵՆԹԱՅ

Չորրորդ տպագրութիւն


(Համաձայն հայոց գլոբոցների ծրագրի)

Բազմաթիւ նկարներով

Կ ա զ մ ե ց

ԱՐՏԱՇԵՍ Ա.ԲԵՂԵԱՆ

(Հայոց հանուվի, Կրուքերի եւ ուր.)



ԹԻՖԼԻՍ

Կայսերական Հայաստան

2012

Հայութեան

Հայութեան Ակրօտիս


Հայութեան Ո Ռահանքալ  
Հայութեան



Հայութեան

## ՄԵՐ ՃՐՁԱՎՊԱՏՔ

ԱՌԱՐԿԱՆԵՐԻ ԴԱՍԱԽՈՐԾՈՒԹԻՒՆԸ ԴԱՍԱՐԱՆՈՒՄ:—Երբ մենք զիտում ենք դասարանում գտնող առարկաները՝ նկատում ենք, որ նրանցից մի քանիսը միշտ իրենց տեղում են մնում, մի քանիսն էլ հեղտութեամբ են շարժում և տեղափոխում մի տեղից ուրիշ տեղ: Այսպէս տեղափոխուելով՝ նրանք հեռանում են որոշ առարկաներից և մօտենում ուրիշ առարկաների:



Նկ. 1. Դասարանի նկարը

Օրինակ՝ եթէ սեղանը թէկուզ մի փոքր առաջ շարժենք իր տեղից, նա կհեռանայ յետեկի պատից և կմօտենայ առջեկ պատին. իսկ եթէ քաշենք դէպի աջ կողմը, կհեռանայ ձախակողմեան պատից և կմօտենայ աջակողմեան պատին:

Որոշելու համար թէ օրինակ սեղանը դասարանում ինչ տեղ է բռնում, հարկաւոր է չափել նրա հեռաւորութիւնը երկու պատերից—առջեկի և կողքի (կամ յետեկի և կողքի). հարկաւոր է չափել նաև հենց իր—սեղանի երկայնութիւնը և լայնութիւնը:

Տպարան Ն. Սեղաննանի, Պոլից. 7.

1914

115359-42




6194

39

2

ԴԱՍԱՐԱՆԻ ԵՒ ԴՐՈՌՅԻ ՅԱՏԱԿԱԳԻԾԸ: — Դասարանի երկայնութիւնը և լայնութիւնը, նաև նրա մէջ գտնւող բոլոր առարկաների բոնած տեղն իմանալուց յետոյ կարելի է դասարանը գծագրել փոքրացրած՝ յատակագծի ձևով։ Յատակագիծ կամ պլան կոչում է այն գծագրութիւնը, որ ցոյց է տալիս, թէ մի առարկայ կամ մի վայր ինչ տեղ է բռնում, եթէ նայելու լինինք նրան վերեւից։ Որպէսզի դասարանի յատակագիծը (պլան) տեղաւորուի թղթի վրայ և միևնույն ժամանակ չափանց փոքր չմինի, հարկաւոր է ընտրել յարմար մասշտաբ (գծաչափ)։



Մասշտաբ. — 1 վերշուր 5 արշ. փոխարէն  
Նկ. 2. Դասարանի յատակագիծը

Մասշտաբ կոչում է այն փոքրիկ չափը, որ գծագրելիս պայմանական կերպով ընդունում են որեւէ աւելի մեծ չափի փոխարէն։ Օրինակ՝ դասարանի յատակագիծի համար կարելի է ընդունել այս մասշտաբը — 1 սաժէնի փոխարէն 1 մատնաչափ։ Այդ գէպքում՝ եթէ դասարանի երկայնութիւնը 4 սաժէն է, յատակագիծի վրայ կգծենք 4 մատնաչափ։ Եթէ լայնութիւնը 3 սաժէն է, յատակագիծի վրայ կգծենք 3 մատնաչափ, և այն։ Մատնաչափը քանի անգամ որ փոքր է սաժէնից, այնքան ան-


գամ էլ մեր յատակագիծը երկայնութեան և լայնութեան կողմից փոքր կլինի դասարանից (1:84)։

Համեմատեցէք դասարանի նկարը (Նկ. 1.) եւ նրա յատակագիծն (Նկ. 2.) իրար հետ ու ասացէք՝ ինչո՞վ են տարբերում նրանք իրարից։

Եթէ չափենք դպրոցական շենքը և որոշենք դասարանների տեղը նրանում՝ կարող ենք պատրաստել նաև դպրոցի յատակագիծը։ Սակայն այդ գէպքում պէտք է վերցնենք աւելի փոքր մասեաք, քան դասարանի յատակագիծը պատրաստելիս (օրինակ՝ 5 սաժէնի փոխարէն 1 մատնաչափ)։

Ինչո՞ւ դպրոցի յատակագիծը քաշելու համար աւելի փոքր մասշտաբ պիտի վերցնել։

ԲՆԱԿԱՎԱՅՐԻ ԵՒ ՆՐԱ ՇՐՋԱԿԱՅՔԻ ՅԱՏԱԿԱԳԻԾԸ: — Կարելի է պատրաստել ոչ միայն դասարանի և դպրոցի, այլ և ամբողջ բնաշխատավոր վերցնել։



Պայմանական նշաններ  
 անուան պաշտոն բաշխ գեղ բարույթ  
 համարներ համարներ կարելի թիւշական շահույթ

Նկ. 3. Գիւղի յատակագիծ

կավայրի (գիւղի, քաղաքի), և նրա շրջակայքի յատակագիծը։ Միայն թէ՝ գիւղի յատակագիծի համար հարկաւոր է վերցնել



Ենք, Երկրի և Երկնքի սահմանի վրայ մեր աչքին Երկում է մի գիծ, որ ամեն կողմից շրջապատում է մեր տեսած տարածութիւնը. թւում է, իբր մենք կանգնած ենք մի ընդարձակ շրջանի կենտրոնում, իսկ շրջագիծի մօտ Երկինքը կպած է Երկրին: Ահա այդ շրջագիծը կոչւում է հորիզոն:

Երկինքը մեր աչքին կամարի նման է Երկում, դրա համար էլ նաև Երկնակամար է կոչւում: Երկնակամարի ծայրերը կարծէք յենւում են հորիզոնի վրայ: Այն ամենը, ինչ որ գըտնը ուում է հորիզոնից այն կողմը, չենք տեսնում, ծածկւած է մնում մեր տեսողութիւնից. այդ պատճառով էլ հորիզոնը կոչւում է նաև՝ աչքի տեսողութեան սահման:

Հորիզոնը ամեն տեղ միակերպ չէ, այլ փոփոխական: Օրինակ՝ եթէ մարդ կանգնած է մի լեռան գագաթին կամ մի ընդարձակ դաշտում, նրա հորիզոնը լայն է, ընդարձակ. իսկ եթէ կանգնած է մի ձորում, հորիզոնն էլ նեղ է:

Երբ արեգակը ծագում է՝ մեզ թւում է, թէ նա դուրս է գալիս հորիզոնի տակից, ապա կամաց-կամաց բարձրանում է Երկնակամարի վրայով, մինոյն ժամանակ դէպի աջ շարժում: Կէսօրին արեգակը լինում է համեմատաբար ամենից բարձր. յետոյ սկսում է թեքւել, իսկ Երեկոյեան դէմ թաքնում է հորիզոնի տակ:


Այսպէս՝ արեգակն օրւայ ընթացքում շարժում է հորիզոնի մի կողմից դէպի հակառակ կողմը:

Հորիզոնի այն կողմը, դէպի ուր թեքւած է լինում արեգակը կէսօրին, կոչւում է հարաւած. դրա հակառակ կողմը կոչւում է հիւսիս: Եթէ կէսօրին Երեմներս դարձնենք դէպի արեգակը, մեր ձախ կողմը կլինի արեւելք, իսկ աջ կողմը՝ արեւետք:

Բացի հորիզոնի այս գլխաւոր կողմերից՝ կան նաև Երկրորդական կողմեր. հիւսիս-արեւելք (հիւսիսի և արեւելքի միջև), հիւսիս-արեմուտք, հարաւած-արեւելք, հարաւած-արեւետք:


Հորիզոնի կամ աշխարհի կողմերը որոշել կարելի է նաև՝ առարկաների սւերը դիտելով (նկ. 6): Եթէ մի հարթ տեղ ուղ-

ղահայեաց կերպով փայտ տնկենք, կտեսնենք, որ այդ փայտի ստեերը մինչև կէսօր քանի գնում կարձանում է, իսկ կէսօրից յետոյ քանի գնում՝ կըկին Երկարում: Ամենից կարծ ստերը լինում է կէսօրին, որ ընկնում է դէպի հիւսիս (հնչո՞ւ):



Նկ. 6. Միջօրէի (կէսօրեալ) գիծ

Այն գիծը, որի վրայ ընկնում է ստեերը կէսօրին, կոչւում է միջօրէի (կէսօրեալ) գիծ: Նրա մի ծայրը ուղղւած է




Նկ. 7. Արեգակի տարբեր դիրքերը Երկնակամարի վրայ՝ տարւայ եղանակների համեմատ

լինում դէպի հիւսիս, իսկ միւս ծայրը՝ դէպի հարաւ։ Եւ եթէ մենք գիտենք հիւսիսը և հարաւը, հեշտութեամբ կարող ենք գտնել հորիզոնի միւս կողմերն էլ (ինչպէս):

Շատերն արևելքը և արևմուտքը որոշում են արեածագով և արեւամուտով։ Բայց այդ դէպում հեշտ է սխալւել, որովհետև արեգակը տարւայ բոլոր եղանակներին էլ չէ ծագում արևելքի միւնին կէտից և մայր չէ մտնում արեւատքի միւնին կէտում։ Միմիայն գարնան սկզբին (մարտի 8-ի մօտերը) և աշնան սկզբին (սեպտ. 11-ի մօտերը) արեգակը ծագում է ուղիղ արևելքից և մայր մտնում ուղիղ արեւատքում։ Ամառն արեգակը ծագում է արևելքի և հիւսիսի միջև, մայր է մտնում արևմուտքի և հիւսիսի միջև։ իսկ ձմեռը ծագում է արևելքի և հարաւի միջև, մայր է մտնում արևմուտքի և հարաւի միջև (տես նկ. 7):

Հորիզոնը գծում են շրջագծի ձևով (տես նկար 8.), Վերեւի կողմը նշանակում են հիւսիս, ներքեւի կողմը՝ հարաւ, աջ կողմը՝ արևելք, ձախ կողմը՝ արևմուտք։

**ԿՈՂՄՆԱՑՈՅՑ:**—Հորիզոնի կամ աշխարհի կողմերը կարելի է գտնել արեգակի և ստերի շարժումները դիտելով։ Բայց



Նկ. 8. Հորիզոն

համապարհներն էլ կարող ենք չիմանալ. այդ դէպում հեշտութեամբ կարող ենք մոլորւել և կորցնել ճանապարհը։

Մի գործիք կայ, որ ամեն տեղ և ամեն ժամանակ,—թէ պայծառ և թէ ամպ օր, թէ ցերեկ և թէ գիշեր, թէ ծանօթ և թէ անծանօթ տեղ ցոյց է տալիս հորիզոնի կողմերը։ Այդ գործիքը կոչւում է կողմնացոյց։

Կողմնացոյցը ժամացոյցի նման մի գործիք է. նա բաղկացած է մի մետաղէ արկղիկից, արկղիկի երեսը ծածկւած է ապակիով, իսկ տակը թուղթ է կպցրած։ Այդ թղթի վրայ նշանակում են աշխարհի կողմերը.— հիւսիսը (հս.) N (գերմաներէն) տառով, հարաւը (հր.) S տառով, արեւելքը (ալ.) O, իսկ արևմուտքը (ամ.) W տառով. հիւսիս-արևելքը (հս.-ալ.) նշանակում են NO, հիւսիս արևմուտքը (մս. ամ.) NW, հարաւ-արևելքը (հր.-ալ.) SO, հարաւ-արեւմուտքը (հր.-ալ.) SW տառերով։ Արկղիկի մէջ տեղում տնկած է լինում մի ասեղ. ասեղի վրայ մի մագնիսացրած պողպատէ սլաք է հապցրած լինում այնպէս, որ սլաքն ազատ պառյտ գայ ասեղի շուրջը։ Մագնիսացրած \*) սլաքն այն յատկութիւնն ունի, որ ամեն տեղ և ամեն ժամանակ նրա մի ծայրը ուղղուում է դէպի հիւսիս, իսկ միւս ծայրը՝ դէպի հարաւ։ Սլաքի այն ծայրը, որ դէպի հիւսիս է ուղղուում, սովորաբար սևացրած է լինում։

Կողմնացոյցով հեշտ է որոշել աշխարհի կողմերը, երբ նոյնիսկ ամպ է լինում։ Դրա համար ոլէտք է կողմնացոյցը գնել մի ուղիղ տեղ, օրինակ մի սեղանի վրայ, որպէսզի սլաքն ազատ կերպով շարժել կարողանայ։ Երբ սլաքը կանգ է առնում, այդ դէպքում կողմնացոյցն այնպէս պիտի շրջեցնել, որ

\*) Մագնիսը մի տեսակ երկաթ է. նա այն յատկութիւնն ունի, որ դէպի ինքն է քաշում պողպատէ կամ երկաթէ առարկաներ և այդպիսով մագնիսացնում է նրանց։ Մագնիսացրած առարկան էլ դէպի ինքն է քաշում երկաթ կամ պողպատ։


Ն (հիւսիս ցոյց տւող) տառը գայ սլաքի սկացըրած ծայրի կողմը (հիւսիս): Այն ժամանակ կողմացոյցի յատակի վրայ նշանակած տառերը ցոյց կտան մեղ հորիզոնի միւս կողմերը. հիւսիսի հակառակ կողմը կինսի հարաւ, աջ կողմը՝ արևելք, իսկ ձախ կողմը՝ արևմուտք: Ճանապարհորդութեան ժամանակ մարդիկ սովորաբար կողմացոյց են դործ ածում, մանաւանդ ժովի վրայ:

### Յ Ա Մ Ա Ք

ՅԱՄԱՔԻ ՇԵՐՏԵՐԸ: — Երկրի վրայ բանում են խոտեր, թփեր և ծառեր: Դրանց արմատները շատ խորը չեն տարածւում երկրի մէջ: Երկրի վերին շերտն է բոյսերի արմատներին ուղնունդ տալիս: Այդ շերտի մէջ խառնւած կան փտած բոյսերի և նեխւած մարմինների մնացորդներ, որոնք և նրան պտղաբեր են դարձնում:

Երկրի մակերևոյթի վրայ դանւող կաւը, աւազը, կաւի թերթաքարը, աւազաքարը, կրաքարը և այլն, — բոլոր հողերը և քարերը կոչւում են լեռնային տեսակներ: Այդ տեսակները երբեմն դարսւած են լինում իրար վրայ շերտ-շերտ, ինչպէս թըղթի թերթերը տեսրակի մէջ: Այդպիսի ստորերկը երեայ շերտեր տեսնել կարելի է՝ բլուրների վլած լանջերին, գետերի և հեղեղատների ուղղաձիգ ափերին, հանքահորերի կողերին, և այլն:

Բացի շերտաւոր լեռնային տեսակներից՝ երկրի մէջ կան նաև ոչ շերտաւոր՝ զանգւածային (մասսիւ) տեսակներ. օրինակ՝ գրանիտ, որի մէջ ամենեին չէ կարելին կատել շերտեր:




Նկ. 10. Ցամաքի շերտեր

ՆԱՐԹՈՒԹԻՒՆՆԵՐ ԵՒ ԲԱՐՁՐՈՒԹԻՒՆՆԵՐ: — Ցամաքի մակերեսոյթի վրայ չէ կարելի գտնել և ոչ մի վայր, որ բոլորովին հարթ լինի. ամենուրեք լինում են համեմատաբար բարձր և ցածր, խորդուրորդ տեղեր կամ դարուփոսեր:

Ցամաքի բարձրութիւնը չափում են ծովի մակերեւոյթից, որովհետև ծովերը և ովկիանոսները խառնում են իրար հետ և նրանց ջուրը միենայն բարձրութիւնն ունի ամենուրեք: Մի տեղի բարձրութիւնը ծովի մակերեւոյթից՝ կոչւում է բացարձակ բարձրութիւն, իսկ նրա բարձրութիւնը շրջակայքից՝ յարաբերական բարձրութիւն:

Այն տարածութիւնը, որի վրայ շատ աչքի ընկնող դրուփոսեր չկան, կոչւում է հարթութիւն:

Այն ընդարձակ հարթութիւնը, որ ծովի մակերեւոյթից բարձր է ոչ աւելի քան 100 սաժէն (200 մետր), կոչւում է դաշտավայր. աւելի բարձրագիր հարթութիւնը կոչւում է բարձրաւանդակ (կամ՝ լեռնադաշտ, սարահարթ, սարաւանդ): Ամենացածր դաշտավայրը գտնում է կասպից լճի մօտ, ուր տեղական ցամաքը ովկիանոսի մակերեւոյթից էլ ցածր է գտնվում:



Նկ. 11. Հարթութիւններ և բարձրութիւններ: 1—Դաշտավայր, 2—Սրածայր սար. 3—Գոգաւորութիւն (երկու լեռների մէջ ընկած կորութիւնը՝ թամբի ձևով). 4—Գմբեթածեւ սար. 5—Բարձրաւանդակ. 6. Սեղանաձեւ սար:

Հարթութիւնների վրայ յաճախ լինում են բլուրներ: Բլուր կոչւում է այն բարձրութիւնը, որ թէև շատ էլ մեծ չէ, բայց նկատելի կերպով բարձր է շրջակայ տարածութիւնից՝ սակայն ոչ աւելի քան 100 սաժէն: Բլուրների բարձրութիւնը հաշվում են սուրբաց մինչեւ զագար, միայն՝ ոչ թէ լանջով, այլ ուղղահայեաց գծով չափած:

Բլուրներից աւելի բարձր են լեռները։ Լեռ կամ սար կոչւում են սովորաբար այն բարձրութիւնները, որոնք շրջակայ տարածութիւնից 100 սաժէն և աւելի բարձր են։ Բայց որովհետեւ տարբեր սարերի ստորոտներ իրարից տարբեր բարձրութեան վրայ են գանւում, ուստի և սարերի բարձրութիւններն իրար հետ համեմատելու համար հաշուում են ծովի մակերեւոյթից։ Երբ, օրինակ, ասում են, թէ Մասիս սարը 5 վերստ բարձրութիւն ունի, այդ նշանակում է՝ նա ծովի մակերեւոյթից (և ոչ թէ իր ստորոտից) բարձր է 5 վերստ։

Լեռան կամ բլուրի ամենավերին մասը կոչւում գագաթ, ամենացածր մասը՝ ստորոտ, իսկ գագաթի և ստորոտի միջև ընկնող մասերը՝ լանջեր։

Քիչ է պատահում, որ մի սար առանձնացած լինի. այդպիսի սարը կոչւում է լեռնագագաթ։

Երբ շատ լեռներ առանց որեէ կարգի կուտակւած են լինում իրար մօտ, կոչւում են լեռնախումբ։

Սովորաբար շատ լեռներ իրար հետ միացած են լինում և շարքով ձգւած՝ միենոյն ուղղութեամբ։ Լեռների այդ շարանը կոչւում է լեռնաշղթայ։ Լեռնաշղթայի բարձր ծայրերը կոչւում են կատարներ։

Լեռնաշղթաները երբեմն ձգւած են լինում իրար հակառակ ուղղութեամբ, որոնք իրար կտրելով կազմում են լեռնահանգոյցներ։


Մի քանի լեռնաշղթաներ սովորաբար ձգւած են լինում միենոյն ուղղութեամբ։ Այսպէս, օրինակ, Կովկասեան լեռները բաղկացած են 1,000 վերստից աւելի երկայնութեան վրայ տարածւող մի գլխաւոր



Նկ. 12. Լեռնաշղթայ։

լեռնաշղթայից և բազմաթիւ ճիւղաւորութիւններից — համեմատաբար ոչ երկայնաձիգ, երկրորդական լեռնաշղթաներից։

Երկու բարձրութիւնների միջև ձգւող լայն և ցածր տարածութիւնը կոչւում է հովիտ, աւելի նեղը՝ ձոր, իսկ շատ խոր և նեղ հովիտը կոչւում է կիրճ. օրինակ՝ Դարեալի կիր-




Նկ. 13. Դարեալի կիրճ

ճը, որի միջով հոսում է Տերեկ գետը։ Լեռնաշղթաների երկայնութեամբ ձգւող հովիտները կոչւում են երկայնաձիգ, իսկ լեռնաշղթաները կտրող հովիտները՝ լայնաձիգ։



բունակող լեռնային երակների քայլայումից: Այսպիսով՝ ոսկին ձեռք է բերում հատիկների ձեռվ, հազւագէպ անգամ միայն՝ խոշոր կտորներով:



Նկ. 17. Քարածուխի հանքահոր

Զմրուխտը, սուտակը և միւս թանգարին քարերն ևս ձարաւում են լեռների երակներում և նրանց քայլայումից առաջացած աւազի մէջ:

Մետաղներից մարդու համար ամենակարևորը երկաթն է: Երկաթահանքը լեռնային տեսակների մէջ դարսւած է լինում սովորաբար շերտ-շերտ. երբեմն ամբողջ լեռներ երկաթահանքից են բաղկացած լինում:


Շերտ-շերտ են դարսւած լինում նաև քարածուխը և քարազը:

Հանքեր ձեռք բերելու համար շինում են հանքահորեր և ստորերկրեայ ուղիներ (տես նկ. 17):

Ուրալիան լեռնելը (Մուսաստան) հարուստ են երկաթահանքերով, ոսկով և թանգագին քարերով. Լոււայ լեռները հարուստ են պղնձահանքերով (օրինակ՝ Ալաւերդիի պղնձահանքը): Յայտնի են՝ Կողբի, Գաղղւանի և Հին-Նախինանի աղահանքերը:

Հանքեր կան ոչ միայն լեռներում, այլ նաև հարթութիւններում. միայն թէ՝ այդ տեղերում հանքերն աւելի խոր շիրտերում են գտնվում, քան լեռներում, ուստի և ձեռք բերելու համար աւելի խոր հանքահորեր պէտք է փորել. Այսպէս՝ աշխարհահոչակ են Բագւի շրջակայիշի նաւթահանքերը:

**ԶԻՒՆԱՊԱՏ ԼԵՌՆԵՐԻ:**— Շատ բարձր սարերի գագաթները մշտապէս ծածկւած են լինում ձիւնով. օրինակ՝ Մասիս սարի գլազաթը: Այդ ձիւնն ամառն էլ ամբողջովին չէ հալչում: Այն




Նկ. 18. Զեան հիւսեր

գիծը, որից վեր ձիւնն ամառ-ձմեռ մշտապէս մնում է, չէ հալչում,— կոչւում է յաւերժական ձեան սահման: Կովկասում ձեան սահմանը գտնվում է ծովի մակերեսոյթից 3—4 վերստ բարձր:

Զիւնը հաւասար չափով չէ ծածկում լեռները. ծերպերից և ուղղաձիգ լանջերից ձիւնը հեշտութեամբ է վայր թափւում: Քիչ չէ պատահում նաև, որ քամուց կամ որևէ ուրիշ ցնցումից՝ կուտակւած ձիւնը վայր է թափւում ահագին հիւսեր կազմելով (նկ. 18): Զիւնակոյտերը վայր թափւելիս արագորէն մեծանում են. նրանք տանում են իրենց հետ քարեր, արմատից հանում են ծառեր, երբեմն ամբողջ գիւղեր են տակով անում: Մեր երկրում, Կովկասում, յաճախ ձեան հիւսերը ծածկում են օրինակ Սևանայ լճի մօտով անցոնդ խճուղին և Ռազմավիրական ճանապարհը:

Շատ մեծ քանակութեամբ ձիւն է կուտակւում լեռների այն գոգաւոր մասերում և ձորերում, որոնք գտնվում են


ձեան սահմանից վեր: Ամառն արեգակի ճառագայթների ազդեցութեան տակ այնտեղ հաւաքւած ձիւնը սկսում է վերեկից



Նկ. 19. Սառցադաշտ, որից սկիզբ է առնում գետ

հալչել: Զրի կաթիլները ծծւում են ստորին՝ ցուրտ շերտերը ու սառչում այնտեղ: Զիւնը դառնում է փիրուն սառցահատիկներ. ծանրութեան պատճառով նա կամմաց-կամմաց սկսում է սահել դէպի հովիտները: Այդ ճնշման հետեանքն էլ այն է լինում, որ սկզբում ձեան ստորին, ապա նաև վերին շերտերը սառչելով կպչում են իրար և գառնում սառոյցի զանդւած: Ձեան ահագին կոյտեր հոսում են հովտի միջով և դոյացնում ահագին սառցագետեր կամ սառցադաշտեր: Սառցադաշտը շարժում է շատ դանդաղ, աննկատելի կերպով (գրպանի ժամացոյցի ժամերը ցոյց տւող սլաքի նման): Նրա մակերեսոյթն էլ անհարթ է լինում, վրան դտնում են բազմաթիւ քարակոշտեր՝ թափւած լեռների լանջերից: Սառցադաշտը կամմաց-կամմաց իջնում է ձեան սահմանից վայր: այդտեղ էլ նա հալչում է, որից և սկիզբ են առնում գետեր կամ

գետակներ (տես Նկ. 19): Այսպէս օրինակ՝ կազբէկի սառցադաշտերից է իր սկիզբն առնում Տերեկ գետը: Իւրաքանչիւր



Նկ. 20. ձեղքւածքներ սառցադաշտում

սառցադաշտի վերջում գտնուում են ահագին քարակոյտեր, որ բերել այդտեղ է հաւաքել սառցադաշտը: Դրանք կոչւում են սառցադաշտային մորէններ:

ՀՐԱԲՌԽԱՅԻՆ ԼԵՌՆԵՐ: — Երկրի վերին շերտերի վրայ ամառը տաք է լինում, իսկ ձմեռը՝ ցուրտ: Եթէ սկսենք հողը խորը փորել, մի քանի սաժէն յետոյ կհասնենք մի այնպիսի շերտի, որտեղ ամառայ և ձմեռայ մէջ տարբերութիւն չէ նկատուում: Եթէ շարունակենք աւելի փորել, կհասնենք այնպիսի շերտերի, որտեղ աւելի ու աւելի տաք է: Եղել են հանքահորեր, որտեղ չափազանց տաք լինելու պատճառով մարդիկ ստիպւած դադարեցրել են աշխատանքը, չնայած այնտեղ գտած հարստութիւններին:

Այս բոլորից երեսում է, որ երկրի խորքը չափաղանց տաք



բուղիս: Սակայն պատահում է, որ հանգած հրաբուղիսը կրկին սկսում է գործել, այն էլ մեծ թափով: Մեզ մօտ, կովկասում, շատ կան հանգած հրաբուղիսներ. օրինակ՝ Արարատ կամ Մասիսը, Արագածը, Կազբեկը, Էլբրուսը:

Հրաբուղիս լինում է նաև ծովերում և հարթութիւններում:

**ԵՐԿՐԱՇԱՐԺ:**— Լեռնոտ տեղերում, երբեմն նաև հարթավայրերում, պատահում են երկրաշարժներ: Ամեն անգամ էլ երկրաշարժը տեղի է ունենում անսպասելի կերպով, առանց որևէ տեսանելի պատճառի: Երկիրը կարծէք ստորերկրեայ հարւածներից ցնցում է հսկայական ոյժով և տատանում է ալիքանման ձևով: Երկրի տակից լսում է խուլ թնդիւն կամ դղղողիւն: Զօրեղ երկրաշարժների միջոցին տները ձօճւում են և աւերւում, տեղի են ունենում լեռնային փլումներ, գետնի մէջ տուաջ են գալիս խոր ձեղքւածքներ: Մարդկանց և կենդանիների մէջ իրարանցում է ընկնում, սկսում են այս ու այն կողմը փախչել. սակայն շատերը մահ են գտնում աւերւող շենքերի բեկորների տակ, կամ ձեղքւածքների մէջ կուլ գնում:

Ծովափերին մեծամեծ աւելմունքներ են պատճառում դէպի ցամաք ձգտող հսկայական ալիքները:

Այսպիսի զօրեղ երկրաշարժներ քիչ են պատահում. թոյլ և միանգամայն անվտանգ երկրաշարժներ շատ յաճախ են լինում. ամեն օր, կարելի է ասել նոյնիսկ ամեն ժամ երկիրը

որևէ տեղ թեթև կերպով տատանում է:


Երկրաշարժներ պատահում են մեծ մասով հրաբղսային լեռների մօտերը, հրաբղսային ժայթքումից առաջ: Թիչ չէ պատահում նաև, որ երկրաշարժ լինում է՝ երբ հրաբուղիսը չէ գործում:

Սակայն աւելի յաճախ երկրաշարժներ լինում են և այնտեղ, ուր հրաբղսային լեռներ ամենին չկան, բայց՝ ուրիշ պատճառներից:



Նկ. 22. Երկրաշարժից առաջացած ձեղքւածք

Երկրի շերտերը միշտ էլ նոյն դրութեան մէջ չեն գտնվում, այլ յաճախ բարձրանում են դէպի վեր՝ կազմելով ծալքեր, և կամ դէպի ցած են շարժում: Երբեմն այդ եղանակով տատանում են ստորին շերտերը և տեղից շարժում իրենցից վեր գտնվող շերտերը, այսպիսով ճօճւում են վերին շերտերը և տեղի է ունենում երկրաշարժ:




Նկ. 23. Երկրաշարժ Շամախում (1902թ.): Մի գպրոցական շենքի աւելակներ, որոնց տակ մահ գտան 65 երեխաներ:

Զօրեղ երկրաշարժներ պատահում են նաև մեր երկրում՝ կովկասում, մասնաւանդ Շամախի քաղաքում: 1840 թւականին երկրաշարժից բոլորովին կործանւեց Մասիս սարի վրայ գտնվող Ակոռի գիւղը:

## ՅԱՄԱՎԻ ԶՐԵԲՐ

**ԱՏՈՐԵՐԿՐԵԱՅ ԶՈՒՐ ԵՒ ԱՂԲԻՒՐՆԵՐ:**— Եթէ փորենք գետինը, օրինակ ջրհոր շինելու համար, որոշ խորութեան համեմուց յետոյ կհանդիպենք երկրի այնպիսի շերտի, որի մէջ ծծւած ջուր կայ: Այդ ջուրը կոչւում է ստորերկրեայ ջուր:

Ստորերկրեայ ջուրը առաջ է գալիս անձրկից և հալած ձիւնից, Անձրկի և ձեան ջրի մի մասը հոսում է դէպի գետեր և գետակներ, իսկ միւս մասը ծծում է երկրի այնպիսի շերտերի մէջ, որոնք հեշտութեամբ են ջուր ընդունում. օրինակ՝ աւազի շերտը: Բայց ստորերկրեայ ջուրը որոշ խորութեան հասնելով՝ հանդիպում է այնպիսի շերտի, որի մէջ շատ դժւարութեամբ է ծծում ջուրը. օրինակ՝ կաւի շերտը (տես նկ. 24): Այդ շերտից վեր էլ պահում է ջուրը և սկսում է հոսել դէպի այն կողմը, որ կողմը որ թեքւած է շերտը:



Նկ. 24. Ինչպէս է առաջ գալիս աղբիւրը: 1-ին և 2-րդ շերտերը ջուրը հեշտութեամբ են ծծում, 3-րդը՝ դժւարութեամբ: Զուրը հաւաքւում է 2-րդ շերտում: Սլաքները ցոյց են տալիս, թէ ինչ ուղղութեամբ է հոսում ստորերկրեայ ջուրը:

Այնտեղ, ուր այդ շերտը երկրի երեսն է ելնում, ջուրն էլ հոսում է դուրս և կազմում աղբիւր:


Աղբիւրի ջուրը միշտ թարմ, մաքուր և պարզ է լինում, որովհեաև պղտորութիւնը մնում է այն շերտերում, որոնց միշտ նա հոսում է: Սակայն որքան էլ աղբիւրի ջուրը մաքուր լինի, բայց և այնպէս նրա մէջ փոքր քանակութեամբ լուծած դրութեան մէջ աղ, կիր և մի քանի ուրիշ նիւթեր կան:

Փորձի համար կարելի է մի աման աղբիւրի ջուր վերցնել և հոտալ այնչափ, մինչև որ բոլորովին գոլորշիանայ. ամանի տակ քիչ և կիր կթնան:

Երկրի շերտերում միշտ գոնէ փոքր չափով կիր և աղ կայ. և որովհեաև այդ նիւթերը հեշտութեամբ են լուծում ջրի մէջ, ուստի և ամեն մի աղբիւրի ջուր պարունակում է

աղ և կիր: Այն ջուրը, որ շատ քիչ աղ է պարունակում իր մէջ, կոչւում է անուշ կամ քաղցրահամ ջուր:

ՀԱՆՔԱՅԻՆ ԵՒ ՏԱՔ ԱՂԲԻԿԻՆԵՐԻ:—Կան վայրեր, ուր գըտնըւում են հանքային աղբիւրներ: Սովորական աղբիւրներից դրանք տարբերում են նրանով, որ պարունակում են աւելի քանակութեամբ հանքային բաղադրութիւններ: Բացի աղբից և կրից՝ դրանց մէջ լուծուած են լինում շատ ուրիշ հանքային նիւթեր. օրինակ՝ երկաթաղեր և ծծմբաղեր: Հանքային աղբիւրները բժշկում են որոշ հիւանդութիւններ:



Նկ. 25. Գէյդեր

Դեռևս ոչ բոլորովին սառած լաւա: Եթէ լաւան դեռ շատ տաք

երկրի խոր շերտերից դուրս եկող աղբիւրները տաք ջուր են ունենում: Տաք աղբիւրները կամ շերմուկները մեծ մասսով գանուում են գործող և հանգած նրաբուղիներից ոչ նեռու: Դրանց մօտ՝ երկրի ներսում, մոխրաշերտերի մէջ գանուում է վաղուց արդէն ժայթքած, բայց


է, այդ աղբիւրներից ժամանակ առ ժամանակ գոլորշի է դուրս գալիս, շատրւանի նման՝ եռացող ջրի սիւներ են դուրս խըփում։ Այդպիսի տաք աղբիւրները կոչւում են գէյզերներ։

Ոչ կովկասում և ոչ էլ ամբողջ Ռուսաստանում չկան գէյզերներ. սակայն մեր երկրում, կովկասում, շատ կան տաք, հանքային աղբիւրներ։

Չեր ընակավայրում, ձեր ծննդավայրում՝ կա՞ն հանքային աղբիւրներ։

**ԳԵՏԵՐ:** — Աղբիւրների, անձրկի և հալած ձեան ջրերից գոյանում են առւակներ, առուներ և գետակներ։ Մի քանի գետակներ միանալով իրար հետ՝ կազմում են գետեր։

Այն խորն ընկած ուղին, որով հոսում է գետը կամ գետակը, կոչւում է գետի տաշտ։ Գետի յատակը կոչւում է հուն։ Եթէ տաշտի թեքւածքը շատ զգալի չէ, ջուրը հոսում է դանդաղ, հակառակ դէպքում՝ արագ։



Նկ. 26. Գետ և նրա մասերը (բաղուկների մէջ ընկնում է գետան)


Գետի սկիզբը կոչւում է ակունք. իսկ վերջը, այսինքն այն՝ մասը, ուր նա թափւում է մի ուրիշ գետ, մի լիճ և կամ մի ծով, կոչւում է գետաբերան։

Երբ քարտէզի վրայ ցոյց են տալիս գետը, միշտ սկսում են ակունքից եւ վերջացնում գետաբերանով։

Ցոյց տալ Արաքսը. ի՞նչ բարձրութեան վրայ է նա սկիզբ առնում եւ ո՞ւր է թափում։

Եթէ երեսներս դարձնենք դէպի գետի հոսանքը, մեր աջ կողմը կլինի գետի աջ ափը, իսկ ձախ կողմը՝ ձախ ափը։ Ցոյց տալ քարտէզի վրայ Արաքսի աջ ափը։

Երբ մի գետ թափւում է ուրիշ գետի մէջ, կոչւում է վտակ։ Վտակները լինում են՝ աջակողմեան և ձախակողմեան, նայած թէ որ կողմից են թափւում գետը։



Նկ. 27. Զրարարի և ջրբաժան գծեր։

Քարտէզի միջոցով իրացնել Արաքսի զիսաւոր վտակները։ Դրանցից որո՞նք են աջակողմեան, եւ որո՞նք՝ ձախակողմեան. որո՞նք են ամենամեծ վտակները։

Գետն իր վտակների հետ միասին կազմում է գետային սիստեմ (համակարգութիւն)։ Այն տարածութիւնը, որից իր բոլոր ջրերն է հաւաքում գետը, կոչւում է գետի աւազան կամ ջրաբաշխ։ Այն բարձրութիւնը, որ բաժանում է մի ջրաբաշխ ուրիշ ջրաբաշխից, կոչւում է ջրբաժան գիծ (տես նկ. 27)։


Գետերի մեծ մասը հոսում է դէպի ծով կամ ովկիանոս։ Խորացներով իրենց տաշտը և ողողելով ափերը՝ գետերը ժամանակի ընթացքում գոյացնում են գետահովիտներ։ Գետերը հոսում են իրենց հովտի ամենացածր մասով՝ տաշտով։

Եթէ գետը սկիզբ է առնում քարձը տեղ և սրբնթաց ցած հոսում, այդ դէպում նրա վերին հոսանքը լինում է արագ. այդ մասում նա շատ ուժգին ողողում է իր տաշտը:

Գետի միջին հոսանքը սովորաբար լինում է աւելի դանդաղ. այդ մասում նա շատ քիչ է ողողում իր ափերը, միայն առաջ է քշում այն աւազը, որ բերել է վերին հոսանքից:

Գետի ստորին հոսանքը, մանաւանդ ծովը թափւելիս, բոլորովին դանդաղ է լինում: Այդ մասում ահազին քանակութեամբ աւագ և տիղմ է մնում տաշտի վրայ. առաջ են գալիս երեխն ծանծաղուտներ և կղզիներ, որոնք գետը բազուկների են բաժանում: Այդպիսի գետաբերանն իր բոլոր բազուկների և կղզիների հետ միասին՝ կոչւում է դելտա:

Շատ գետեր իրենց ճանապարհին (մանաւանդ վերին և միջին, բայց երեխն նաև ստորին հոսանքներում) հանդիպում են յանկարծակի իջւածքի և կազմում սահանքներ և ջըրվէ ժներ: Սահանք կոչւում է այն տեղը, ուր գետն իր քարքարութաշտի մէջ զգալի թեքւածքով է հոսում և աղմկում է ու զարնում քարերին: Զրվէ ժներ կազմւում են այնտեղ, ուր գետը սանդղքածե բարձրութիւնից աղմկայոյգ և փրփրագեղ ցած է թափւում:



Նկ. 28. Սահանք և ջրվէժ

ԼՃԵՐ:—Ամեն մի գետ հոսում է իր տաշտի միջով, որ թեքւած է դէպի մի կողմ. իսկ լճերը գտնուում են կաթսայանման գոգաւորութիւնների մէջ, այսինքն այնպիսի խորն ընկած վայրերում, որոնց բոլոր ծայրերն աւելի բարձր են, քան միջին մասը. այդ պատճառով էլ լճի մէջ ջուրը չէ կարող հոսել, ինչպէս գետի մէջ:

Կան լճեր, որոնցից սկիզբ են առնում գետեր. դրանք կոչւում են հոսող լճեր. օրինակ՝ ՍԵՐԱՆԱՑ ԼՃԵՐ, որից սկիզբ է առնում Հրազդան կամ Զանգի գետը: Այդպիսի լճերի ջուրն անուշ է լինում, ինչպէս գետի ջուրը. պատճառն այն է, որ լճից դուրս եկող գետը ժամանակի ընթացքում հետը տանում է լճի մէջ եղած աղը: Սակայն այդպիսի լճերի ջուրն աւելի պարզ է լինում, քան գետերի ջուրը, որովհետև պղտորութիւնը նստում է յատակին:

Կան շատ լճեր էլ, որոնցից սկիզբ չեն առնում գետեր կամ գետակներ. դրանք կոչւում են չհոսող լճեր: Այդպիսի լճերի ջուրը մեծ մասով աղի է լինում. դրանց մէջ թափւող գետերը և գետակները բերում են կամ անուշ, կամ աղի ջուր (որտեղ երկրի շերտերը շատ աղ են պարունակում): Ամառն այդ լճերի ջուրը շատ գոլորշիանում է, իսկ ջրի մէջ լուծւած աղը մնում է. դրանից էլ այդ լճերի ջուրն աւելի ու աւելի աղի է դառնում: Ամառւայ միջում լինում է այնպիսի թանձը աղաջուր, որ աղը բաժանում է նրանից բիւրեղների ձևով և ամեն տարի նոր շերտ կազմում:


Աղի են օրինակ՝ ԿԱՍՊԻՅ և ՎԱՆԱՑ ԼՃԵՐԸ:

Կան լճեր, որոնց ջուրը դառն աղի է. պատճառն այն է, որ նրանց մէջ բացի սովորական աղից կան նաև մի քանի տեսակ գառն աղեր: Դառն աղի է, օրինակ, ՈՒՐՄՈՅՑ ԼՃԵՐ ջուրը (Պարսկա-Հայաստան):

Հարթ տեղերում երբեխն լինում են ճահիճներ գոյանում են այնտեղ, ուր երկրի վերին շերտին մօտ գտնում են կաւի, գրանիտի և գրանց նման՝ դժւարութեամբ ջուր ընդունող շերտեր. Ջուրը չէ ծծում ներս, հաւաքւած է մնում վերև: Ճահիճները սովորաբար լինում են փոքր և ծանծաղ: Սակայն պատճառում են նաև խոր և մեծ ճահիճներ: Շատ ճահիճներ գոյացել են այնպիսի լճերից, որոնք հետքին մամուակալել են և խոտով ծածկւել:




գետի կամ լճի ալիքները։ Որչափ աւելի լայն և խոր է ծովը, այնչափ էլ աւելի շատ ալիքներ է ունենում։ Կան ծովեր, ուր մրրիկի ժամանակ ալիքները մինչև երկու սաժէն բարձրութեան են համառում, իսկ ովկիանոսներում՝ մինչև 5—7 սաժէն։ Ծովի ալիքներն ուժգին կերպով ճօճում են նոյնիսկ մեծ նաւերը։




Նկ. 29. Փոթորիկ Սև Ծովի վրայ։

Եթէ ծովի վրայ քամին երկար ժամանակ փչում է միենոյն ուղղութեամբ, նա քիչ-քիչ առաջ է քշում ջրի վերին շերտերը, որոնք սկսում են դանդաղորեն շարժւել քամու ուղղութեամբ։ Այդպիսով ծովի մէջ առաջ է դալիս հոսանք. երբ քամին կտրւում է, հոսանքն էլ շուտով դադարում է։

**ՄԱԿՐՆԹԱՑՈՒԹԻՒՆ ԵՒ ՏԵՂԱՏԻՌԻԹԻՒՆ։—Ծովի մէջ ջուրը** օրւայ ընթացքում երկու անգամ դանդաղօրէն բարձրանում է, երկու անգամ էլ նոյն կերպ իջնում։ 6 ժամ 12 րոպէի ընթացքում ջուրը բարձրանում է և ծածկում ծովեզը. դա մակընթացութիւնն է։ Հետևեալ 6 ժամ 12 րոպէի ընթացքում ջուրն իջնում է եղբերից և յետ-յետ գնում, դա տեղատութիւնն է։



Նկ. 30. Մակընթացութիւն։



Նկ. 31. Տեղատութիւն։

Մակրնթացութիւնը և տեղատութիւնն օրւայ ընթացքում անպատճառ և կանոնաւորապէս յաջորդում են իրար—միևնույն է թէ ինչպիսի եղանակ է. քամիները միայն գորեղացնել և թուլացնել կարող են նրանց:


Տարբեր ծովերում տարբեր բարձրութեան է հասնում մակրնթացութիւնը: Օրինակ՝ Սև ծովում նա հազիւ է նկատելի լինում: Ընդհանրապէս՝ մակրնթացութիւնը և տեղատութիւնը մեծ են լինում ովկիանոսների և բաց ծովերի՝ այսինքն ովկիանոսների հետ լայն կերպով միացած ծովերի ափերին:

**ԾՈՎԻ ԵԶՐԸ:**— Ծովի և ցամաքի մէջ եղած սահմանը կոչում է ծովեզրեայ գիծ: Ծովեզրը սովորաբար կտրտւած է լինում: Ցամաքի այն մասը, որ մտնում է ծովի մէջ և երեք կողմից շրջապատւած է ջրով, իսկ մի կողմից ցամաքի հետ է միացած, կոչում է թերակղզի: Այն թերակղզին, որ փոքր է և նեղ ու աւելի երկար տարածութեան վրայ մտնում է ծովի մէջ, կոչում է հրւանդան: Այն նեղ տարածութիւնը, որ երկու ընդարձակ ցամաքներ միացնում է իրար հետ, կոչում է պարանոց: Այն ցամաքը, որ ամեն կողմից շրջապատւած է ջրով, կոչում է կղզի:

Ծովը անդադար ողողում եւ ժայխայում է բարձր ծովեզրը, մանաւանդ մըրիկների ժամանակ, երբ ալիքները յատակից պոկոտում են քար, դուրս հանում խեցիներ ու աւագ և ուժգին կերպով ժայռերին խփում: Ծովափերի ողողւած մասերը թափում են ջրի մէջ: Ծովի հոսանքները քշում տանում են աւազը և տիղմը, իսկ մնացած քարերն ալիքներից տրորւում են և անընդհատ մանրանում:


Այնտեղ, ուր ծովափը բաղկացած է լեռնային փիրուն տեսակներից, քայլքայումն աւելի արագ է կատարւում. այդպիսի տեղերում ծովը մտնում է ցամաքի մէջ և ծոցեր կազմում: Այնտեղ, ուր ծովափն աւելի ամուր է, քայլքայումը կատարւում է դանդաղ. այդպիսի տեղերում մնում են թերակղզիներ, ապառաժու կղզիներ և ստորջրեայ ժայռեր:

Ցածր ծովափերի վրայ ալիքները բոլորովին ուրիշ կերպ



Նկ. 32. Ծովեզրի կտրտւածքներ

**ԾՈՎԱՓՆԵԱՅ ԱԻԱԶԱԹՄԲԵՐ:**— Ծովից փչող քամին քշում տանում է ալիքների բերած և ծովափին դիզած աւազը, երբ առդէն չորացած է լինում: Եթէ քամին իր ճանապարհին որևէ խոչընդոտի է հանդիպում, օրինակ մի ծառի, նա թուլանում է և աւազը վայր թափում: Կամաց-կամաց ծառի ա-



Նկ. 33. Ծովափնեայ աւազաթմբեր

ռաջ բարձրանում է աւազաթմբումք (գիւն): Աւազաթմումքը հետզհետէ մեծանում է և քիչ-քիչ ծածկում ծառը, բայց յե-


են ներգործում. անդադար դուրս են թափում աւազ, որ դիզելով կամաց-կամաց յետ է մըղում ջուրը: Այսպիսով՝ ցածր ծովափերը հետզհետէ բարձրանում են:

տոյ սկսում է առաջ շարժվել, որովհետեւ քամին անդադար աւազաթմբի մի լանջից գէպի միւս լանջն է քշում աւազը:

Աւազաթմբերի շարժումը կատարւում է շատ դանդաղ, ամբողջ տարւայ ընթացքում հազիւ մի քանի սաժէն տարածութեան վրայ: Սակայն տասնեակ տարիների ընթացքում այդ աւազաթմբերն արդէն բաւական առաջ են շարժւած լինում և տակով են անում ոչ միայն հատ-հատ ծառեր, այլ և երբեմն՝ ամբողջ անտառներ, տներ և մինչեւ իսկ գիւղեր: Աւազաթմբերի շարժումը կանգնեցնելու համար նրանց լանջերին աճեցնում են՝ աւազի մէջ լաւ բանող խոտեր, կամ անկում մայրի անտառներ:

Բոյսերն ի՞նչպէս կարող են կանգնեցնել աւազաթմբ. շարժումը:

**ԾՈՎԻ ՍԱՌՈՅՑԸ ԵՒ ՍԱՌՑԱՍԱՐԵՐ: — ԵՐԲ ՃՈՎԸ ՍԱՌՀՈՒՄ Է՝ ՍՊԱԳՎՈՒՄ Է ՃՈՎԱՅԻՆ ՍԱՌՈՅց: ԾՈՎԱՅԻՆ ՍԱՌՈՅՋԸ ԳԵՏԻ ՍԱ-**




Նկ. 34. Ովկիանոսում լողացող սառցէ սար

ոռյցից տարբերում է նրանով, որ ադի համ է ունենում: Ծովային սառոյցն ընդհանրապէս շատ հաստ չէ լինում— սովորաբար մէկ սաժէնից ոչ աւելի:

Սառոյցի կտորները ծովի մէջ սկզբում առանձին-առանձին են լողում. իրար հետ միանալով՝ գոյացնում են սառցակոյտեր: Երբեմն սառցակոյտերը հսկայական մեծութեան են հասնում, որոնք և կոչւում են սառցադաշտեր: Սառցադաշտերը տասնեակ, երբեմն մինչեւ իսկ հարիւրաւոր վերստեր երկայնութիւն և լայնութիւն են ունենում: Երբ քամի է բարձրանում՝ սառցադաշտերը մասերի են բաժանում, սառցակոյտերն իրար վրայ գիզուում. այդպիսով ստացւում են սառցաբլուրներ:

Ծովերում և ովկիանոսներում պատահում են նաև սառ-



Նկ. 35. Սառցասարերի գոյանալը


ցասարեր: Դրանք ճովի մակերեսոյթից երբեմն 50 սաժէն բարձր են լինում, իսկ նրանց ստորջրեայ մասը 5 և աւելի

անդամ հաստ, քան ջրի մակերևոյթից վեր գտնւող մասը՝ կնշանակէ՝ սառցասարերի ամբողջ հաստութիւնը երբեմն կէս վերստի է համառմ: Սառցասարերը գոյանում են ոչ թէ ծովի սառուցից, այլ այն սառցաղաշտերից, որոնք ծովափնեայ լեռներից ուղղակի դէպի ծով են ցած սահում:

Սառցասարերը բաղկացած են ոչ թէ աղի, այլ քաղցրահամ սառուցից:

**ԾՈՎԻ ՅԱՏԱԿԸ:**—Ծովի յատակն աւելի հարբ է, քան ցամաքի մակերևոյթը, թէպէտ այնտեղ էլ կան բարձրութիւններ և ցածրութիւններ:

Ովկիանոսների միջին խորութիւնը (բոլոր ծովերը և ծոցերը հաշւած) մօտ  $3\frac{1}{2}$  վերստ է (ցամաքի մակերևոյթի միջին բարձրութիւնն է  $\frac{7}{10}$  վերստ): Ատլանտեան ովկիանոսում կան մինչև 9 վերստ խորութիւն ունեցող տեղեր, իսկ Մեծ կամ



Նկ. 36. Կորալներ

Խաղաղ ովկիանոսում—մինչև 10 վերստ. այնպէս որ այդ տեղերում կծածկւէր երկրագնդի ամենաբարձր սարն անդամ—

էւերեսուը: Արեգակի լոյսը և տաքութիւնը հազիւ 100—120 սաժէն խոր են թափանցում ովկիանոսի մէջ: Աւելի խորը՝ յաւերժական խաւարի և ցրտի թագաւորութիւնն է:

Ծովի մէջ կան անթիւ և բազմազան կենդանիներ և բոյսեր: Մի քանի տաք ծովերում ապրում են մի տեսակ մանրիկ կենդանիներ, որոնք կորալ են կոչւում: Անչափ շատ, բազմամիլիոն կորալներ երբեմն իրար վրայ կիտւելով գոյացնում են կղզիներ և ծովախութեր:

0 ♀

**ՕԴԸ ԵՒ ՆՐԱ ԿԱՂՄՈՒԹԻՒՆԸ:**—Ամեն տեղ, թէ հարթութիւններից և թէ լռուներից վեր կայ օդ: Օդը շատ թեթև, թափանցիկ մարմին է, որ շնչում ենք. առանց օդի չեն կարող ապրել հչ մարդիկ, ոչ կենդանիները, և ոչ էլ բոյսերը: Երկրագունդը շրջապատող ամբողջ օդը կոչւում է մթնոլորտ: Թէ որքան վեր է տարածւում մթնոլորտը, այդ որոշ յայտնի չէ. կարծում են՝ 200—300 վերստ, ոչ աւելի:

Օդը թափանցիկ է և գոյն չունի, ուստի չենք կարող տեսնել: Երկնքի կապոյտ գոյնը, երբ նա ամպերով ծածկւած չէ լինում, առաջ է գալիս նրանից, որ արեգակի ճառագայթները լուսաւորում են թէ օդը, թէ նրա մէջ գտնւող ջրային գոլորշիները և փոշին:

Օդին նման մարմինները կոչւում են գաղեր: Գաղերն անդոյն, թափանցիկ են, շատ թեթև և շարժուն, հաստատուն ձև չունեն: Օդը գլխաւորապէս երկու գագերի խառնուրդ է—թթւածինի և բորակածինի: Օդի մէջ կայ նաև ածխաթթւուտ գաղի աննշան բաղադրութիւն: Այդ գաղերից թթւածինն անհրաժեշտ է շնչելու և այրելու համար: Թթւածինը շնչելուց պակասում է: Եթէ մի փոքր և լուսամուտները կողպած սենեակում հաւաքւած լինեն շատ մարդիկ, քիչ յետոյ կղզան, որ օդը ծանրացել է, գժւար է այլ ևս շնչել, պատճառն այն է, որ սենեակի օդի մէջ եղած թթւածինը պակասել է, այլ ևս բաւական չէ այդքան մարդկանց համար:



Նոյն կերպ էլ կարելի է իմանալ մի տեղի ամբողջ ամսւայ և ամբողջ տարւայ օդի աաքութեան միջին աստիճանը: Այսպիսով իմանում են զանազան տեղերի օդի տաքութեան միջին աստիճանը (տարւայ ընթացքում): Եթէ մենք գիտենք զանազան տեղերի տաքութեան միջին աստիճանները, այդ դէպքում կարող ենք ասել, թէ որտեղ աւելի տաք է և որտեղ աւելի ցուրտ: Այսպէս օրինակ՝ օդի տաքութեան միջին աստիճանն է Պետերբուրգում  $4^{\circ}$  (ըստ Յելսիուսի), Կիևում  $6^{\circ}$ , Օդեսայում  $10^{\circ}$ , Թիֆլիսում  $12,7^{\circ}$ , Բաքում  $14,4^{\circ}$ , Բաթումում  $15^{\circ}$ , Երևանում  $11^{\circ}$ , Ալեքսանդրապոլում  $5,8^{\circ}$ , Գանձակում  $13^{\circ}$ , Շուշում  $9,4^{\circ}$ :


**ՕԴԻ ՎԵՐԻՆ ՇԵՐՏԵՐԻ ՑՐՏՈՒԹԻՒՆԸ:** — Օդապարիկով վերքարձրանալիս մարդիկ նկատում են հետեւալը. քանի աւելի վեր են բարձրանում, այնքան աւելի ցուրտ են զգում այնտեղ: Մի քանի վերստ բարձրութեան վրայ նոյնիսկ ամառ ժամանակ սառնամանիք է լինում, մինչդեռ այդ միջոցին ներքեռում, երկրի մակերեսոյթի վրայ, սաստիկ շոգ է լինում: Այսպէս էլ՝ օդն աւելի ցուրտ է լինում լեռների գագաթների վրայ, քան նրանց ստորոտներում: Օրինակ՝ Մասիս սարի ստորոտներում այնչափ տաք է, որ այնտեղ նոյնիսկ խաղող է համնում, այն ինչ նրա գագաթի վրայ ամբողջ տարւայ ընթացքում ձիւն է նստած:

**ԻՆՉՈՒՍ Է ՏԱՔԱՆՈՒՄ ՕԴԸ:** — Արեգակի ճառագայթները, անցնելով օդի միջով, թոյլ կերպով են տաքացնում նրան:

Օդն իր սաքութիւնը ստանում է զիխաւորապէս երկրից. արան էլ տաքացրած է լինում արեգակը: Այդ է պատճառը, որ մթնոլորտի ստորին՝ երկրին մօտ գտնւող շերտերն աւելի տաք են լինում, քան վերին շերտերը:

Արեգակը որչափ աւելի բարձր գտնւելիս լինի երկնակամարի վրայ, այնչափ էլ աւելի տաքութիւն կպատճառի երկրին, իսկ երկրից էլ աւելի չափով տաքութիւն կստանայ օդը: Կէսօրին արեգակն աւելի է տաքացնում, քան առաւօտեան և երեկոյեան. ամառն աւելի՝ քան ձմեռը:

Արեգակի ճառագայթները տաքացնում են ջուրը ոչ այնչափ շուտ, որչափ ցամաքը: Այդ պատճառով էլ ամառ ժամանակ ծովից վեր տա-



Նկ. 39. Արեգակի ճառագայթները կէսօրին (ԱԲ) լուսաւորում են փոքր տաքածութեան (աբ), Մայը մտնող արեգակի նոյն չափ ճառագայթներ (ՊԴ) ցրւում են համեմատաբար աւելի մեծ տաքածութեան վրայ (ՊՊ), այդ պատճառով էլ աւելի թոյլ են լուսաւորում:

րածւող օդի շերտերն աւելի քիչ են տաքանում, քան ցամաքից վեր տաքածւող օդը: Ջուրն ուշ տաքանում է, սակայն ուշ էլ ցրտում է:

**ՄԹՆՈԼՈՐՏԱՅԻՆ ՏԵՂՈՒՄՆԵՐ:** — Ծովերի, գետերի և լճերի ջուրը մեծ չափով և մշտապէս գոլորշիանում է ու վեր բարձրանում, օդի մէջ խառնւում:

Օդի մէջ, այսպիսով, ամեն ժամանակ ջրային գոլորշի կայ: Մենք այդ գոլորշին տաք եղանակին չենք նկատում այն պատճառով, որ նա միանգամայն թափանցիկ է, թեթև. իր ձեռվ նա ամեննեին չէ տարբերում օդից: Բայց երբ օդը սկսում է ցրտել՝ նրանում եղած գոլորշիները խտանում են, դառնում ջրային մանրիկ փամփշտիկներ, որ և մենք տեսնում ենք: Եթէ օդի մէջ շատ գոլորշի է պարունակում, կոչւում է խոնաւ օդ, իսկ եթէ քիչ—չոր օդ:

Ջրի գոլորշիանսալուց է, որ ծովի ջուրը միշտ միևնույն է մնում, չէ աւելանում, չնայելով որ հազարաւոր գետեր են թափւում ծովը: Ինչ չափով ծովի ջուրը շատանում է, այն չափով էլ նա գոլորշիանում է:

Եթէ ձմեռ ժամանակ մի տաք սենեակ ներս տանենք քարկամ մի ուրիշ սառն առարկայ, կտեսնենք, որ նա թաց կլինի: Ինչից. նրանից, որ սառն առարկան շրջապատող օդի մէջ գտնւած ջրային գոլորշիները ցրտից խտացան, իրար կպան և

դարձան մանրիկ կաթիլներ։ Ամառը՝ երբ ցերեկը շոգ է լինում, իսկ նրան յաջորդում է պարզ և ցուրտ գիշեր, օդի մէջ եղած գոլորշիները խտանալով ջրի կաթիլներ են դառնում, նստում ցամաքի վրայ։ Ջրի այդպիսի կաթիլները կոչւում են ցօդ։

Երբ օդը շատ ցուրտ է լինում (ձմեռը), այդ դէպքում օդի ջրային գոլորշիները սառչում են և նստում գետնի վրայ. դրանք կոչւում են եղեամ։

Բացի ցողից, երբ օդը ցրառում է՝ նրանում եղած ջրային գոլորշիներից կարող է գոյանալ նաև մառախուզդ։ Շատ մառախուզդ լինում է մանաւանդ ճահճների մօտ, որտեղ օդն աչքի է ընկնում իր խոնաւութեամբ, այսինքն շատ գոլորշիներ է պարունակում իր մէջ։

Մառախուզը կամ մէգը բաղկացած է ջրային շատ մանրիկ կաթիլներից։ Առանձին-առանձին վերցրած՝ այդ կաթիլները նշանաբեր կարելի է միայն խոշորացոյց ապակու միջով։ Այդ կաթիլներն այնչափ մանր են և թեթև, որ ցրւած են օդի մէջ փոշու նման։

Մառախուզը, ինչպէս և ցօդը, գոյանում է ամենից աւելի՝ գիշերները։ Մառախուզը մօտ է լինում երկրի մակերևոյթին, պատում է սարերի գագաթները։ Արեւ ծագելուց յետոյ մառախուզը սովորաբար անհետանում է, փոխում և դառնում է գոլորշի։

Ջրային գոլորշիները բարձրանալով օդի վերին և աւելի ցուրտ շերտերը, սառչում են այնտեղ և դառնում ամպ։ Ամպն էլ, մառախուզի նման, բաղկացած է ջրի չափազանց մանրիկ և շատ թեթև կաթիլներից, որոնք լողում են օդի մէջ։ Երբ ամպը խտանում է, այն ժամանակ օդում եղած ջրի մանրիկ կաթիլները միանում են իրար հետ և դառնում խոշոր կաթիլներ։


այդպիսով նրանք ծանրանում են և թափուում երկրի վրայ՝ իբրև անձրև։ Շատ ցուրտ ե-



Նկ. 40. Զեան փաթիլներ

ղանակին (ձմեռը) անձրեկի փոխարէն փաթիլներով ձիւն է թափուում։ Զեան փաթիլները տարբեր ձևեր են ունենում։ Ամառ ժամանակ, երբ օդի վերին շերտերում շատ ցուրտ է լինում, թափուղ անձրեկի կաթիլները սառչում են և դառնում կարկուտ։

Ամպերը շատ էլ բարձր չեն լինում (սովորաբար 1—2 վերստ)։ Ամենաբարձր ամպերն են՝ փետրած և ամպերը. նըրանց բարձրութիւնն է մօտաւորապէս 10—15 վերստ, բաղկանում են ձեան մանրիկ փաթիլներից։ Բացի փետրած և ամպերից՝ լինում են նաև խմբւած, շերտած և անձրեած բարձր ամպեր։



Նկ. 41. Ա. մպեր

1. Փետրած, 2. խմբւած, 3. շերտած, 4. անձրեած ամպեր։

Յօդը, եղեամը, անձրել, ձիւնը և կարկուտը կոչւում են մթնոլորտային տեղումներ, որովհետեւ նրանք տեղում, թափուում են մթնոլորտից։

ԱՄՊԵՐԻ ՆՇԱՆԱԿՈՒԹԻՒՆՆ ՕԴԻ ՏԱՔՈՒԹԵԱՆ ՀԱՄԱՐ:— Ամառը պարզ օրն աւելի տաք է լինում, քան ամպ օրը. ընդհակառակը, պարզ գիշերն աւելի ցուրտ է լինում, քան ամպամած գիշերը: Ամպերը նոյն նշանակութիւնն ունեն երկրի համար, ինչ որ տանիքը՝ տան համար: Ցերեկը, երբ արեգակը այրում է, ամպերը չեն թողնում որ երկերը շատ տաքանայ. գիշերն էլ նրանք չեն թողնում, որ երկերը շատ ցրտի:

Չմեռ ժամանակ թէ ցերեկը և թէ գիշերը պակաս ցուրտ է լինում եղանակը՝ երբ երկինքը ամպամած է, ինչպէս՝ ձմեռը մի ծածկած տեղ աւելի տաք է լինում, քան բաց տեղ:

ՈՐՈՇ ԵՒ ԿԱՅԾԱԿ:— Ամառ ժամանակ, կարկուտ կամ անձրև գալիս, յաճախ լինում է նաև որոտ ու կայծակ: Կայծակն էլեկտրական մեծ կայծ է, որ ամպերից խփում է գետին, կամ՝ մի ամպից դէպի ուրիշ ամպ: Այդպիսի կայծեր, ի հարկէ շատ աւելի փոքր չափով, կարելի է առաջ բերել արհեստական կերպով գուտապերչէ սանրից, եթէ մահուդով շփենք այն: Կայծակի հանած ձայնը կոչում է որոտ: Էլեկ-



Նկ. 42. Կայծակ

ԱՆՁՐԵՒԱՉԱՓ:— Մի գործիք կայ, որ ցոյց է տալիս, թէ նրանք աւելի շատ մթնոլորտային տեղումներ (անձրև, ձիւն և այլն) են թափում, և որտեղ՝ աւելի պակաս: Այդ գործիքը դոյլ (վեղրօյի) ձև ունի և կոչում է անձրևաչափ:

Անձրևաչափը դնում են բաց երկնքի տակ և ամեն անգամ անձրևից յետոյ վերցնում են և տեսնում, թէ որչափ ջուր է

հաւաքւել այնտեղ (եթէ ձիւն է եկել՝ հալցնում են): Անձրեւաչափի մէջ հաւաքւած ջուրը չափելուց և նշանակելուց յետոյ ջուրը թափում են, իսկ անձրևաչափը կրկին իր տեղը դնում:

Մի ամիս կամ մի տարի անցնելուց յետոյ, անդադար նոյն փորձն անելով, մարդիկ հաշւում են, թէ ջրի ինչ էեր կատացւէր անձրեւաչափի մէջ (ուրեմն և երկրի վրայ), եթէ ամսւայ կամ տարւայ ընթացքում մթնոլորտային տեղումների ձևով թափւած ջուրը պահւէր:

Անձրևաչափը զանազան վայրերում դնելով իմանում են, թէ մթնոլորտային տեղումներ որ տեղ են աւելի լինում, և որտեղ՝ պակաս:

Այդ ձևով ահա իմացել են, որ օրինակ Պետերբուրգում և Մոսկվայում տարւայ ընթացքում մօտ 50 սանտիմետր մթնոլորտային տեղումներ են թափւում, Աստրախանում՝ 15, Բաթումում՝ 240, Բագրում՝ 24 Թիֆլիսում՝

49, Գանձակում՝ 24, Ալէքսանդրապոլում՝ 40:

Նկ. 43. Անձրևաչափ, ձ—բացւածք ջուրը դուրս բացու համար:

ՔԱՄԻ:— Շատ քիչ կպատահի, որ օդը հանդարտ լինի. սովորաբար նա շարժւում է. այդ շարժումն էլ կոչում է քամի կամ հողմ:


Օդի ձևումն ամեն տեղ միատեսակ չէ լինում: Երբ մի տեղ օդը խիտ է, իսկ ուրիշ տեղ նոսր, այդ դէպքում առաջին տեղից օդը ձըգտում է դէպի երկրորդը, և այդպիսով էլ առաջ է գալիս քամին:

Քամու ուղղութիւնն իմանալ կարելի է հողմացոյցի (Փլիւգեր) միջոցով, որ դնում են բաց տեղ, ծառերից և շրջակայ շէնքերից վեր. հակառակ դէպքում նա ճիշտ կերպով չէր ցոյց տայ քամու ուղղութիւնը:

Քամու ուղղութիւնը որոշվում է հորիզոնի այն կողմով, որտեղից նա հար., օ արլ., վ արկ.:

Նկ. 44. Հողմացոյց: N հիւս., S հար., O արլ., V արկ.:

4




իչում է. այսպէս՝ եթէ քամին փշում է հիւսիսից, նա կոչւում է հիւսիսային քամի. եթէ փշում է արևելքից, կոչւում է արևելեան քամի, և այլն:

Քամու ոյժը կախւած է այն բանից, թէ որչափ արագ է շարժւում օդը: Ուժեղ քամու միջոցին օդը շարժւում է մօտաւորապէս երկաթուղու մարդատար գնացքի արագութեամբ (35 վերստ 1 ժամում), իսկ փոթորկի ժամանակ—շատ աւելի արագ (1 ժամում մինչև 200 վերստ):

Ծառերը, բլուրները և սարերը քամու շարժման առաջը զգալի կերպով առնում են: Այդ է պատճառը, որ ծովի վրայ քամին փշում է աւելի ուժեղ կերպով, քան ցամաքի վրայ, օվի վերին շերտերում աւելի ուժեղ, քան ստորին շերտերում \*):

ՊՏՈՒՏԱՀՈՂՄ, ԹԱԹԱՌ ԵՒ ՓՈԹՈՐԻԿ:—Երբեմն օդը պտոյտ գալով այնչափ արագ է վեր բարձրանում, որ իր հետ տանում է փոշի, աւազ, չոր խոտ և այլն. օդի այդպէս բարձրացող




Նկ. 45. Փոթորիկ անապատում

\*) Դրանով է բացարւում այն, որ օդապարիկներն ահազին տարածութիւն են կութեամբ-անցնում կարճ ժամանակում և այն ժամանակ, երբ երկրի մակերևոյթի վըքը միայն թոյլ քամիներ են փշում:

աիւնը կոչւում է պտուտահողմ (սատանի քամի, քաջքաքամի): Ամենից շատ պտուտահողմ լինում է ամառը, մանաւանդ անապատում, աւազոտ տեղ, երբ եղանակը շոգ է լինում և երկրի մօտ եղած օդը տաքանում է ու մեծ ուժով վեր բարձրանում: Այնչափ զօրեղ պտուտահողմեր են լինում, որ տանիքներ են պոկոտում և ծառեր արմատահան անում: Երբ պտուտահողմը ծովի վրայ է պատճառը, ժողովում է ջուրը, կաթիլ-կաթիլ անում և ահազին բարձրութեամբ վեր տանում: Այդպէս, ծովի վրայ կազմում է ջրեղէն սիւն—թաթառ: Թաթառը մի տեղ կանգ չէ առնում. նա արագ շարժւում է և եթէ ճանապարհին մակոյկների կամ փոքր նաւերի է հանդիպում, կոտրատում է նրանց կամ ջրով լցնում:

Երբեմն պտուտահողմն այնչափ զօրեղ է լինում, որ բըռնում է մի քանի հարիւր վերստ տարածութիւն: Այդպիսի քամին կոչւում է մըրրիկ կամ փոթորիկ: Փոթորիկները երբեմն քարուքանդ են անում ամբողջ գիւղեր և քաղաքներ ու աւերակների տակ թաղում բազմաթիւ մարդիկ: Մեծ քանա-



Նկ. 46. Թաթառ ծովի վրայ:

կութեամբ օդ է վեր բարձրանում պտուտահողմի միջով: Ջըրային գոլորշիներն այնտեղ խտանում են, ամպեր դառնում.

նրանցից էլ թափւում է անձրև, յաճախ լինում է միաժամանակ որոտ և կայծակ:

ՔԱՄԻՆԵՐԸ ԵՒ ՄԹՆՈԼՈՐՏՍՅԻՆ ՏԵՂՈՒՄՆԵՐԸ ԼԵՌՆԵՐՈՒՄ:—Երբ քամիները հասնում են բարձր լեռների՝ նրանց լանջերով փչում են վեր. այդ ժամանակ գոյանում են ամպեր, որոնք լցնում են հովիտները և ծածկում լեռնակատարները. ամպերից թափւում է անձրև կամ ձիւն: Իսկ երբ քամիները, անցնելով լեռների վրայից, աւելի հեռու են փշում, նրանց մէջ այլևս շատ խոնաւութիւն մնացած չէ լինում, ուստի մը թնողորտային տեղումներ էլ այնչափ չեն թափւում այնտեղ:

Մեր երկրում, կովկասում, Սև Ծովից յաճախ փչում են արեմը-տեան քամիներ. այդ պատճառով կովկասի արևմտեան մասում մթնութբային տեղումներ շատ են թափւում, իսկ արևելեան մասում—քիչ-քամիները կովկասեան լեռների վրայով անցնելուց յետոյ այլ ևս քիչ խոնաւութիւն են տանում: Դրանից է, որ Բաթումում մթնոլորտային տեղումները (240 սանտիմետր) 10 անգամ աւելի են, քան Բագրում:

## ԵՐԿՐՄԳՈՒՆԴ

ԾՈՎԻ ԵՒ ՑԱՄԱՔԻ ՄԱԿԵՐԵՒՈՅԹԸ ԿՈՐՆԹԱՐԴ Է:—Երբ մի նաւ է գալիս դէպի ծովափ՝ հեռուում, հորիզոնի վրայ, նախ և առաջ մենք տեսնում ենք նաւի վերին մասը, ապա միջին և վերջապէս ստորին մասը:




Նկ. 47. Ծովի մակերեսոյթը՝ կորնթարդ է

Երբ նաւն ափից հեռանում է դէպի բաց ծով, մեր աչքից նախ ծածկում է նրա ստորին, ապա միջին, վերջը վերին մասը:

Սրանից երեսում է, որ ծովի մակերեսոյթը տափակ չէ, այլ

կորնթարդ է, ամեն կողմից ուսուցիկ: Հենց այդ կորնթարդութեան պատճառով է, որ մենք չենք կարողանում տեսնել հեռուում գտնւող ամբողջ նաւը:

Քանի բարձր լինի նաւը, այնչափ էլ աւելի հեռուից կարելի է տեսնել այն: Հաւասար բարձրութիւն ունեցող նաւերը դիտողի աչքից անհետանում են հաւասար հեռաւորութեան վրայ, միևնուն է թէ նրանք որ կողմն են գնում—դէպի արևելք, արևմուտք, հիւսիս, թէ հարաւ: Այս ցոյց է տալիս ուրեմն, որ ջրի մակերեսոյթը միատեսակ կորնթարդ է բոլոր ծովերում եւ ամեն ուղղութեամբ<sup>\*)</sup>): Եթէ ծովի մակերեսոյթը տափակ լինէր, այդ դէպի մենք միանգամից կնկատէինք հեռուից եկող նաւի բոլոր մասերը: Նմանապէս՝ նաւը հեռանալիս մեր աչքից կանհետանային նրա բոլոր մասերը միաժամանակ:



Նկ. 48. Նաւեր ծովի վրայ: Հեռուում նկատելի են նաւերի միայն կայմերը:

Այս նոյն բանը նկատում ենք նաև ցամաքի վրայ: Երբ

\*) Զըի մակերեսոյթից 15 սաժէն բարձրութիւն ունեցող նաւն աչքից անհետանում է մօտաւորապէս 20 վերստ հեռաւորութեան վրայ, եթէ դիտողը ցածր ծովափի վրայ է կանգնած. իսկ եթէ դիտողը նաւին նայում է բարձր ծովափից, այդ դէպի ստոր կանհետանայ աւելի հեռուում:

մենք գնում ենք հարթ, բաց տարածութեան վրայ և դիմում ենք դէպի գիւղ, ամենից առաջ մեզ երկում են բարձր շէնքերը — գիւղական եկեղեցու խաչը և գմբէթը, զանգակատունը, յետոյ ծառերի կատարները և, վերջապէս, տները և ուրիշ շինութիւնները: Գիւղից հեռանալիս տեղի է ունենում հակառակը: Պարզ է ուրեմն, որ ցամաքի մակերեսոյթն էլ կորնթարդ է: Եթէ ցամաքը տափակ լինէր, գիւղին մօտենալիս մենք միաժամանակ կտեսնէինք թէ եկեղեցու գմբէթը, թէ ծառերը և թէ ուրիշ շէնքեր:

Երկրի կորնթարդ լինեն է պատճառը նաև այն բանի, որ երբ ծագում է արեգակը, նրա ճառագայթներն ընկնում են նախ և առաջ լեռների գագաթներին, յետոյ լուսաւորում են լանջերը, վերջը միայն՝ ստորոտը և ցածր վայրերը: Ընդհակառակը, երբ արեգակը մայր է մտնում, ամենից վերջը լեռների գագաթներն են զրկում արեգակի ճառագայթներից: Եթէ երկիրը տափակ լինէր՝ նրա բոլոր բարձրութիւններն ու ցածրութիւնները միաժամանակ կլուսաւորւէին և կմթնէին:

Եթէ թէ ծովը և թէ ցամաքը կորնթարդ են ամեն ուղղութեամբ, ապա ուրեմն ամբողջ երկիրն էլ կորնթարդ է:

Հումի խաւարման ժամանակ նրա վրայ լնկնում է երկրի ստերը: Այդստերը կլոր է. իսկ կլոր ստեր ունենում են միշտ միմիայն գնդաձե մարմինները: Այդ բանից էլ գեռ հնումը գիտնականները եզրակացրին, որ երկիրը գնդաձե է:

**ԵՐԿՐԻ ԶԵՒԾ ԵՒ ՄԵԾՈՒԹԻՒՆԸ.** — Ամեն ձեր մարմիններից միայն գունդն է, որի մակերեսոյթն ամեն ուղղութեամբ նաւասարապէս կորնթարդ է: Մի քանի գիտնականներ դեռ Քրիստոսի ծննդից առաջ եկան այն մտքին, թէ երկիրը մի մեծ գունդ է: Այդ միտքը վերջնականապէս հաստատւեց՝ երբ ճառապարհորդներին յաջողւեց երկրի շուրջը պտտել: Եթէ մենք ճանապարհորդելու ելնենք մի տեղից և միշտ միենոյն ուղղութեամբ շարունակենք մեր ճանապարհը, կտեսնենք, որ վերջը եկանք հասանք էլի նոյն տեղը, որտեղից գուրս էինք եկել, միայն թէ հակառակ կողմից: Եթէ օրինակ մի տեղից միշտ գէպի արևմուտք գնանք, նոյն տեղը կվերադառնանք արևելքից:



Նկ. 49. Մագելան

Առաջին անգամ երկրի շուրջը ճանապարհորդեց Մագելան անունով մէկը, մեզանից մօտ 400 տարի առաջ: Այդ ճանապարհորդութիւնը տևեց 3 տարի: Խորը Մագելանը սպանւեց ճանապարհին, իսկ նրա ուղեկիցները վերջացրին ճանապարհորդութիւնը:

Ներկայումս շատ դժւար չէ երկաթուղով և շոգենաւով ճանապարհորդել աշխարհի շուրջը. այդ ճանապարհորդութիւնը կտեսի մօտաւորապէս 2 ամիս:

Երկրագունդը շատ մեծ է: Նրա շրջագիծը մօտ 40 հազար վերստ է, իսկ տրամագիծը<sup>\*)</sup> 12 հազար վերստ: Միևնոյն միջոցին մենք տեսնել կարող ենք այդ գնդի միայն մի փոքրիկ մասը, ինչպէս որ խաղաղնդակի վրայ:


Նստած մըջիւնը (Նկ. 51) տեսնել կարող է նրա միայն մի փոքր մասը:

Երկիրն ամեն կողմից շրջապատւած է օգով. ուր էլ գնալու լինի մարդ, ամեն տեղ իր գլխավերել երկինք կտեսնէ, իսկ ոտքերի տակ՝ երկիր (տես. Նկ. 52):

Երկրի հակառակ ծայրերում կանգնած մարդկանց ոտքերն

Նկ. 50. Գնդակի շուրջը պտտող մըջիւններ: Նրանք մի կէտից զուրս են զալիս և վերադառնում նոյն տեղը հակառակ կողմից

\*) Տըամագիծ ասելով հասկանում ենք այն ուղիղ գիծը, որ անց են կացնում շրջանի մի ծայրից դէպի հակառակ ծայրը՝ կենտրոնի միջով:



իրար դէմ են լինում (տես. նկ. 52): Մարդիկ այդ գրութեամբ վայե չեն ընկնում շրջապատող տարածութիւնն այն պատճառով, որ երկիրը նրանց ամենքին էլ դէպի լինքն է ձգում (երկրի այդ ձգողական ոյժն ուրիշ խօսքով կոչւում է ծանրութիւն):

**ԳԼՈԲՈՒՄ:** — Երկրի ձևը, փոքր կամ զանազան կողմերում բացըած չափով, ամենից լաւ ցոյց կանգնած մարդիկ է տալիս գլոբուսը (Երկրագունդ): Գլոբուսը մի գունդ է, որ շինում են խաւաքարտից (կարտոն), պղնձից կամ տախտակից: Այդ գունդի վրայ գծագրում են երկրի մեծ ցամաքները, ովկիանոսները, ծովերը, նշանաւոր լեռները, գետերը, լճերը և այլն: Եթէ 2—3 արշին տրամագիծ ունեցող գլոբուս պատրաստենք, նրա վրայ ամենաբարձր լեռներն անդամ հազիւ գնդասեղի գլխի չափ բարձրութիւն կունենան: Բայց որովհետեւ սովորական գլոբուսները շատ աւելի փոքր են լինում, ուստի և չէ կարելի դրանց վրայ լեռները պատկերացնել դուրս ցցւած, իսկ դաշտավայրերը՝ խորն ընկած: Այդ պատճառով գլոբուսի վրայ ևս լեռներ, դաշտեր, ծովեր և այլն ցոյց տալու համար գործ են ածում նոյն գոյները, ինչ որ՝ քարտէգներ գծագրելիս: Այսպիսով, ուրեմն, գլոբուսը ներկայացնում է երկրի փոքրացրած պատկերը. միայն թէ՝ գլոբուսն ամրացրած է լինում պատւանդանի վրայ, այն ինչ երկիրը ոչ մի բանի վրայ չէ ամրացրած, նա ամեն կողմից շրջապատած է օդով:

Գլոբուսի միջով, մի ծայրից միւս միւս ծայրը, հազըրած է լինում մի մետաղէ ձողիկ. դա կոչւում է առանցք: Առանցքը հազըրած է լինում այնպէս, որ գլոբուսը պտոյտ է գալիս նրա շուրջը, ինչպէս որ անիւն է պտոյտ գալիս իր առանցքի շուրջը:

Այն երկու կէտերը, որտեղ առանցքը (վերևում և ներք-



Նկ. 52. Գլոբուս: Այստեղ նկատելի է երկրի մի մասը միայն

մին մէկ օրւայ ընթացքում պտառում է երկրագնդի շուրջը, ու դրանից էլ ցերեկ և գիշեր է առաջանում: Կոպեռնիկոսն էր առաջինը, որ ցոյց տւեց, թէ արեգակը կանգնած է, և երկիրն է պտոյտ գալիս, ինչպէս մի հոլ, և դէպի արեգակն է դարձնում մերթ մէկ, մերթ միւս կողմը:

Իսկ ինչու մենք չենք նկատում երկրի պտոյտ գալը: Երբ մարդ նաւով ճանապարհորդում է և ծովին նայում, նրան երբեմն այնպէս է թւում, թէ նաւը կանգնած է իր տեղում, և ծովափն է առաջ գալիս:

Երբ մարդ ճանապարհորդում է երկաթուղով և վագոնի պատուհանից գուրու է նայում, նրա աչքին այնպէս է երկում, թէ վագոնը կանգնած է, և հեռագրաթելի սիւներն են շարժում:

Հում) դուրս է գալիս գլոբուսի մակերեսոյթի վրայ, կոչւում են բեւեռներ. վերեինը կոչւում է հիւսիսային բեռն, իսկ ներքեկինը՝ հարաւային բեռն:

Գլոբուսի վրայ նկարում են երկիրն այնպէս, որ հիւսիս գտնւող մասերն ընկնեն գլոբուսի վերեի կողմը, իսկ հարաւայի երկրամասերը՝ ներքեկի կողմը:

ԵՐԿՐԻ ՇԱՐԺՈՒՄՆ ԻՐ ԱՌԱՆՑՔԻ ՇՈՒՐՋԸ. ՅԵՐԵԿ ԵՒ ԳԻՇԵՐ: — Թէպէտ մարդիկ իմացան, որ երկիրը գունդ է, բայց էլի երկար դարեր դեռ կարծում էին, թէ արեգակն ամբողջ երկնքին և բոլոր աստղերի հետ միա-

մին մէկ օրւայ ընթացքում պտառում է երկրագնդի շուրջը, ու դրանից էլ ցերեկ և գիշեր է առաջանում: Կոպեռնիկոսն էր առաջինը, որ ցոյց տւեց, թէ արեգակը կանգնած է, և երկիրն է պտոյտ գալիս, ինչպէս մի հոլ, և դէպի արեգակն է դարձնում մերթ մէկ, մերթ միւս կողմը:

Իսկ ինչու մենք չենք նկատում երկրի պտոյտ գալը: Երբ մարդ նաւով ճանապարհորդում է և ծովին նայում, նրան երբեմն այնպէս է թւում, թէ նաւը կանգնած է իր տեղում, և ծովափն է առաջ գալիս:

Երբ մարդ ճանապարհորդում է երկաթուղով և վագոնի պատուհանից գուրու է նայում, նրա աչքին այնպէս է երկում, թէ վագոնը կանգնած է, և հեռագրաթելի սիւներն են շարժում:

Այդպէս նաև, մեր աչքին է միայն երկում, թէ արեգակը շարժւում է երկնակամարով արեւելքից արեմուտք. իսկապէս երկիրն է, որ մեզ հետ միասին պտոյտ է գալիս արեւմուտքից արեւելք: Մենք չենք նկատում մեր սեփական շարժումն այն պատճառով, որ մեզ հետ միասին և միենոյն ուղղութեամբ շարժւում են նաև մեզ շրջապատող բոլոր առարկաները—տները, ծառերը, սարերը, գետերը, օդը և այլն, առանց փոխելու իրենց տեղը:

Այն մտաւոր, երկակայական գիծը, որի շուրջը պտոյտ է գալիս երկիրն ինչպէս մի հոլ, կոչւում է երկրի առանցք. առանցքի ծայրերը կոչւում են բեւեռներ: Երկու բեւեռ կայ—հիւսիսային և

հարաւային: Երկիրն իր առանցքի շուրջը պտոյտ է գալիս մէկ օրւայ կամ 24 ժամւայ ընթացքում: Այդ պատճառով էլ այդ շարժումը կոչւում է նաև օրական շարժում:

Երկրագունդն իր օրական շարժման միջոցին դէպի արեգակն է գարձնում իր մերժ մէկ, մերժ միւս երեսը. դրանից էլ առաջ են գալիս ցերեկ և գիշեր: Մեզ մօտ ցերեկ է լինում այն ժամանակ, երբ մեր երկրամասը, պտոյտ գալով, նայում է արեգակին. իսկ գիշեր լինում է մեզնում այն ժամանակ, երբ մեր երկրամասը չէ նայում արեգակին, չէ լուսաւորւմ:

Որովհետև ընդամենը մէկ արեգակ կայ, ուստի և նա միենանք ժամանակ չէ կարող լուսաւորել ամբողջ երկիրը. չէ որ անկարելի է, օրինակ, մէկ մոմի լուսով լուսաւորել խնձորի, խաղաղնդակի, գլոբուսի և ընդհանրապէս մի կլոր առարկայի



Կ. Յ. Կոպեռնիկոս

ամբողջ մակերեսոյթը՝ միաժամանակ: Հենց այդպէս էլ՝ արեգակը չէ կարող լուսաւորել երկրի ամբողջ մակերեսոյթը միանգիս, այլ կամաց-կամաց միայն, —մերժ նրա մէկ կէսը, մերժ էլ միւս կէսը: Այդ է պատճառը, որ երկրի վրայ ցերեկ և գիշեր անընդհատ յաջորդում են իրար մէկ օրւայ կամ 24 ժամւայ ընթացքում, որովհետև երկիրն էլ պտոյտ է գալիս իր առանցքի շուրջը 24 ժամւայ մէջ:




Նկ. 54. Ցերեկ և գիշեր. Երկրի լուսաւորւած մասում ցերեկ է, չլուսաւորւած մասում գիշեր:

ԱՍԻՃԱՆԱՑԱՆՑ: —Երկրի օրական շարժման միջոցին բնեոները մնում են անշարժ. Երկրի մնացած բոլոր կէտերը շարժւելով կազմում են (երկակայական) շրջագծեր: Ամենամեծ շրջագիծը գտնուում է երկու բնեոներից հաւասար հեռաւորութեան վրայ և կոչւում է հաւարակած: Հասարակածի երկայնութիւնն է  $37\frac{1}{2}$  հազար վերստ: Հասարակածով երկիրը բաժանուում է երկու կիսագնդերի—հիւսիսային և հարաւային:

Բացի հասարակածից՝ երկրագնդից՝ գերազանց անց են կացնում նաև զուգահեռականներ և միջօրէականներ: Զուգահեռական կոչւում են այն գծերը, որոնք անցնում են հասարակածի վերաբերմամբ զուգահեռական ուղղութեամբ (այսինքն՝ ոչ մօտենալով և ոչ էլ հեռանալով հասարակածից): Որքան զուգահեռական կամենանք՝ կարող ենք անց կացնել: Ամեն մի զուգահեռական շրջագիծ է: Զուգահեռականը որչափ մօտ գտնուի հասարակածին, այնչափ էլ մեծ կլինի, որչափ մօտ գտնուի բնեոի, այնչափ աւելի փոքր կլինի:

Միջօրէական կոչւում են այն երկակայական գծերը, որոնք անցնում են մի քենուից միւս քենուրը: Միջօրէական-



Նկ. 55. Չուգահեռականներ


միջօրէականների վրայ ընկնող վայրերում կէսօրը տարբեր ժամանակ է լինում:

Ի՞նչպէս կարելի է զլոբուսի վրայ ցոյց տալ այդ:

**Միջօրէականները**, գուգածներու և հասարակածը բաժանում են աստիճանների: Աստիճան կոչւում է ամեն մի շրջագծի  $\frac{1}{360}$ -րդ մասը: Հասարակածն ունի  $360$  աստիճան, որոնցից ամեն մէկը հաւասար է մօտ  $105$  վերստի: Ամեն մի միջօրէական ունի  $180$  աստիճան ( $ինչո՞ւ$   $n_{\circ}$   $360$ ): Միջօրէականների ամեն մէկ աստիճանն էլ մօտ  $105$  վերստի է հաւասար:


Ասացէք ինքներդ, քանի՞ աս-

Նկ. 56. Միջօրէականներ




\*) Դրա համար էլ կոչւում է միջօրէական գիծ:

տիճան ունի ամեն մի զուգահեռական: Զուգահեռականների աստիճանները հաւասար են հասարակածի աստիճաններին:



Նկ. 57. Աստիճաններ

Չուգահեռականները հաշւում են հասարակածից, — դէպի հիւսիս և դէպի հարաւ. եթէ մի զուգահեռական հասարակածից հեռու է  $30^{\circ}$  ( $30$  աստիճան), նա կոչւում է  $30$ -րդ զուգահեռական, եթէ հեռու է  $60^{\circ}$  —  $60$ -րդ զուգահեռական, և այլն: Մի որևէ միջօրէականից են հաշւում մնացած բոլոր միջօրէականները, — նրանից դէպի արևելք կամ արևմուտք: Այն միջօրէականը, որից հաշւում են միւսները, կոչւում է գլխաւոր միջօրէական:



ԱՍՏԻՃԱՆՆԱՑԱՆՑ

Նկ. 58.

Հասարակածը, զուգահեռականները և միջօրէականները միասին կազմում են աստիճանացանցը: Աստիճանացանցը

նրա համար է պէտք, որ գլոբուսի վրայ նշանակեն զանազան քաղաքներ, գետեր, լեռներ, և այլն:

Ի՞նչպէս որ դասարանի յատակագծի վրայ օրինակ սեղանի տեղը որոշելու համար չափում են նրա հեռաւորութիւնը երկու պատերից (երկայնութեան և լայնութեան), այդպէս էլ գլոբուսի վրայ օրինակ մի քաղաքի տեղը որոշելու համար հաշւում են նրա հեռաւորութիւնը հասարակածից և գլխաւոր միջօրէականից: Հասարակածից եղած հեռաւորութիւնը կոչւում է աշխարհագրական լայնութիւն, որ հաշւում են ոչ թէ վերստերով, այլ աստիճաններով: Եթէ որևէ քաղաք գտնուում է 60°-րդ զուգահեռականի վրայ, այդ նշանակում է՝ նրա լայնութիւնն է 60°: Աշխարհագրական լայնութիւնը լինում է՝ հիւսիսային, — հասարակածից հիւսիս, և հարաւային, — հասարակածից հարաւ:

Գլխաւոր միջօրէականից եղած հեռաւորութիւնը կոչւում է աշխարհագրական երկայնութիւն, որ գարձեալ աստիճաններով են հաշւում: Եթէ որևէ քաղաք գտնուում է օր. 100-րդ միջօրէականի վրայ, այդ նշանակում է՝ նրա երկայնութիւնն է 100°: Աշխարհագրական երկայնութիւնը լինում է՝ արևելեան, — գլխաւոր միջօրէականից արևելք, և արևմտեան, — նրանից արևմուտք:


Եթէ իմանանք զանազան վայրերի աշխարհագրական երկայնութիւնների մէջ եղած տարբերութիւնը, կարող ենք և հաշւել, թէ քանի ժամով կէսօրը այդ վայրերից մէկում աւելի առաջ է լինում, քան միւսում: 24 ժամւայ ընթացքում երկիրը կատարում է լրիւ շրջան ( $360^{\circ}$ ). Լնշանակէ 1 ժամում նա անցնում է  $15^{\circ}$ : Եթէ երկու վայրերի աշխարհագրական երկայնութեան մէջ եղած տարբերութիւնն օրինակ  $30^{\circ}$  է, կնշանակէ՝ ժամանակի տարբերութիւնն էլ նրանց մէջ կլինի շժամ:

Պետերբուրգի և Թիֆլիսի աշխարհագրական երկայնութեան տարբերութիւնն է՝ մօտ  $15^{\circ}$  (Պետերբուրգը Թիֆլիսից  $15^{\circ}$  արևմուտք է գտնուում) այդ պատճառով էլ այդ երկու քաղաքների ժամանակի տարբերութիւնը մօտ 1 ժամ է (58 րոպէ). Երբ Պետերբուրգում ժ. 12-ն է, Թիֆլիսում արդէն 12-ից անց է 58 րոպէ:

Թիֆլիսի ու Բագի աշխարհագրական երկայնութեան տարբե-

րութիւնն է՝ 5°: Ասացէ՛ք ինքներդ, Թիֆլիսի եւ Բագի ժամանակի մէջ եղած տարբերութիւնը քանի՞ րոպէ է:

**ԿԻՍԱԳՆԴԵՐԻ ՔԱՐՏԷԶ:** — Երկրի վրայ գտնւող զանազան վայրերի աշխարհագրական երկայնութիւնը և լայնութիւնն իմանալուց յետոյ կարելի է նշանակել գլոբուսի և քարտէզի վրայ: Որպէսզի քարտէզի վրայ կարելի լինի գծագրել ամբողջ երկրագունդը, վերջինս սովորաբար որևէ միջօրէականով բաժանում են երկու՝ արեւելեան եւ արեւմտեան կիսագնդերի. ամեն մի կիսագնդի համար գծագրում են առանձին աստիճանացանց — արևելեան կիսագնդի համար աջ կողմը, արևմտեան կիսագնդի համար՝ ձախ կողմը: Ապա՝ ամեն մի գծած զուգահեռականը քանի՞ աստիճանն է հեռու հասարակածից: Միջօրէականների վրայ ևս նշանակում են մի թիւ, որ ցոյց է տալիս թէ զուգահեռականը քանի՞ աստիճանն է հեռու հասարակածից:




Նկ. 59. Գունդ և կիսագնդ

Եթէ աստիճանների վրայ ևս նշանակում են, թէ նրանցից ամեն մէկը քանի՞ աստիճան է հեռու գլխաւոր միջօրէականից: Իբրև գլխաւոր միջօրէական ընդունւած է համարել այն, որ անցնում է Մեծիրիտանիայի (Անգլիա) Գրինիչ քաղաքի վրայով. դրա համար էլ այդ միջօրէականը կոչւում է Գրինիչի միջօրէական: Շատերը գլխաւոր միջօրէական ընդունում են այն, որ անցնում է Ֆերրո կղզու վրայով (Աֆրիկայի արևմտեան կողմում):

Երբ աստիճանացանցը պատրաստ է՝ նրա վրայ պայմանական նշաններով գծագրում են ծովերը, ցամաքները, գետերը, լճերը, և այլն: Այդ ամենը նշանակել կարելի է միայն այն ժամանակ, երբ ամեն մի վայրի աշխարհագրական երկայնութիւնը և լայնութիւնը յայտնի է արդէն:

Կիսագնդերի քարտէզին նայելով պիտի յիշել առաջին՝ որ

Երկրի մակերևոյթը տափակ չէ, ինչպէս քարտէզի վրայ, այլ՝ կորնթարդ. Երկրորդ՝ որ քարտէզը ծայրեր ունի, այն ինչ երկրի մակերևոյթը ծայրեր չունի. Ճիշտ այնպէս, ինչպէս գլոբուսի մակերևոյթը:




Նկ. 60. Կիսագնդերի քարտէզ

ԵՐԿՐԻ ԴԻՐՔԸ ՏԻԵԶԵՐՔՈՒՄ:—Երկրագունդը շրջապատւած է մթնոլորտով: Մթնոլորտի հաստութիւնը, համեմատած երկրի մեծութեան հետ, աննշան է:

Մթնոլորտի սահմաններից այն կողմը, երկրագնդի բոլոր ուղղութիւններով էլ, տարածւում է օդից զուրկ երկնային տարածութիւնը: Այդ տարածութիւնն անհուն է, անսահման, այնպէս որ մենք երեակայել անդամ չենք կարող նրանց սկիզբը, ոչ վերջը:

Երկնային անսահման տարածութեան վրայ կամ տիեզերքի մէջ տեսնում ենք՝ արեգակը, լուսինը, աստղերը և մոլորակները:

Արեգակը շիկացած և լուսատու հսկայական մի գունդ է. նա մեր երկրագնդից աւելի քան մէկ միլիոն անգամ մեծ է: Արեգակը մեր աչքին փոքր է երեսում այն պատճառով, որ



Նկ. 61.

մեզնից 140 միլիոն վերստ հեռու է գտնւում. 8 րոպէի ընթացքում հազիւ է արեգակի լոյսը մեզ հասնում, թէպէտ այդ լոյսը մէկ վայրկեանի մէջ 300 հազար վերստ է կտրում անցնում:


Աստղերն ևս արեգակի նման լուսատու գունդեր են: Սակայն աստղերը շատ աւելի հեռու են գտնւում երկրից, քան արեգակը. այդ պատճառով էլ նրանք մեզ փոքր են երեսում, փայլուն կէտերի են նմանում: Աստղերի թիւը շատ մեծ է. հասարակ աչքով կարելի է տեսնել մօտ 6.000 աստղ, իսկ հեռազիտակով երկացող աստղերի թիւը հաշուում են 100 միլիոնից աւելի: Եթէ ամբողջ տարւայ ընթացքում դիտենք աստղերը, կտեսնենք, որ նրանցից ամեն մէկը միւսների վերաբերմամբ միշտ էլ միւսոյն տեղն ունի:

Մոլորակներն (պլանետ) իրենց տեսքով քիչ են տարբերուում աստղերից: Սակայն մոլորակները ոչ թէ սեփական լուսով են լուսաւորուում, այլ արեգակից ստացած լուսով: Եթէ ամբողջ տարւայ ընթացքում դիտենք մոլորակները, կտեսնենք որ

նրանցից ամեն մէկը միւսների վերաբերմամբ փոխում է իր դիրքը: Հասարակ աչքով երևացող մոլորակներն են՝ Փայլածու (Մերկուր), Արուսեակ կամ Լուսաբեր, Լուսատղ (Վեներա), Հրատ (Մարս), Լուսնթագ (Իւպիտեր) ու Երևակ (Սատուրն):

Երկիրն եւս մոլորակ է. Նա արեգակից աւելի հեռու է գտնուում, քան Փայլածուն և Արուսեակը, բայց աւելի մօտ՝ քան Հրատը, Լուսնթագը և Երևակը: Եթէ մարդ կարող լինէր փոխադրել մի ուրիշ մոլորակի վրայ, այստեղից նրան մեր Երկրագունդը երկնային փոքրիկ լուսատուի նման կերևար:

Բոլոր մոլորակները պտտում են արեգակի շուրջը: Երկիրն արեգակի շուրջը պտտում է մէկ տարում (365 օր և 6 ժամ): Վրա համար էլ Երկրի այդ շարժումը (արեգակի շուրջը) կոչում է նաև տարեկան շարժում:



Նկ. 62. Հոլը պտտոյտ է գալիս թէ իր և թէ ճրագի շուրջը. այդպէս էլ Երկիրը պտտոյտ է գալիս թէ իր առանցքի և թէ արեգի շուրջը

Սովորաբար մէկ տարին հաշում են 365 օր (հասարակ տարի): Աւելացած 6 ժամները չորս տարում անում են 24 ժամ կամ մէկ օր: Ամեն չորս տարին մի անգամ այդ մէկ օրը աւելացնում են տարւայ 365 օրերի վրայ, և այդ տարին ունենում է 366 օր: Այդքան օր ունեցող տարին էլ կոչում է նահանջ տարւայ աւելի մէկ օրը հաշում են վետրւար ամսի վրայ: այդ ամիսը, որ հասարակ տարիներն ունենում է 28 օր, նահանջ տարիներն ունենում է 29 օր:

Մոլորակների շուրջն էլ պտտում են աւելի փոքր գնդաձեւ մարմիններ, որոնք կոչում են արբանեակներ: Արբանեակներն իրենց մոլորակների շուրջը պտտելով՝ վերջինների հետ միասին պտտում են միաժամանակ նաև արեգակի շուրջը:

Լուսինը Երկրագնդի արբանեակն է: Նա Երկրագնդի հետ միասին պտտում է արեգակի շուրջը: Մինչ Երկիրը մէկ անգամ պտտում է արեգակի շուրջը, այդ նոյն ժամանակի ըն-

թացքում լուսինը 12 անգամից աւելի է պտտում Երկրի շուրջը: Լուսինը Երկրագնդից 50 անգամ փոքր մի գունդ է: Նա արեգակից փոքր չէ Երկում մեր աչքին այն պատճառով, որ շատ աւելի մօտ է գտնուում մեզ. Երկրից մինչև լուսին եղած տարածութիւնն ընդամենը 360 հազար վերստ է: Լուսինի լոյսը ոչ թէ իրենից է, այլ արեգակից: Արեգակը, մոլորակները և նրանց արբանեակները միասին կազմում են արեգակնային համակարգը գուշիւն:

**ՏԱՐԻԱՅՑ ԵՂԱՆԱԿՆԵՐԸ:** — Երկրագնդի տարեկան շարժման միջոցին (արեգակի շուրջը պտտելիս) իրար յաջորդում են տարւայ եղանակները — գարուն, ամառ, աշուն և ձմեռ:

Յունիսի սկզբին Երկրագնդը լինում է այն դիրքի մէջ, որ հիւսիսային կիսագունդը լուսաւորւում և տաքանում է շատ աւելի, քան հարաւային կիսագունդը. հիւսիսային կիսագնդում սկսում է ամառը, իսկ հարաւային կիսագնդում — ձմեռը: Այդ միջոցին հիւսիսային կիսագնդում ցերեկն է տեսում ամենից Երկար, իսկ հարաւային կիսագնդում — գիշերը:

Յունիսի 9-ին արեգակի ճառագայթներն ուղղահայեց

Հիւս.

Հիւս.



Հայր.

Հայր.

Հիւս. կիսագնդում ամառ է:


Հիւս. կիսագնդում ձմեռ է:

Նկ. 63. Երկրի շարժումն արեգակի շուրջը:

Երազով են ընկնում հասարակածից հիւսիս ընկնող  $23^{\circ}2$ -րդ զուգահեռականի վրայ. այդ զուգահեռականը կոչում է հիւսիսային կամ խեցգետնի արեւադարձ: Այդ արեւադարձի մօտ ապրող մարդիկ յունիսի 9-ի կէսօրին արեգակն ուղիղ իրենց գլխավերենում են տեսնում:



սառչում, բարձր լեռների վրայ է միայն ձիւն գալիք: Այդտեղ ձմեռն այնպէս է լինում, ինչպէս մեզնում՝ ամառը:




Տաք գօտուց դէպի հարաւ և դէպի հիւսիս գտնուում են բարեխառն գօտիները: Բարեխառն գօտիները տարածւում են մինչև բեւեռային շրջանակները: այդպէս կոչւում են հասարակածից հիւսիս և հարաւ  $62^{\circ}$ /<sub>2</sub> (կամ՝ բևեռներից  $23^{\circ}$ /<sub>2</sub>)

Նկ. 64. Երկրի լուսաւորումը ուղիղ և թեք ճառագայթներով: Արեգակի ճառագայթներն ուղղահայտում են ընկում հասարակածի մօտ, ուստի և աւելի են առաջնում:

աստիճաններու գտնում ուղիղ գլխավերեւում: բայց և այնպէս նա ամառը երկնակամարի վրայ բաւական բարձրանում է և զօրեղ կերպով տաքացնում երկիրը: Այնպէս որ բարեխառն գօտիներում ամառը տաք, մինչև անգամ շոգ է լինում: Զմեռն արեգակը երկնակամարի վրայ ցածր է լինում և թոյլ կերպով է տաքացնում երկիրը: այնպէս որ բարեխառն գօտիներում ձմեռը խիստ է լինում, երկիրը ծածկւում է ձիւնով (բացառութեամբ այն վայրերի, որոնք արևադարձների մօտ են գտնուում):

Բևեռային շրջանակների և բևեռների միջև տարածւում են բևեռային կամ ցուրտ գօտիները: Այդ գօտիներում այնպէս ցուրտ է լինում, որ տարւայ կէսից աւելին ցամաքը և ծովը ծածկւում են ձիւնով ու սառոյցով: Արեգակն այդ վայրերում նոյնիսկ ամառը կէսօրին ցածր է լինում երկնակամարի վրայ: Զմեռ ժամանակ ցուրտ գօտիներում գիշերը շատ երկար է տևում, իսկ ցերեկը՝ կարճ: Կան վայրեր ցուրտ գօտիներում, ուր գիշերը մինչև անգամ 24 ժամից աւելի է տեւում և կոչւում է բևեռային գիշեր: 70-րդ գուգահեռականի վրայ բևեռային գիշերը տեսում է երկու ամսից աւելի,

80-րդ գուգահեռականի վրայ՝ չորս ամսից աւելի: Սակայն այդ վայրերում արեգակն ամառը նոյնքան ամիսների ընթացքում մայր չէ մտնում: Բևեռների վրայ կէս տարի բևեռային գիշեր է լինում, կէս տարի՝ բևեռային ցերեկ:



Նկ. 65. Կլիմայական գօտիներ:

Այսպէս, երկրի վրայ կլիմայական հինգ գօտիներ կան մէկ տաք գօտի, երկու՝ բարեխառն, երկու էլ ցուրտ գօտիներ:

Ո՞ր գօտում է ցունում կովկասը. ո՞ր գօտիներում՝ հունաստանը:

**ՅԱՄԱՔԱՅԻՆ ԵՒ ԾՈՎԱՅԻՆ ԿԼԻՄԱՅ:**— Զուրն այնչափ շուտ չէ տաքանում, որչափ ցամաքը, բայց այնչափ էլ շուտ չէ կորցնում իր տաքութիւնը, որչափ ցամաքը: Միենայն զուգահեռականի վրայ ամառը մայր ցամաքներն աւելի են տաքացած լինում, քան ովկիանոսները, սակայն ձմեռն էլ աւելի են ցրտում: Ծովից վեր տարածւող օդն աւելի համաչափ է ստանում իր տաքութիւնը, քան ցամաքը: Ամառը ծովափնեայ երկիրներում այնչափ շոգ չէ լինում, և ոչ էլ ձմեռը այնչափ ցուրտ, որչափ

ծովից հեռու գտնվող վայրերում։ Ծովափնեայ երկիրների կիման աւելի մեղմ է։

Բացի դրանից, ծովի ջուրը գոլորշիանալով՝ ծովափնեայ երկիրների երկինքը պատում է ամպով. ամպերից էլ յաճախակի անձրև է գալիս այդ կողմերում։ Դրանից է, որ այդ տեղերի կիման խոնաւ է լինում։


Ըստհակառակը՝ ծովից կամ ովկիանոսից հեռու գտնվող տեղերի կիման այնչափ մեղմ չէ, այլ խիստ. ամառը շոգ է լինում, իսկ ձմեռը՝ ցուրտ։ Բացի դրանից, այդ տեղերում քիչ անձրև է գալիս, որովհետև ծով չկայ մօտերքը, որ շատ ջուր գոլորշիանայ և ամպեր գոյացնէ. ուստի և այդ տեղերի կիման լինում է չոր։

Ծովափնեայ վայրերի կիման, որ լինում է մեղմ և խոնաւ, կոչւում է ծովային կլիմայ։ Օրինակ՝ Բաթումի (Սև Ծովի ափին) կիման ծովային է. օդը խոնաւ է, երկինքը շատ յաճախ ամպերով է պատած. ամառը չափաւոր-տաք է լինում, ձմեռը՝ չափաւոր-ցուրտ։ Ծովերից հեռու գտնվող տեղերի կիման, որ լինում է խիստ փոփոխական և չոր, կոչւում է ցամաքային կլիմայ։ Օրինակ՝ Երևանի կիման ցամաքային է. օդն աչքի է ընկնում իր չորութեամբ. ամառը շոգ է լինում, ձմեռը՝ խստաշունչ։

**ՔԱՄԻՆԵՐԻ**։ — Մայր ցամաքների վրայ օդն ամառը տաք է լինում և նոսր, բարձրանում է վեր, իսկ նրա տեղը գալիս բռնում է ովկիանոսներից փշող օդը։ Այդ պատճառով բոլոր մայր ցամաքների վրայ ամառը գերազուում են ծովից դէպի ցամաք փշող քամիները. իսկ ձմեռն աւելի յաճախ փշում են քամիները ցամաքից դէպի ծով (ինչո՞ւ)։

Մի քանի երկիրներում, օրինակ՝ հարաւային Ասիայում, մօտ կէս տարի շարունակ (ամառը) քամին փշում է ովկիանոսից դէպի ցամաք, իսկ մօտ կէս տարի էլ (ձմեռը) ցամաքից դէպի ովկիանոս։ Այդ կանոնաւոր քամիները կոչւում են մուսոններ (տես նկ. 66)։

Կան քամիներ էլ որ ամբողջ տարին շարունակ միևնույն




Նկ. 66. Մուսոններ

Ձմեռային մուսոններ

Ամառային մուսոններ

ուղղութեամբ են փշում։ Այդ քամիները կոչւում են պասատներ։ Դրանք փշում են այրեցեալ գօտում։ Հիւսիսային կիսագնդում փշում են հիւսիս-արևելքից, իսկ հարաւային կի-




Նկ. 67. Պասատներ

սագնդում՝ հարաւ-արևելքից, Հասարակածի մօտերը, հիւսիսային լայնութեան 3°-ի և հարաւային լայնութեան 3°-ի մէջ,

ուր նրանք հանդիպում են իրար, ընկնում է խաղաղ գօտին: Այդտեղ տաքացած օդը բարձրանում է վերև և այդտեղից տարածում դէպի հիւսիս և դէպի հարաւ:

Քամիների նշանակութիւնը մեծ է մի երկրի կլիմայի համար: Տաք քամիները ջերմութիւն են բերում, իսկ ընդհակառակը ցուրա քամիները՝ ցրտութիւն:

**ԾՈՎԱՅԻՆ ՀՈՍԱՆՔՆԵՐԻ:** — Ծովերի և ովկիանուների վրայ փշող քամիների ազգեցութիւնից ջուրը շարժւում է, առաջ են գալիս ալիքներ: Իսկ այնտեղ, ուր շատ դարերի ընթացքում քամիները փչում են միենոյն ուղղութեամբ, նրանք սկսում են իրենց յետեից քաշել և տանել ջրի շերտերը: Այդպէս, առաջ են եկել ծովային հոսանքները: Ամենամեծ հոսանքները գտնւում են այնտեղ, ուր փչում են պասատները. Դրանք կոչւում են հա-



ԾՈՎԱՅԻՆ ՀՈՍԱՆՔՆԵՐԻ ԲՈՐՏԷՄ

ՏԱՔ ՀՈՍԱՆՔՆԵՐԻ

ԳՈՒԽ ՀՈՍԱՆՔՆԵՐԻ

Նկ. 68. Ծովային հոսանքներ:

սարակածային հոսանքներ և շարժւում են հասարակի երկայնութեամբ՝ արևելքից արևմուտք:

Այդ հոսանքները ճանապարհին հանդիպելով մայր ցամաքների՝ վորխում են իրենց ուղղութիւնը: Հասարակածային հո-

սանքները տաք հոսանքներ են: Նրանք հասարակածից տաք ջուր են տանում հեռու, դէպի հարաւ և դէպի հիւսիս:

Տաք հոսանքներից ամենաշահաւորն է Գոլֆշտրոմը, որ առաջ է գալիս Ատլանտեան ովկիանոսի հասարակածային հոսանքից, հիւսիսային կիսագնդում: Ամերիկայի մօտ նա թեքում է դէպի հիւսիս-արևելք: Քանի հեռանում է Ամերիկայի ափերից, Գոլֆշտրոմն աւելի ու աւելի լայնանում է և դանդաղում: ապա նա բաժանւում է մի քանի ճիւղի: Գլխաւոր ճիւղը գնում է դէպի եւրոպայի ափերը: Եւրոպայի կլիմայի համար Գոլֆշտրոմն ահագին նշանակութիւն ունի, որովհետեւ տաքացնում է այդ աշխարհամասը:

Կան հոսանքներ, որոնք գնում են բևեռներից դէպի հասարակած: Նրանք կոչւում են ցուրտ հոսանքներ, որովհետեւ նրանց ջուրն աւելի սառն է, քան շրջապատող ջուրը. Նրանք ցրտեցնում են այն երկիրների կլիման, որոնց մօտով հոսում են:


Բացի այդ բոլորից՝ մի երկրի կլիմայ կախումն ունի և այն բանից, թէ նա որչափ բարձրութիւն ունի ծովի մակերեսոյթից. որչափ բարձր լինի մի երկիր, այնչափ աւելի ցուրտ կլիմի նրա կլիման: Մեծ նշանակութիւն ունի նաև բարձր լեռնաշղթաների ուղղութիւնը: Լեռնաշղթաները պաշտպանում են քամիներից, ծովից բերող մթնոլորտային տեղումների առաջն առնում են:

## ԲՈՅԱՐ

**ՑՈՒՐՏ ԳՈՏՈՒ ԲՈՅԱՐ:** — Ամեն մի կլիմայական գօտու յատուկ է իր բուսական աշխարհը (ֆլորան): Հասարակածին մօտ գտնւող երկիրների բոյսերը փարթամ են, խոշոր և բազմազան: Բնդիհակառակը, որչափ մօտենանք բևեռներին, բուսական աշխարհն էլ աւելի ու աւելի կաղքատանայ: Բեե-

ռային երկիրներում ամառը շատ կարճատև է լինում, իսկ ձմեռը երկարատև, Այդ պատճառով էլ սառած գետինն ամառայ ընթացքում երեսից է միայն հալչում, հազիւ մէկ արշինաչափ, իսկ աւելի խորը նա մշտապէս սառած է մնում: Հալած ձեան ջուրն ամառայ ընթացքում կանգնած է մնում հարթ տեղերում ու ճահճներ գոյացնում: այդպիսի տարածութիւնները ցուրտ գոտիներում՝ կոչում են տունդրաներ:

Տունդրաներում շատ քիչ բոյսեր են աճում, գլխաւորապէս՝ մամուռներ: Տեղտեղ միայն, ցուրտ քամիներից պաշտպանւած վայրերում, հանդիպում են ցածրիկ թփեր և մանրապտուղ բոյսեր:



նկ. 69. Մամուռ

Տես ցուրտ է լինում, այդ պատճառով էլ այստեղ տարւայ այդ եղանակին սաղարթաւոր ծառերը տերևաթափ են լինում, իսկ փշատերև ծառերը՝ ոչ:

Բարեխառն գոտու համեմատաբար ցուրտ վայրերում աճում են գլխաւորապէս փշատերև ծառեր. օրինակ՝ մայրի ծառ, եղևնի և այլն. դրանց տերևները ասեղի կամ փշի են նմանում:

Փշատերև անտառների մէջ, աւելի հարաւում, յաճախ պատահում են նաև սաղարթաւոր ծառեր: Վերջապէս փշատերև ծառերին փոխարինում են սաղարթաւոր ծառեր, օրինակ՝




նկ. 70. Բարեխառն

և մշտագալար սաղարթաւոր ծառեր: Այդ ծառերի տերեները լինում են մուգ կանաչաւուն, լայն, հաստ ու փայլունակ ձմեռ չեն թափւում:

Այդ տերևները դիմանում



նկ. 71. Նոճի



նկ. 72. Բամբուկ

են մէկ տարուց աւելի և աստիճանաբար փոխւում են: Մշտա-

կաղնի, լորի, թղթենի (կեչի), աճարի և այլն: Շատ տեղերում միասին աճում են թէ փշատերև և թէ սաղարթաւոր ծառեր և կազմում խառն անտառներ:

**ՏԱՐ ԳՈՏՈՒ ԱՆՏԱՌՆԵՐ:**  
Բարեխառն գոտու ծայրերում և տաք գոտում  
աճում են այսպէս կոչ-

դալար սաղարթաւոր ծառերի շարքին են պատկանում՝ օլէանդը, արմաւենիներ, բամբուկ, դափնի, ձիթենի ծառերը։ Մշտադարար են նմանապէս մի քանի փշատերև ծառեր, օրինակ՝ նոճին (կիպարիս)։

Տաք գոտու ծառերի մէջ իր մեծութեամբ յայտնի է բառաբը։




Նկ. 73. Արեւադային անտառ

կայն ցօղուն ունեցող ծառեր — լիանոսներ։ Բարձր ծառերի ճիւղերի տակ աճում են ցածր ծառեր, սրանց տակ՝ աւելի ցածրերը և այդպիսով կազմում յարկեր։ Շատ բոյսեր ապրում են ուրիշ բոյսերի վրայ, որոնցից էլ ստանում են իրենց մնունդը։

Արեւադային անտառների մէջ ամենատարածւած ծառերն են բամբուկը և զանազան տեսակի ու մեծութեան արմաւենիները։ Այդ խիտ անտառները միշտ կիսախաւար դրութեան մէջ են, գետնի վրայ թափած տերևներն ու ծառի ճիւ-


ղերը փառում են, որից էլ անտառի օդը առգործում է գոլորշիներով և խեղզող է դառնում։

**ՏԱՓԱՍՄԱՆԵՐ:** — Բարեխառն և տաք գոտիների չոր վայրերում կան տարածութիւններ, որոնք զուրկ են անտառից և



Նկ. 74. Տափաստան

ծածկւած են խոտով. դրանք կոչւում են տափաստաններ. օրինակ՝ Հարաւ-Ռուսական տափաստանը. Կովկասում՝ Մուղանի տափաստանը։




Նկ. 75. Մաւան

Ռուսաստանում տափաստանները կոչւում են ստեպ. Հիւս-Ամերիկայում՝ պեր, իսկ Հարաւ-Ամերիկայում՝ պամպա։ Արեւադա-

ձային գօտում կան նաև այնպիսի տափաստաններ, որտեղ ցաքուցրիւ լինում են թփեր և ծառեր. նրանք կոչւում են սաւանն և ընկնում են Հար.-Ամերիկայի, Աֆրիկայի և Աւստրալիայի արեադարձային մասերում:

Տափաստաններում ձմեռը ցուրտ է լինում, ամառը՝ շոգ, շատ քիչ անձրև է գալիս: Այդ պատճառով էլ տափաստանների խոտն ամառը չորանում է և խանձւում: Սակայն գարնանը և աշնանը տափաստանները ծածկւում են գոյնզգոյն ծաղիկներով և կանաչի գորգով:

**ԱՆԱՊԱՏՆԵՐԻ:** — Բարեխառն և տաք գօտիներում կան այնպիսի տեղեր, ուր շատ հազւադէպ անգամ է անձրև գալիս, որովհետև այնտեղ չեն հասնում խոնաւութիւն բերող քամիներ: Այդպիսի՝ անձրևից զուրկ, չոր տարածութիւնները կոչւում են անապատներ. օրինակ՝ Սահարա անապատն Աֆրիկայում, Արաբիայի անապատը — Ասիայում:



Նկ. 76. Անապատ

Անապատներում ձմեռը սառնամանիք է լինում, ամառը՝ սասաթիկ շոգ: Անձրև և ձիւն հազւադէպ անգամ են գալիս: Ընդարձակ տարածութիւններ ծածկւած են այրող աւագով կամ մանր քարերով:

Անապատների բուսականութիւնը չափազանց աղքատ է:

**ԱՅՆՏԵՂ պատահում** են միայն ցածրիկ թփեր՝ համարեա առանց տերենների և շատ երկայն արմատներով. դրանցով էլ նրանք հողի խորը շերտերից խոնաւութիւն են ծծում: Սակայն այդ տեսակ բոյսերն էլ չափազանց հազւագիւտ են անապատներում:

Անապատներն անմատչելի կլինէին մարդու համար, եթէ տեղ-տեղ ջուր չենէր երկրի մակերևոյթի վրայ: Այդպիսի վայրերն անապատներում՝ կոչւում են ովազիսներ: Ինչպէս կզգիներն ովկիանոսում, այդպէս էլ ովազիսներն անապատների մէջ ցրւած են, նրանք ոռոգում են աղբիւրներով, ծածկւած են խոտով և ծառերով: Սահարայի ովազիսների սովորական ծառը փիւնիկեան արմաւենին է. արմաւը (խուրմա) ծառայում է իբրև սննդի միջոց՝ անապատով ճանապարհորդողների և նրանց ուղարկութիւնների համար: Ովազիսներն էլ մի-մի կայաններ են անապատի մէջ:

**ԼԵՌՆԵՐԻ ԲՈՒՍԱԿԱՆՈՒԹԻՒՆԸ:** — Սարերի վրայ, քանի վեր ենք բարձրանում, օդն աւելի ու աւելի ցրտում է. դրա հետ միասին այնտեղի բուսականութիւնը փոխում է: Այդ բանը տեսնել կարելի է օրինակ կովկասեան լեռների վրայ, որոնց ստորոտում տարածում են աճարի, կաղնու և ուրիշ սաղարթաւոր ծառերից բաղկացած անտառներ: Մի որոշ բարձրութեան վրայ նրանց փոխարինում են փշատերկ ծառեր, իսկ աւելի բարձր տարածւած են բևեռային մարգագետիններ, որտեղ աճում են միայն խոտ, թուփեր և մամուռ, — ինչպէս տունդրաներում: Աւելի բարձրում սկսում է յաւերժական ձեան սահմանը:

**ՄՇԱԿՈՎԻ ԲՈՅՑԱՐԻ:** — Ապրելով բնութեան գրկում՝ մարդկային ցեղը երկար դարերի ընթացքում և հետզհետէ որոշ փոփոխութեան է ենթարկում երկիրը: Մարդիկ կտրտում են անտառներ, հերկում են տափաստաններ և ընդհանրապէս վայրի բոյսերի տեղ մշակում են իրենց համար օգտակար բոյսեր, որոնք և կոչւում են մշակովի բոյսեր: Տաք և բարեխառն գօտիներում ահագին տարածութիւններ ծածկւած են արտերով, այդիներով և բանջարանոցներով:

Մշակովի բոյսերից ամենանշանաւորները նրանք են, որոնք ծառայում են մարդու համար իբրև սննդի միջոց. իսկ նրանց մէջ՝ առաջին տեղը բռնում են հացաբոյս երը, — բրինձ, եղիպտացորեն, ցորեն, գարի, հաճար և այլն: Բրնձով է կերակրում ամբողջ մարդկութեան  $\frac{1}{3}$ -ից աւելին: Բրինձը մշակում է տաք զօտում և բարեխառն զօտու տաք վայրերում (օրինակ՝ նաև կավկասի որոշ մասերում): Բրնձի արտի տեղը պէտք է շատ խոնաւ լինի. այդ պատճառով էլ բրինձ են ցանում այնպիսի դաշտերում, որոնք ժամանակ առ ժամանակ ջրով հեղեղում են: Աւելի քիչ տաքութիւն են պահանջում ցորենը և եղիպտացորենը: Դրանք ամենից լաւ աճում են բարեխառն զօտու տաք տեղերում, այնպիսի հողի մէջ, ուր շատ նեխած մարմիններ կան: Պակաս տաքութիւն է պահանջում հաճարը, իսկ աւելի ևս պակաս՝ գարին, որ շատ կարճ ժամանակում է հասնում:

Հացաբոյսերից  
յետոյ մարդու հա-



Նկ. 77. Բրինձ



Նկ. 78. Հացաբոյսեր. — 1 — ցորեն, 2, 3 — գարի, 4 — վարսակ, 5 — կորեկ, 6 — հաճար:




Նկ. 79. Եղիպտացորեն:

մար ամենից օգտաբերն արմաւենին երն են: Տաք գօտու շատ երկիրների բնակիչներ կերակրում են արմաւենիների պտուղներով (արմաւ — խուրմա):


Մարդու սննդի համար կարենոր են նաև այն բոյսերը, որոնցից շաքար է պատրաստում — շաքարեղինը՝ արևադարձային երկիրներում, ճակընդեղը՝ բարեխառն զօտիներում. ապանակ՝ թէյի թուփը, սուրճի ծառը, կարտոֆիլը, զանազան բանջարեղինները և պտղատու ծառերը:

Բացի այն բոյսերից, որոնք ծառայում են իբրև սննդի միջոց, մարդիկ մշակում են նաև ուրիշ շատ բոյսեր. զբանց թրւում առանձնապէս նշանաւոր են այն բոյսերը, որոնցից թել է ստաց-



Նկ. 80. Փինիկեան արմաւենի

ւում գործածքների համար—բամբակը, կանեփը և կտաւատը: Բամբակն աճում է արևադարձային գօսում և բարեխառն գօսու տաք երկիրներում (օրինակ՝ նաև Երևանի նարեխառն գօսու տաք երկիրներում) (օրինակ՝ նաև Երևանի նարեխառն գօսու տաք երկիրներում)




Նկ. 81. Թէյի անկարան. նկարի վերկը, աջ կողմը, թէյի թփի սատ և պտուր



Նկ. 82. Բամբակ

հանգում), իսկ կանեփը և կտաւատն աւելի քիչ տաքութիւն են պահանջում ու մշակում են նաև բարեխառն երկիրներում:

Մշակովի բոյսերի մեծ մասի նախական հայրենիքն Ասիան է: Աւստրալիան մարդկութեանը չէ տւել և ոչ մի մշակովի բոյս: Մինչև եւրոպացիների այդ երկիրը գնալը՝ այնտեղ մշակովի բոյսեր ամենեին չկային: Ամերիկան է կարտոֆիլի և եղիպատացորենի նախանական հայրենիքը:



Նկ. 83. Բուսականութեան տարածումը

## ԿԵՆԴԱԿԱՆ ԱՇԽԱՐՀԻ ԿԱԽՈՒՄԸ ԿԼԻՄԱՅԻՑ: — ԿԵՆԴԱԿԱԿԱՆ ԱՇԽԱՐՀԻ (Փառնա) ԳՈյութիւնը և զարգացումն էլ կախումն ունեն նախ կլիմայից, սակայն աւելի պակաս չափով, քան բուսական աշխարհը: Պատճառն այն է, որ կենդանիներն աւելի են կարողանում դիմանալ եղանակի փոփոխութեան: Գազանները ձմեռը ծածկւած են լինում տաք մազով, իսկ ամառը՝ թեթև: Նոյնը պէտք է ասել նաև թռչունների վերաբերմտմբ: Շատ կենդանիներ ձմեռ ժամանակ, ամառն էլ տաք կլիմայում, թաք են կենում յարմար տեղեր—քարի կամ մամուռի տակ և կամ ծառերի խոռոչներում: Նրանցից շատերը քուն են մտնում երկար ժամանակով,—մինչև գարուն կամ աշուն: Վերջապէս

կան այնպիսի թռչուններ, որոնք բարեխառն կլիմայ ունեցող երկիրներից ձմեռը չւում են աւելի տաք երկիրներ։ Ընդհանրապէս կլիմայական գօտիներից իւրաքանչիւրն իր առանձնայատուկ կենդանիներն ունի, որոնք ուրիշ կլիմայի տակ կամ բոլորովին չեն լինում, կամ շատ սակաւ են լինում։ Նկատւածքան է սակայն, որ որոշ երկիրներ ևս իրենց առանձնայատուկ կենդանիներն ունեն, թէկուզ միկնոյն կլիման ունենան։


1. ԲԵՒԵՐԱՅԻՆ ՇՐՋԱՆ։— Հիւսիսային Սառուց եաւ ովկիանոսում կամ նրա ափերին ապրող կենդանիների մեծա-




Նկ. 84. Ծովացուլեր և սովխակ արջ

մասնութիւնը կաշվի տակ ունենում է ճարպի հաստ շերտ, որ պաշտպանում է ցրաից։ Այդ ովկիանոսի բնորոշ կենդանիներն են՝ ծովացուլ, փոկ (ծովաշուն), սովխակ արջ։

Տունդրան ձմեռը ներկայացնում է ձիւնածածկ անապատ, համարեա միանգամայն զուրկ կենդանիներից։ Համեմատաբար աւելի պատահում են սովխակ կաքաւներ, բևեռային աղւէսներ, աւելի սակաւ—հիւսիսային եղջերուներ։ Ամառն սկսւելուն պէս տաք երկիրներից թռչում գալիս են թռչունների երաներ, որոնց այդտեղ գրաւողը սննդի առատութիւնը (ձկներ, միջատներ, հատապտուղներ) և թշնամու հալածանքներից զերծ լինելն է։ Տունդրան յարմար չէ մարդկային բնա-




Նկ. 85. Տունդրան ձմեռը



Նկ. 86. Տունդրայի բնակիչներ՝ սամօնդներ





Նկ. 87. Տաք զօտու կենդանիներ  
(Աֆրիկ. շրջան):

ները. Աֆրիկական ջայլամինք փոխարինում է ամերիկականը, որ նրանից ըիչ ցածր է:

7. ԱԽՍՐԱԼԻԱԿԱՆ ՇՐՋԱՆ:  
— Զնայելով որ այս շրջանը մօտ է գտնուում Հնդկականին,



Նկ. 88. Հալաւ-Ամերիկ. շրջան




Ամերիկ. ջայլամ

Նկ. 89. Ամերիկ. ջայլամ

պարկաւոր կենդանիներից այս շրջանում ապլում է միայն դինգօն (գայլանման վայրի շուն): Աֆրիկական և ամերիկական ջայլամներին փոխարինում է էմուն: Յայտնի է աւստրալիական քնարահաւը:



Նկ. 90.



Նկ. 92.


Նկ. 91. Աւստրալիական շրջանի կենդանիներ

ԸՆՏԱՆԻ ԿԵՆԴԱՆԻՆԵՐԻ: — Մարդիկ փոփոխութեան են ենթարկում ոչ միայն բուսական, այլ նաև կենդանական աշխարհը:

բայց նրա հետ չէ միացած. այդպատճառով էլ այդ երկու շրջաններում եղած ոչ միայն միենոյն, այլև նման կենդանիների թիւը քիչ է:

Բնորոշ են այս շրջանում պարկաւոր կենդանիները. նրանք փորի տակ պարկ են ունենում, որտեղ իրենց ձագերին են թագցնում. օրինակ՝ կենդուրուն: Ոչ-

Նըանք բնաջինջ են անում վայրենի կենդանիներ, մանաւանդ գաղաններ և խնամում օգտակար կենդանիներ: Ընտանի կենդանիներից ամենանշանաւորներն են - եղջիւրաւոր խոշոր կենդանիները (եղ, կով, գոմէշ), ձին, ոչխարը և խոզը: Դրանց



Նկ. 93. Կենդանիների տարածումը

բոլորի նախնական հայրենիքը Ասիան է: Այդտեղ են մարդիկ այդ անտառները գտել վայրի վիճակի մէջ, ընտանի դարձրել նրանց և տարածել բոլոր աշխարհամասերում էլ:

## Մ Ե Ր Փ

ՄԱՐԴԿԱՆՑ ԹԻՒԾ: — Երկրի բոլոր արարածների թւում մարդն

է ամենակատարեալը, —թէ իր մարմնի կազմութեամբ և թէ մտաւոր կարողութիւններով:

Մարդը բանական արարած է, այդ պատճառով էլ նա իր շրջապատող բնութիւնից այն չափով կախումն չունի, ինչ չափով բոյսերը և կենդանիները: Նա կոիւ է մղում ցրտի և շոգի դէմ, պարարտացնում է անպտղաբեր հողը, տնկում կամ ցանում է մշակովի բոյսեր, պահում է ընտանի կենդանիներ, շինում է ճանապարհներ, նաւարկելի է դարձնում գետեր, փորում է ջրանցքներ, ևայն, ևայն: Այսպիսով մարդը հետզհետէ ձգտում է դառնալ աշխարհի տէրը:

Բայց և այնպէս մարդ արարածն էլ հնարաւորութիւն չունի բոլորովին ազատւելու բնութեան ազդեցութիւնից: Ամենացուրա և ամենաչոր տեղերն անյարմար են ապրելու համար: Կան նոյնիսկ այնպիսի տեղեր (օր. Սահարայի մի մասը), ուր մարդ ամենկին չէ ապրում: Աւելի շատ մարդիկ ապրում են այն երկիրներում, որտեղ ամենից լաւ աճում են մշակովի ամենակարևոր բոյսերը, օրինակ՝ Զինաստանի և Հնդկաստանի դաշտավայրերը, արևմտեան և հարաւային եւրոպան:

Երկրագնդի վրայ ապրող բոլոր մարդկանց թիւը հաշւում են մօտ 1,720 միլիոն: Նրանց կէսից աւելին ապրում է Ասիայում — մօտ 950 միլիոն. Եւրոպայում — մօտ 445 միլ., Ամերիկայում — 175 միլ., Աֆրիկայում — 140 միլ., Աւստրալիայում — 10 միլ.: Եւրոպայի ազգաբնակութիւնն աւելի խիս է, քան միւս աշխարհամասերինը, այսինքն այնտեղ ամեն մի քառակուսի վերստի վրայ միջին հաշւով աւելի մարդ է ապրում, քան միւս աշխարհամասերում:

Մարդկանց թիւը երկրագնդի վրայ քանի գնում բազմանում է, որովհետև ամեն տարի աւելի թւով մարդ է ծնւում, քան մեռնում:

ՄԱՐԴԿԱՆՑ ՑԵՂԵՐ: — Արտաքին տեսքին նայելով՝ բոլոր մարդկանց կարելի է բաժանել երեք ցեղի՝ սպիտակ, դեղին և սև ցեղեր:

1. Սպիտակ կամ կովկասեն ցեղին պատկանող



Նկ. 94. Սպիտակ ցեղ—կովկասցի

Աւստրալիայում: Սպիտակ ցեղին պատկանող մարդկանց ընդհանուր թիւն է՝ մօտ 850 միլիոն:


Սպիտակ ցեղին պատկանող և հիւսիսային երկիրներում ապրող ժողովուրդների կաշու, մազերի և աչքերի գոյնն աւելի բաց է, քան հարաւային ժողովրդներինը, որոնց գոյնը թուխ է: Առաջինները՝ շի կ ա հ ե ր ն ե ր ն ապրում են հիւսիսային և կենտրոնական Եւրոպայում, իսկ երկրորդները՝ թխ ա հ ե ր ն ե ր ն ապրում են Միջերկրական ծովի ափերին, հարաւարևմտեան Եւրոպայում և հիւսիսային Աֆրիկայում (արաբներ):

2. Դ ե ղ ի ն կամ մ ո ն դ ո լ ա կ ա ն ցեղին են պատկանում արևելեան Ասիայի բնիկները, օրինակ՝ մոնղոլները, չինացիները, եապոնացիները, մալայցիները և Ամերիկայի բընիկները—ամերիկական հնդիկները և էսկիմոսները: Դեղին ցեղին են պատկանում նաև թուրքերը:

Դեղին ցեղին պատկանող մարդկանց (ընդհ. թւով մօտ 550 միլ.) գոյնը գեղին է լինում, մոյզ-կարմրաւուն երանգով

մարդկանց կաշու գոյնը սպիտակ է կամ թուխ, կաշին՝ նուրբ: Նրանց մազերը լինում են բարակ, փափուկ և ալիքանման, առատ աճում են թէ դլիսի վրայ և թէ, աղամարդկանց, երեսին ու կզակին:

Սպիտակ ցեղին են պատկանում Եւրոպայի համարեա բոլոր բնակիչները, (օրինակ՝ ոռւսները, գերմանացիները, ֆրանսիացիները, և այլն), հարաւարևմտեան Ասիայի (օր. հայերը, վրացիները, հնդիկները, արաբները, հրէաները և այլն) և հիւսիսային Աֆրիկայի (արաբները) բնակիչները: Այդ ցեղին պատկանող շատ մարդիկ կան վերաբնակւած նաև Ամերիկայում ու



Նկ. 95. Սպիտակ ցեղ—թուխ տիպ:

3. Ս և ց ե ղ ի ն պատկանում են արևադարձային և հարաւային Աֆրիկայի բնիկները—նեղբերը, հոտենտոտները. և



Նկ. 96. Դեղին ցեղ—Զինացի



Նկ. 97. Դեղին ցեղ—Մալայկցի:


բուշմէնները, նաև Աւստրալիայի և մօտակայ կղզիների բընիկները—աւստրալիացիները և պապուասները

Սև ցեղին պատկանող մարդկանց (թւով մօտ 250 միլ.) կաշու և մազերի գոյնը սև է: Գլխի մազերը կարծ են, գան-

(ամերիկ. հնդիկները): Նրանց մազերը հաստ են, ուղիղ և կոշտ: Գլխի մազերը լինում են երկայն, իսկ երեսինը՝ նօսր: Դեղին ցեղին պատկանող մարդկանց մեծամասնութեան մազերի և աչքերի գոյնը սև է: Նրանց գլուխը, եթէ վերեկից նայելու լինենք, լայն է երկում, այսինքն՝ գլխի երկայնութիւնը քիչ է աւելի, քան լայնութիւնը: Երեսը լայն է, դուրս ցցւած այտոսկրներով: Քիթը՝ բաւական լայն և տափակ, աչքերը՝ նեղ և թեք:



Նկ. 98. Դեղին ցեղ—Ամերիկա-հնդիկ



Նկ. 99. Սև ցեղ—նեգր

գուը և խիտ, իսկ երեսինը՝ նօսր. (միայն աւստրալիացիների թէ երեսի և թէ գլխի մազերը լինում են երկայն և ալիքանման): Նրանց գլուխը երկայն է, կարծես կողքերից հուպ տւած լինի: Քիթը շատ լայն է և տափակ, շրթունքները հաստ, առջեկի ատամները թեք են շարւած և առաջ ցցւած:



Նկ. 100. Սև ցեղ—Հոտենատոս  
ծարաններին—օրինակ՝ սիրտը, թոքերը, ստամոքսը և այլն—նրանք նոյնն են բոլոր մարդկանց մէջ: Ընդհանրապէս առած-

թէպէտ մարդիկ իրենց կաշու գոյնին, դէմքի գծագրութեան ու մազերի յատկութեանը նայելով ցեղերի են բաժանւում, բայց և այնպէս այդ բնորոշ գծերը յաճախ տարբեր են լինում միևնոյն ցեղին պատկանող մարդկանց մէջ: Մարդու նայելով՝ միշտ չէ կարելի իսկոյն իմանալ, թէ նա որ ցեղին է պատկանում: Իսկ ինչ վերաբերում է մարդու մանաւանդ ներքին գործարաններին—օրինակ՝ սիրտը, թոքերը, ստամոքսը և այլն—նրանք նոյնն են բոլոր մարդկանց մէջ: Ընդհանրապէս առած-

այլ և այլ ցեղերի պատկանող մարդկանց մէջ եղած նմանութիւնն աւելի է, քան տարբերութիւնը:



Նկ. 101. Սև ցեղ—Աւստրալիացի



Նկ. 102. Սև ցեղ—Պապուաս

**ԱԶԳՈՒԹԻՒՆՆԵՐԻ:**—Միևնոյն լեզուն խօսող և միևնոյն ծագութիւն ու հայրենիքն ունեցող մարդիկ կազմում են մի ազգ-օրինակ՝ ասում ենք հայոց ազգ, ոռուսաց, վրաց ազգ: Ռուսաստանում հաշվում են 100-ից աւելի ազգեր, իսկ ամբողջ երկրագնդի վրայ՝ շատ աւելի: Մի քանի լեզուների մէջ մեծ նմանութիւնն կայ: Այսպէս օրինակ՝ ռուսը, սերբը, չեխը, լեհը կարող են իրար լեզու մի քիչ հասկանալ, եթէ ամեն մէկն իր լեզուն խօսի: Իրար նման լեզու խօսող ազգերը կազմում են մի լեզւական ցեղ: Օրինակ՝ ռուսները, սերբերը, լեհերը և չեխերը պատկանում են պլատոնական ցեղին: Սլաւոնների նախնիները շատ հին ժամանակներում եղել են մէկ ազգ և խօսել են մէկ լեզու: Գերմանացիները, անգլիացիները, շւեդները պատկանում են գերման ցեղին: Ֆրանսիացիները, իտալիացիները և մի քանի ուրիշ ազգեր պատկանում են ռումանական ցեղին:

Սլաւոնական, ռումանական, գերման ցեղերի և մի քանի ուրիշ ազգերի լեզուների մէջ էլ աւելի նմանութիւն կայ, քան նրանց և այլ ազգերի լեզուների մէջ: Այսպէս՝ Սլավոնակ ցեղին պատկանող բոլոր


ազգերն իրենց լեզւին նայելով բաժանւում են հետևեալ լեզւական ընտանիքներին: 1) Հընդ-Եւրոպական ընտանիք: Այդ ընտանիքին պատկանում են, ա) Եւրոպայի ազգերի մեծ մասը—սլաւոնական, ռուսական և գերման ցեղերը, բ) հարաւ-արևմտեան Ասիայում ապրող ազգերը—հայերը, պարսիկները (Փարսեր), Վրացիները, հնդիկները; 2) Սեմական ընտանիք—հրեաները, ասորիները, արաբները; 3) Քամական ընտանիք—եգիպտացիներ և մի երկու ուրիշ ազգեր (Աֆրիկայում):

Այսպէս նաև գեղին կամ մոնղոլական ցեղին պատկանող ազգերն իրենց լեզւին նայելով՝ բաժանւում են մի քանի ընտանիքների:

Ամեն մի ընտանիքին (օր. Հընդ-Եւրոպական) պատկանող ցեղերի ծագումն էլ մէկ է. ամենահին ժամանակներում նրանք ունեցել են մէկ լեզու. միայն ժամանակի ընթացքում այդ ընտանիքները բաժանւել են զանազան ցեղերի և ազգերի:

Սպիտակ ցեղ  
Սախակ շիկահերներ  
Թիահերներ  
Դեղին ցեղ  
Մնջուիչը  
Մազայիններ  
Ամբորդ ճողիչներ

Սև ցեղ  
Նեղեր  
Հոստենոստներ  
Առտուլիագիններ  
Պապուաններ



Նկ. 103. Մարդկային ցեղերի տարածումը

**ԱՐԴԻՒՆԱԲԵՐՈՒԹԻՒՆ ԵՒ ԱՌԵՒՏՈՒՐ:—** Ծնունդ, բնակարան, զգեստ և ապրուստի համար ուրիշ անհրաժեշտ պիտոյքներ ունենալու համար մարդիկ պէտք է արտադրեն այդ բոլորը, այսինքն՝ պատրաստեն:

Երբ աշխատանք թափելով մարդ արտադրում է միայն

հում նիւթեր (օրինակ՝ հացահատիկ, բամբակ, հանք), այդ աշխատանքը կոչւում է արդիւնաբերութիւն. իսկ երբ հում նիւթը մշակւում է և որևէ բան պատրաստում նրանից (օր. հացահատիկը ալիւր են դարձնում, կաթը՝ իւղ կամ պանիր, բամբակը՝ զգեստ, և այլն), դա կոչւում է արդիւնագործութիւն:

Որսորդութեամբ պարապող ցեղեր կան, որոնք իրենց ապրուստը ճարելու համար մի հաստատուն բնակավայր չունեն, այլ մի տեղից թափառում են ուրիշ տեղ. նրանք կոչւում են թափառաշրջիկներ: Կան նաև այնպիսիները, որոնք խաշնարածութեամբ պարապելով, տարւայ մի մասը մի տեղ են ապրում, միւս մասը՝ ուրիշ տեղ, նայած թէ նրանց բաւականաչափ խոտ կայ իրենց հօտերի համար. գրանք կոչւում են վաչկատուներ (վրանաբնակներ); Իսկ նրանք, ովքեր ունեն իրենց մշտական, հաստատուն բնակութեան վայրը, կոչւում են՝ նստակեացներ:


Համարեա բոլոր նստակեաց ժողովուրդների մէջ գոյութիւն ունի աշխատանքի բաժանում. կան մարդիկ, որոնք պարապում են օրինակ անամնապահութեամբ և երկրագործութեամբ, ուրիշները՝ արենեստներով, շատերը՝ արդիւնագործութեամբ, և այլն: Մարդիկ սովորաբար փոխանակում են իրենց աշխատանքի արդիւնքները. օրինակ՝ երկրագործը ծախում է հացահատիկ և ստացած փողով գնում մանգաղ, գերանդի, զգեստ և այլն: Ապրանքների այդ փոխանակութիւնն էլ կոչւում է առետուր:

**ՀԱՆՈՐԴԱԿՑՈՒԹԵԱՆ ՄԻԶՈՅՆԵՐ:—** Որչափ աւելի է զարգացած մի երկրի արդիւնագործութիւնը և առետուրը, այնչափ էլ աւելի եռուն է մարդկանց մէջ եղած յարաբերութիւնը. իսկ դրա համար անհրաժեշտ են հաղորդակցութեան մի ջոցներ. օրինակ՝ խճուղիներ, երկաթուղիներ, ծովեր, նաւարկելի գետեր, հեռագիր, հեռախօս, և այլն: Հաղորդակցութեան միջոցների շնորհիւ կարողանում են զանազան ազգեր իրար հետառետուր անել, ճանապարհորդել մի տեղից ուրիշ տեղ, յարաբերութիւն պահպանել միմեանց հետ, և այլն:

**ՄԱՐԴԿԱՆՑ ՀՈԳԵԿԱՆ ՊԱՀԱՆՁՆԵՐԸ: —** Բացի նիւթական

պահանջներից (սնունդ, զգեստ, բնակարան)՝ բոլոր ազգերն ունեն նաև հոգեկան պահանջներ։ Նրանք ձգտում են ձեռք բերելու ուսում, գիտութիւն, սիրում են նկարչութիւն, երգեցողութիւն, և այլն։ Նոյնիսկ թափառաշըջիկ ժողովուրդների մէջ գոյութիւն ունեն գիտութեան և գեղարւեստների սաղմերը։ Իսկ դրանք ամենից աւելի զարգացած են հաստատաբնակ կամ նստակեաց ժողովուրդների, յատկապէս Եւրոպացիների մէջ։

Բոլոր ժողովուրդներն ել կրօնական զգացում ունեն և նրանցից ամեն մէկը դաւանում է որևէ կրօն։ Շատ կրօններ կան։ Նրանց կարելի է երկու խմբի բաժանել։ Մի քանի կրօններ ճանաչում են շատ աստւածներ և կոչում են հեթանոսական կրօններ։ Հեթանոս ժողովուրդները աստւածացնում



Յահանականներ.

Նկ. 104. Կրօնների տարածումը

և պաշտում են իրենց նախնիներին կամ բնութեան ոյժերին։ Այսպէս՝ նրանք երկրպագում են արեգակի, կրակի, կայծակի աստւածութիւններին, և այլն։

Հեթանոսական կրօնների են հետևում բոլոր մարդկանց կէսից աւելին։ Ամենատարածւած հեթանոսական կրօնը բուդդիայականութիւնն է (հարաւ-արևմտեան Ասիայում)։

Միւս կրօնները ճանաչում են միայն մէկ Աստծու։ Դրանց թւին են պատկանում քրիստոնէական, մահմեդական և մովսիսական կրօնները։

Քրիստոնէութեան հետևում է ամբողջ մարդկութեան մօտաւորապէս մէկ-երրորդ մասը, որի մէջ պէտք է հաշւել համարեա բոլոր եւրոպացիներին։ Մահմեդականութիւնը տարածւած է պլխաւորապէս արևմտեան Ասիայում և հիւսիսային Աֆրիկայում (օր. Թուրքերի, արաբների, պարսիկների մէջ), իսկ մովսիսական կրօնը՝ հրեաների մէջ։

**ՊԵՏՈՒԹԻՒՆ.**—Նստակեաց մարդիկ ապրում են շէներում, գիւղերում, աւաններում, գիւղաքաղաքներում և քաղաքներում։ Իրար հետ ունեցած յարաբերութիւնը որոշ, հաստատուն օրէնքներով կանոնաւորելու և պահպանելու, նաև արտաքին թշնամիներից պաշտպաննելու համար ժողովուրդները կազմում են պետութիւններ։ Ամեն մի պետութեան մէջ գոյութիւն ունի բարձրագոյն իշխանութիւն, որի իրաւունքն է օրէնքներ հրատարակել և նրանց գործադրութեան վրայ հսկել։ Եթէ մի երկրում բարձրագոյն իշխանութիւնը պատկանում միայն մէկ մարդու և անցնում է իբրև ժառանգութիւն նրա թագաժառանգին, այդպիսի պետութիւնը կոչում է բացարձակ միապետութիւն, իսկ իշխանութեան տէր անձը՝ բացարձակ կամ ինքնակալ միապետ։

Եթէ բարձրագոյն իշխանութիւնը պատկանում է որոշ թւով մարդկանց, որոնք ընտրւում են ժողովրդի կողմից որոշ ժամանակով, իբրև նրա ներկայացուցիչներ, այդպիսի պետութիւնը կոչում է հասարակապետութիւն կամ հանրապետութիւն։ Ընտրւած ներկայացուցիչների ժողովը կոչում է պարլամենտ։ Եւրոպայում հասարակապետութիւնն է օրինակ՝ Ֆրանսիան։ Ամերիկայի բոլոր պետութիւններն ել հասարակապետութիւնն են։ Օրինակ՝ Միացեալ-Նահանգները։ Վերջապէս

կան պետութիւններ, որտեղ բարձրագոյն իշխանութիւնը բաժանւած է միապետի և պարլամենտի մէջ։ Այդպիսի պետութիւնը կոչւում է սահմանադրական միապետութիւն։ օրինակ՝ Անգլիան, Գերմանիան և ընդհանրապէս Եւրոպայի պետութիւնների մեծամասնութիւնը։

Սովորաբար միապետները տարբեր տիտղոս են ունենում։ օրինակ՝ կայսր, թագաւոր, իշխան, կայն։ այդ պատճառով նրանց կառավարած երկիրներն էլ կոչւում են՝ կայսրութիւն, թագաւորութիւն, իշխանութիւն, կայն։ Ռուսաստանը կայսրութիւն է։

## Կ Ո Վ Կ Ա Ս

**ՍԱՀՄԱՆՆԵՐԸ:** — Կովկասը գտնուում է Եւոպայի և Ասիայի սահմանում, արևմուտքից Սև և Ազովի, արևելքից Կասպից ծովերի մէջ ընկած, —  $38^{\circ}10'$ — $46^{\circ}1/2'$  հիւսիսային լայնութեան և  $54^{\circ}$ — $68^{\circ}$  արևելեան երկայնութեան տակ։ Հիւսիսային կողմում կովկասի սահմանն են կազմում Եւրոպական Ռուսաստանի հարաւայի նահանգներից Դոնի շրջանը և Աստրախանի նահանգը, հարաւում՝ Թիւրքիան և Պարսկաստանը, Կովկասի ամբողջ տարածութիւնը  $416$  հազար քառակուսի վերստ է, որ անում է ամբողջ Ռուսական կայսրութեան  $1/49$  մասը։

**ՄԱԿԵՐԵՒՈՅԹԻ ԿԱԶՄՈՒԹԻՒՆԸ:** — Կովկասի մակերեսոյթի կազմութիւնն ամեն տեղ միատեսակ չէ։ կան տեղեր, որ նոյն իսկ ծովի մակերեսոյթից ցածը են. կան նաև բարձր հարթութիւններ, լեռնադաշտեր և, վերջապէս, յաւերժական ձիւնով ծածկւած բարձրութիւններ։ Կովկասի համարեա կէսը բարձրութիւններից է բաղկացած, իսկ մնացած կէսը հարթութիւններ են։ Բարձրութիւնները, ընդհանրապէս վերցրած, կարելի երկու մասի բաժանել — Մեծ և Փոքր Կովկասեան լեռներ։ Մեծ Կովկասեան լեռնաշղթաները տարածւում են Սև

Ծովից սկսած մինչև Կասպից ծովը՝ հարաւարևելեան ուղղութեամբ։ Նրանց երկայնութիւնն է մօտ  $1200$  վերստ։

Կովկասեան լեռնաշղթայով ամբողջ երկիրը բաժանւում է երկու մասի — Հիւսիսային Կովկաս և Հարաւային Կովկաս կամ Ա.Ն.Դ.Ր.Կ.Ո.Վ.Ս. Անդրկովկասը մի փոքր աւելի տարածութիւն է բռնում, քան Հիւս։ Կովկասը։

Կովկասեան լեռնաշղթայի կենտրոնական մասն աւելի բարձր է. այդտեղ են գտնուում նրա ամենաբարձր գագաթները, որոնց ցոց էլեբրումն ունի  $18^{\circ}1/2'$  հազար ոտնաչափ բարձրութիւն ( $53/4$  վերստ). իսկ Կաղբեկը՝  $16^{\circ}1/2'$  հազար ոտնաչափ բարձրութիւն ( $41/2$  վերստ)։ Ամբողջ լեռնաշղթայի միջին մասի լայնութիւնը 90 վերստ է։ Էլեբրուսից արևմուտք և Կաղբեկից արևելք լեռնաշղթայի լայնութիւնը հասնում է 200 վերստի։ Ապա լեռնաշղթան քանի գնում, երկու ծայրերում էլ հետզհետէ նեղանում է։

**Փոքր Կովկասեան լեռները** բռնում են արևմտեան և կենտրոնական Անդրկովկասը։ Մեծ Կովկասից բաժանւում են Քուռի և Ռիոնի հովիտներով։

Փոքր Կովկասը բաղկացած է բարձրաւանդակներից և լեռնաշղթաներից։  $4^{\circ}1/2$ — $6^{\circ}1/2$  հազար ոտնաչափ բարձրութիւնն ունեցող սարահարթերը բռնում են Անդրկովկասի տարածութեան մեծ մասը։ Փոքր Կովկասի երկայնութիւնը, հիւսիսարևմուտքից դէպի հարաւարևելք, հասնում է մինչև 500 վերստի, իսկ լայնութիւնը՝  $250$  վ.։ Փոքր Կովկասի նշանաւոր բարձրութիւններն են հետեւեալ հանգած հրաբուղիները։ ՄԵԾ ՄԱՍԻՍԸ կամ ԱՐՍ.ՐՈ.ՏԸ մօտ 5 վերստ ( $16.918$  հազար ոտ.) բարձրութեամբ, Փոքր Մասիսը ( $12.840$  ոտ.) և Արագածը կամ Ալագեազը ( $13.454$  ոտն.)։

Կովկասի հարթութիւններն ընկած են գլխաւորապէս նրա հիւսիսային մասում։ Ամբողջ Հիւսիսային Կովկասի  $1/3$ -ը հարթութիւնն է, կասպից ծովի ափերին տարածւում են անապատներ։ Անդրկովկասի արևմտեան մասում, Ռիոն գետի և նրա վտակների միջին և ստորին հոսանքներում, ընկնում է Ռիոնի հարթութիւնը, իսկ հարաւային մասում, Երասխի հով-


տում, տարածւում է Այրարատեան դաշտը (Երևանի նահ.): Անգրկովկասի հարթութիւնները և տափաստանները բռնում են նրա ամբողջ տարածութեան մօտ  $\frac{1}{5}$  մասը միայն:

ԳԵՏԵՐ ԵՒ ԼՃԵՐ: — Անդրկովկասի և ընդհանրապէս ամբողջ Կովկասի գետերից ամենամեծն է Կուրը կամ Քուռը, որի երկայնութիւնը մօտ 1000 վերստ է. թափւում է Կասպից ծովը:

Անդրկովկասի երկրորդ նշանաւոր գետը Երասխը կամ Արաքսն է, որ իսկապէս մէկն է Քուռի վտակներից. Երկայնութիւնն է 750 վերստ:

Երասխն իր սկիզբն առնում է Տաճկա-Հայաստանում, Բիւրակնեան (Բինգեօլ-դաղ) սարից — Երզրումի հարաւում: Երասխի ձախ վտակներն աւելի նշանաւոր են, քան աջ վտակները. օրինակ՝ Արփա-չայ կամ Ախուրեան և Զանգի կամ Հրադդան. վերջինս դուրս է գալիս Սևանայ լճից:


Անդրկովկասի արևմտեան մասով հոսում է իր մեծութեամբ



Նկ. 105. Կովկասեան լեռնաշղթայ

նշանաւոր Ռիոն գետը, որ թափւում է Մեծ ծովը: Երկայնութիւնն է ընդամենը 320 վերստ:

Հիւսիսային Կովկասի արևմտեան մասով հոսում է Կուրքան գետը. նա սկիզբ է առնում Ելբրուսի հիւս-արևմտեան փեշերից. թափւում է Մեծ ծովը: Կուբանի ամբողջ երկայնութիւնն է 600 վերստ: Նա վտակներ ընդունում է միայն ձախ կողմից:



Նկ. 106. Մեծ և Փոքր Մասիսներ (Երևան քաղաքից)

Հիւսիսային Կովկասի արևելեան մասով հոսում են հետեւեալ նշանաւոր գետերը: Կումա, որ հոսում է դէպի Կասպից ծովը. վերջինս գեռ չհասած՝ 80 վերստ հեռաւորութեան վրայ՝ կորչում է աւագուտների մէջ: Կումայի ամբողջ հոսանքի երկայնութիւնը 500 վերստից աւելի է: Տերեկ գետը, որ սկիզբ է առնում Կազբեկի սառցադաշտերից. թափւում է Կասպից ծովը:

Կովկասը, ընդհանրապէս վերցրած, շատ լճեր չունի: Մեծ Կովկասը միանգամայն զուրկ է որևէ նշանաւոր լճից, իսկ Փոքր Կովկասի բարձրաւանդակները բաւտիան հարուստ են մեծ և փոքր լճերով: Նրանք բոլորն էլ ընկած են Քուռի և Երասխի հովիտների միջև: Այդ լճերից իր մեծութեամբ նշանաւոր է Սևանայ լիճը, որ նաև Գեօկչայ է կոչւում: Այդ լճի

երկայնութիւնն է 70 վերստ, իսկ լայնութիւնը՝ 30 վերստ։ Սևանայ լիճը ծովի մակերեսոյթից 6340 ոտնաչափ բարձրութիւն ունի. շրջապատւած է անտառազուրկ լեռներով։ Սևանայ լիճն են թափւում 28 գետակներ, իսկ նրանից իր սկիզբն է առնում միայն Զանգին։ Սևանայ լիճ մէջ է գտնուում Սեւանայ կղզին, նոյնանուն վանքով։ Կովկասի արևելեան մասում ընկնում է Կասպից լիճը, որ իր մեծութեան համար նաև ծով է կոչւում։ Ծովերից միայն Սև և Աղովի ծովերն են մօտ գտնուում Կովկասին։

**ԿԼԻՄԱՆ.**— Կովկասի կլիման շատ բազմազան է։ Քանի հեռանում ենք Սև ծովից դէպի արևելք, այնչափ էլ կլիման ցամաքային է դառնում։ Պատճառն այն է, որ արևելտեան և հարաւարեմ. քամիները, որոնք փչում են Սև և Միջերկրական ծովերից, իրենց հետ գոլորշիներ են բերում, որից և Արևմ. Անդրկովկասի կլիման դառնում է խոնաւ և մեղմ։ այն ինչ արևելեան և հիւսարևելեան քամիները չոր են, որից և Արևել. Անդրկովկասի կլիման չորային է, — ձմեռը շատ ցուրտ, ամառը՝ շոգ։

Հիւսիսային Կովկասի տարեկան եղանակի միջին տաքութիւնն է մօտ  $10^{\circ}$  (ըստ Ցելսիուսի), իսկ Անդրկովկասինը՝  $15^{\circ}$ ։ Պատճառն այն է, նախ, որ Անդրկովկասն աւելի հարաւ է գտնուում. երկրորդ՝ Կովկասեան լեռնաշղթան պաշտպանում է նրան հիւսիսային ցուրտ քամիներից։ Զանազան վայրերի տարբեր բարձրութիւնն ևս մեծապէս ազդում է կլիմայի վրայ։ Օրինակ՝ Բագւում, որտեղ երկրի մակերեսոյթն ովկիանոսից ցածր է, տարւայ եղանակի միջին աստիճանը համար է  $14,4^{\circ}$ , թիֆլուում ( $1400$  ոտն. բարձր.)— $12,7^{\circ}$ , Ալեքսանդրապոլում ( $5070$  ոտն. բ.)— $5,8^{\circ}$  Կարսում ( $6173$  ոտն. բ.)— $4^{\circ}$ . իսկ բարձր լեռների գագաթին յաւերժական ձիւն կայ։

Հնդհանրապէս առած՝ Կովկասի կլիման բարեխառն է։

ԲՈՅԱՐ, ԿԵՆԴԱՆԻՆԵՐ ԵՒ ՀԱՆՔԵՐ.— Ինչպէս որ Կովկասի կլիման և երկրի մակերեսոյթի կազմութիւնը բազմազան են,

այնպէս էլ նրա բուսականութիւնը բազմազան է, նայած մի վայրի մակերեսոյթի բարձրութեան և կլիմային։ Գարնանը չիւս. Կովկասի տափաստանները ծածկում են բազմատեսակ խոտերով և գեղեցիկ ծաղիկներով։ Կովկասի անտառները բըռնում են ամբողջ երկրի  $1/6$  մասից աւելին, իսկ Անդրկովկասի վրայ ընկնում է ամբողջ Կովկասի բոլոր անտառների  $2/3$  մասը։ Այնինից հարուստ բուսականութիւն ունեն՝ Սև ծովի ափերը և Ռիոնի հովիտը, ընդհանրապէս՝ Արևմ. Անդրկովկասը։ Արևելեան Անդրկովկասը հարուստ չէ բուսականութեամբ ( $ինչո՞ւ$ )։

Կովկասի կենդանիներն էլ, բոյսերի նման, բազմազան են։ Անդրկովկասի բնորոշ գազաններից կարելի է յիշել՝ մոխրագոյն արջը, շնագայլը, վարազը, բորենին, վագը և այլն։ Թուչուններից նշանաւոր են՝ լեռնային կաքաւը, կողքիսի փասեանը, սոխակը, մորեխ կոտորող սարեակը։ Լեռների վրայ կան վայրի այծեր և ոչխարներ։ Կովկասի ափերը ողողող ծովերը և նրա գետերը հարուստ են բազմազան ձկներով։ Ձկներով հարուստ են մանաւանդ Քուսի ստորին հոսանքը և Սևանայ լիճը։ Ընտանի կենդանիներով ևս հարուստ է Կովկասը։

Հանքեր ևս շատ կան Կովկասում. առանձին ուշագրութեան արժանի է նաւթը, որով հարուստ է մանաւորապէս Բագրի շրջակայքը։

Կովկասի հանքերից նշանաւոր է նաև աղը. յայտնի են Կողբի և Հին-Նախիջևանի աղահանքերը։ Կովկասում կան նաև քարածուխի, պղնձի, երկաթի, մարգանեցի հանքեր։


**ԱՐԴԻԿԱՆԲԵՐՈՒԹԻՒՆ.**— Կովկասի բնակիչների գլխաւոր զբաղմունքը հում նիւթեր արտադրող արդիւնաբերութիւնն է, գլխաւորապէս՝ Երկրագործութիւնը։ Հացաբոյսերից իր նշանակութեամբ առաջին տեղը բռնում է ցորենի մշակութիւնը. ապա գալիս է գարին։ Կովկասի զանազան մասերում մշակութիւնն է եղիպտացորեն, բրինձ, բամբակ, ծխախոտ և այլն։

Այգեգործութիւնն էլ բնակիչների գլխաւոր զբաղմունքներից մէկն է։

Անասնապահութիւնն ևս պակաս զարգացած չէ մեր եր-



յին Կովկաս և Անդրկովկաս: Հիւս. Կովկասի մէջ են մտնում՝ Ստալինցի նահանգը, Կուբանի և Տերեկի շրջանները. իսկ



Նկ. 107. Թիֆլիս. Ընդհանուր տեսարան

Անդրկովկասի մասերն են կազմում՝ Թիֆլիսի, Քութայիսի, Ակ-Շովեան, Երևանի, Գանձակի և Բագուրի նահանգները, նաև Բաթումի, Դաղստանի և Կարսի շրջանները ու Զաքաթալայի վիճակը: Ամբողջ Կովկասի ընդհանուր կառավարութիւնը յանձնած է Կովկասեան Փոխարքային, որ նստում է Թիֆլիսում:

Թիֆլիսի նահանգի բնակիչներն են գլխաւորապէս վրացիները, ապա նաև՝ հայերը, ոռուները: Բնակիչների գլխաւոր զբաղմունքներն են երկրագործութիւնը և անասնապահութիւնը: Մարդկած է նաև պարտիզանութիւնը, մտնաւանդ Կախեթիայում: Նահանգի և ամբողջ Կովկասի գլխաւոր քաղաքն է Թիֆլիսը, Քուռ գետի վրայ. ամբողջ Կովկասի վարչական և առևտրական կենտրոնն է. ունի մօտ 325 հազար բնակիչ: Քաղաքում կան ծծմբային տաք ջրեր: Քաղաքն ունի քանի տղայոց և օրիորդաց գիմնազիաներ, րէալական դպրոց և ուրիշ ուսումնարաններ, որոնց թւում նաև հայոց Ներսիսեան դպրոցը. կան մի քանի թանգարաններ, գրադարաններ. այստեղ հրատարակում են շատ պարբերական հրատարակութիւններ, թէ ոռուսերէն և թէ տեղական լեզուներով: Թիֆլիսի շրջակայքում գտնող ամառանոցներից նշանառու են՝ Կովկասի մօտ է:


նաև Մցխէթը, Վրաստանի հին մայրաքաղաքը: Գաւառական քաղաքներից նշանաւոր են՝ Թելաւը, Կախեթիայի գինեվաճառութեան կենտրոնը, Գորին, Բորժոմ ամառանոցը, որ ունի հանքային աղբիւրներ. Ախալցիսն, որի շրջականներում կան շատ հանքային աղբիւրներ. զրանցից նշանաւոր են՝ Աբասթումանի աղբիւրները. Ախալցիսն ևս գաւառական քաղաք է:

Գանձակի նահանգի բնակիչներն են գլխաւորապէս թուրքերը, հայերը և մասսամբ էլ ոռուները: Բնակիչների գլխաւոր զբաղմունքը երկրագործութիւնն է. գինեգործութիւնն ևս, մասնաւանդ Գանձակի գաւառում, ծաղկած է: Ամբողջ Կովկասում յայտնի են Ղարաբաղի ձիերը: Մետաքսագործութեան կողմից Գանձակի նահանգն ամենածաղկածն է ամբողջ Կովկասում, մասնաւանդ նույնու և Շուշու գաւառները: Քաղաքներից նշանաւոր են՝ Գանձակը, որի բնակիչներն են՝ թուրքեր, հայեր և ոռուներ: Գանձակը նշանաւոր է իր այգիներով: Քաղաքի հնութիւններից նշանաւոր է Շահ-Աբաս Մեծի շինած մզկիթը (17-րդ դարից): Գաւառական քաղաքներից նշանաւոր են՝ Նուխի, որ մետաքսի առևտրի կենտրոնն է: Շուշի, որ շինւած է մի բարձր սարի ծայրին (3780 ոտնաչափ բարձր): Բնակիչներն են՝ հայեր, թուրքեր և ոռուներ. առևտրի գլխաւոր առարկաներն են, մետաքսը և գորդը: Գանձակի նահանգում է գտնուում Գետաբեկի պղնձահանքը:

Բագուի նահանգի բնակիչներն են գլխաւորապէս՝ թուրքերը, հայերը և ոռուները: Բագուի նահանգը ամբողջ երկրի ամենահարուստ նահանգներից մէկն է: Բնակիչների զբաղմունքներն են՝ երկրագործութիւնը, անասնապահութիւնը (տափաստաններում), շերամապահութիւնը (Շամախու գաւառում), նաւթարդիւնաբերութիւնը՝ Բագու քաղաքի շրջակայքում: Նահանգի գլխաւոր քաղաքն է՝ Բագուն: Բագուն նաև շահ-Աբասիստ է Կասպից ծովի վրայ, կենտրոն է նաւթարդիւնաբերութիւնն և Պարսկաստանի հետ ունիցած առևտրի: Գաւառական քաղաքներից նշանաւոր է Շամախին, որ հնուց յայտնի է շերամապահութիւնը. յաճախ երկրաշարժ է տեղի ունենում Շամախում:

Երեւանի նահանգում ապրում են գլխաւորապէս հայեր, որոնք խոշոր մեծամասնութիւն են կազմում Ալեքսանդրապոլի, Նոր-Բայազետի և Էջմիածնի գաւառներում: Բացի հայերից՝ այդ նահանգում ապրում են նաև թուրքեր, գուրգեր, յոյներ, ոռուներ և ասորիներ: Երկրագործութիւնը բնակիչների գլխաւոր զբաղմունքներից մէկն է: Ալեքսանդրապոլի գաւառը գետ հնուց յայտնի է, այժմ էլ է համարուսում, Անդրկովկասի հացի շտեմարան: Նահանգում ծաղկած է նաև պարտիզանութիւնը: Երևանի խաղողը և ուրիշ մրգերը յայտնի են ամբողջ երկրում: Նահանգի հարթ վայրերում ծաղկած է բամբակի

մշակութիւնը: Ագուլիսի և Օրդուքաթի կողմերի բնակիչները պարապում են նաև շերամապահութեամբ: Երեանի նահանգը հարուստ է աղահանքերով, որոնք գտնւում են Կողբի և Նախիջևանի մօտերքը: Թաղաքներից նշանաւոր են՝ Երեւանը, որ նահանգական քաղաք է, Զանգի գետի վրայ. շրջապատւած է բազմաթիւ այգիներով. կլիման



Նկ. 108. Նաւթի արդիւնաբերութիւնը Բագւում

տաք է և վատասողջ. Բնակիչները, գլխաւորապէս հայեր, պարապում են առետրով և պարտիզանութեամբ: 1827 թւականին, ոռւս-պարսկական պատերազմից յետոյ, Երևանն անցաւ ոռւսներին: Երևանից 17 վերստ հեռու գտնւում է Էջմիածինը, ուր նստում է հայոց կաթողիկոսը. Էջմիածնում է գտնւում Գէորգեան ճեմարանը. ունի հարուստ մատենադարան և թանգարան: Ալեքսանդրապոլ. 5070 ոռնաշափ բարձրութեան վրայ, ամրոց է: Նոր-Բայազէդ, Սևանայ լճի մօտ, 6 հազար ոտն. բարձր: Հին-Նախիջևան, որ հարուստ է այգիներով. մօտը կայ աղահանք:

Կարսի Երջանի բնակիչներն են՝ հայեր, քուրդեր, յոյներ, ոռւսներ: Բնակիչների զբաղմունքներն են՝ Երկրագործութիւն, պարտիզանութիւն, անամնապահութիւն: Գլխաւոր քաղաքն է Կարս, որ միանոյն ժամանակ յայտնի ամրոց է. շինւած է 6173 ոտն. բարձրութեան վրայ. ոռւսների ձեռքն է անցել 1877-ին: Թիֆլիսի հետ միացած է

Երկաթուղով: Կաղջւան—Արաքսի աջ ափին, 4969 ոտնաչափ բարձրութեան վրայ: Կարսից հարաւարեկելը, Ախուրեանի աջ ափին, գտընւում է Հայաստանի հին մայրաքաղաք և այժմ աւերակ Անին: Անիի աւերակներում, կատարւող պեղումների շնորհիւ, գտել են թանգագին հնութիւններ, որոնք պահւում են յատուկ նրանց համար այնտեղ շինւած թանգարանում: Մնացած քաղաքներից յիշենք Օլթին, Արդանը:

Քուրայիսի նահանգի բնակիչներն են—գլխաւորապէս վրացական զանազան ցեղեր. բացի նրանցից այդ նահանգում ապրում են նաև հայեր, օսեր, յոյներ և այլն: Բնակիչները զբաղւում են երկրագործութեամբ, գինեգործութեամբ և մասամբ անամնապահութեամբ: Ամենից շատ տարածւած է այդ նահանգում եգիպտացորենի մշակութիւնը. կարևոր տեղ է բոնում նաև պարտիզանութիւնը: Նահանգական քաղաքն է Քուրայիս, Ռիոնի վրայ, պարտէզներով և այգիներով շրջապատւած: Սև ծովի ափին են գտնւում նաև Փոթին և Սուխումը: Շրջանում նշանաւոր է նաև Արդիկին քաղաքը:

Բարումի Երջանի գլխաւոր քաղաքն է՝ Թարում, նշանաւոր նաւահանգիստ է Սև ծովի ափին. այնտեղով է Ռուսաստան և արտասահման փոխադրում հագույց արտահանւող նաւթը:

Դաղստանի Երջանի բնակիչներն են գլխաւորապէս լեզգիներ և մասամբ էլ ոռւսներ: Դաղստանի լեռները աղքատ են անտառների կողմից, երկիրն էլ պաղաքեր չեն. ուստի բնակիչների մի մասը ուրիշ տեղեր է գնում աշխատանք որոնելու: Բնակիչների գլխաւոր զբաղմունքն անամնապահութիւնն է: Շրջանի գլխաւոր քաղաքն է՝ Թեմիրխան-Շուրա: Կասպից լճի ափին են գտնւում՝ Դերբենդ և Պետրով քաղաքը:

Զաքարալյի վիճակի բնակիչներն են՝ մահմեդական լեզգիներ ու թուրքեր և սակաւաթիւ ոռւսներ ու հայեր: Բնակիչները պարապում են գլխաւորապէս ըրնձի մշակութեամբ, պարտիզանութեամբ, շերամապահութեամբ: Վարչական տեսակէտից այդ վիճակը ենթարկում է զինւրական-ժողովրդական վարչութեան: Կենտրոնն է Զաքարալա քաղաքը:

Սեւ ծովեան նահանգ. գլխաւոր քաղաքն է Նովօրոսիյսկ:

Տերեկի Երջանի բնակիչներն են գլխաւորապէս ոռւսները, կան նաև հայեր, վրացիներ, չեչեններ և այլն: Բնակիչների գլխաւոր զբաղմունքն է երկրագործութիւնը: Շրջանի գլխաւոր քաղաքն է՝ Վլադիկավալ, Տերեկի ափին: Քաղաքի բնակիչներն են՝ օսեր և հայեր: Մնացած քաղաքներից յիշենք Ղղլարը, Թրոգոնին և Պետրով:

Կուբանի Երջանի բնակիչներն են ոռւսներ: Նրանց զբաղմունքը երկրագործութիւնն է: Գլխաւոր քաղաքն է՝ Նկատերինոդար, Կուբանի









Այժմ էլ այդ երկիրները, Տաճկաստանի միւս մասերի հետ համեմատած, աւելի թւով բնակիչներ ունեն: Ազգաբնակութեան տիրող տարրը կազմում են թիւրքերը կամ տաճիկները:

Տաճիկները Փոքր Ասիան նւաճել սկսեցին 11-րդ դարից: Շնորհիւ տաճկական տիրապետութեան՝ հնում ծաղկած վիճակի մէջ գտնուղ այդ երկիրները հետզհետէ դատարկւեցին, աւերւեցին: Տաճիկները թէկ մոնղոլական ծագում ունեն, բայց դարերի ընթացքում նրանք խառնւել են սպիտակ ցեղին պատկանող զանազան ազգութիւնների հետ և ներկայումս մոնղոլական գծեր շատ չկան նրանցում: Տաճիկները հետևում են մահմեդական կրօնի սիւննի դաւանութեան:

Հայաստանում և Փոքր Ասիայում ապրում են նաև հայեր: Հայերի մեծ մասը հայ-լուսաւորչական է. կան նաև հայ-կաթոլիկներ և հայ-բողոքականներ: Հայերը Հայաստանի բնիկ և առաջադէմ տարրն են կազմում \*):

Փոքր Ասիայի ծովափնեայ վայրերում ապրում են նաև յոյներ. իսկ Հայաստանում և Քրդստանում ապրում են նաև քրդեր \*):

ԶԲԱՆՄՈՒՆՔՆԵՐԸ: — Փոքր Ասիայի և Հայաստանի բնակիչների գլխաւոր զբաղմունքը Երկրագործութիւնն է. ամենից շատ մշակում են՝ ցորեն և գարի: Փոքր Ասիայում մշակում է նաև ծխախոտ ու խաշաշ: Այզեքործութեան մէջ կարեռ տեղ բռնում է խաղողի մշակութիւնը: Անասնապահութիւնն ևս, մանաւանդ լեռնոտ և խոտաւէտ վայրերում, բնակիչների գլխաւոր զբաղմունքներից է: Քրդերը, որոնց մի քանի ցեղերը վրանաբնակ են, պարապում են գլխաւորապէս անասնապահութեամբ:

Արդիւնագործութիւնը շատ քիչ է զարգացած: Այդ երկիրներում ծախւում են գլխաւորապէս եւրոպական գործարաններում պատրաստած ապրանքները: Առետուրը սկսեց համեմատաբար աւելի զարգանալ մանաւանդ այն ժամանակից, երբ եւրոպացիները սկսեցին երկաթուղային գծեր անցկացնել Փոքր Ասիայում: Բայց մինչև օրս էլ Փոքր Ասիայում և Հայաստա-

\*) Համաձախ կ. Պոլսի Հայոց Պատրիարքարանի վերջին վիճակագրութեան՝ Տաճկա-Հայաստանի վեց նահանգների (չհաշւած ոչ հայաբնակ ցրջանները) ազգաբնակութեան թիւն է՝ 2.615,000: Հայերի թիւն է՝ 1.018,000 կամ ամբողջ ազգաբնակութեան մօտ 39%՝ ը, տաճիկները՝ 666,000 կամ 25%՝ քիչերը՝ 424,000 կամ 16%՝ ը: Մասնաւութիւնները՝ Ամբողջ Տաճկաստանում ապրող հայերի ընդհանութիւն է՝ 2միլիոնից աւելի:

նում ապրանքների տեղափոխութիւնը կատարւում է մեծ մասով կարաւաններով: Արտահանում են գլխաւորապէս՝ ցորեն, ծխախոտ, միրդ և բուրդ. Ներմուծւում են՝ եւրոպական գործարանային ապրանքները: Առետուրը կենտրոնացած է որոշ չափով եւրոպացիների ձեռքում: Հայերից և մանաւանդ յոյներից շատերն էլ պարապում են առետուրով:

ԳԼԽԱԽՈՐ ՔԱՂԱՔՆԵՐԸ: — Փոքր Ասիայի նաւահանգիստներից նշանաւոր են. Զմիւռնիա—Միջերկրական ծովի ափին. Բնակիչների մեծ մասը յոյներ են. կան նաև շատ հայեր: Տրավուղոն՝ Սև Ծովի ափին: Ակուտարի՝ Բոսֆորի ափին, Կոստանդնուպոլիսի դիմացը, Փոքր-ասիական հողի վրայ:

Հայաստանի քաղաքներից նշանաւոր են. Էրզրում կամ կարին, — Հայաստանի ամենամեծ քաղաքը, մօտ 40,000 բնակիչներով. Էրզրումը նշանաւոր ամրոց է: Վան, որ գտնւում է վանայ լճի հարաւարեկեան ափին: Միւս քաղաքներից յիշենք Բաղէշը կամ Բիթլիսը, Խարբերդը: Սամոյ լեռների հիւսկողմը՝ Մշոյ դաշտում է գտնւում Մուշ քաղաքը:

## Պ Ա Ր Ս Կ Յ Ա Ս Ա Ն

Պարսկաստանի սահմաններն են կազմում. հիւսիսից՝ Կասպից լիճը և Անդրկովկասը. արևմուտքից՝ Տաճկաստանը, հարաւից՝ Պարսից ծոցը և Արաբական ծովը, արևելքից՝ Աֆղանստանը և Բելուջիստանը:

Պարսկաստանը գտնւում է Հայաստանից դէպի հարաւարեկելք ընկնող իրանի բարձրաւանդակի վրայ: Իրանը շատ աւելի մեծ է Փոքր Ասիայից: Այդ բարձրաւանդակի վրայ գըտնւում են երեք պետութիւններ. — արևմտեան, ամենամեծ մասը, բռնում է Պարսկաստանը, իսկ արևելեան մասը՝ Բելուջիստանը և Աֆղանստանը:

Իրանը շրջապատւած է բարձր սարերով: Ամենաբարձր սարերը գտնւում են հիւսիսում՝ Նինդուկուշ և Էլբուրս: Էլբուրս լեռների ամենաբարձր գագաթն է Դեմաւենդ, որ մօտ

51/2 վերստ բարձրութիւն ունի. նա հանգած հրաբուղի է: Իրանի կլիման չոր է:

Անտառներ իրանում քիչ կան: Ամենաընդարձակ տարածութիւններ անապատներ են:

Գետերը ջրառատ չեն, և համարեա բոլորն էլ կորչում են աւազուտների և ճահճուտների մէջ:

Բայց և այնպէս այդ գետերի ափերին կարելի է պարապել երկրագործութեամբ և այգեգարցութեամբ:

Պարսկաստանի հիւսիս-արևմտեան կողմում է գտնւում Ուրմիոյ լիճը, որի ջուրը դառն-աղի է: Լճի երկայնութիւնն է 120 վերստ, լայնութիւնը՝ 36 վերստ:

Իրանի դաշտերում ցանում են՝ բրինձ, ցորեն և գարի: Վերջին ժամանակներս սկսել են մշակել նաև բամբակ և խաշխաշ (ափիոն պատրաստելու համար): Այդիներում աճում են դեղնի, ծիրանի ծառեր, փիւնիկեան արմաւենիներ, նշենի, խաղողի որթ, և այլն: Միրգ շատ է ստացւում իրանի այգեներից:

Սարերի լանջերին, որտեղ խոտ է բուսնում, ապրում են թափառաշրջիկ խաշնարածներ, որոնք պահում են ծի, ուղտ, ոչխար և այծ: Խոշոր եղջիւրաւոր անասունների համար (եզ, կով, գոմէշ) իրանի արօտատեղիները յարմար չեն:

Պարսկաստանը, որ 3 անգամ փոքր է Եւրոպական Ռուսաստանից, ունի մօտ 9 միլիոն բնակիչ: Ազգաբնակութեան մեծ մասը թուրքեր են. բոլորն էլ մահմեդական են, շիա դաւանութեան հետեւող: Նրանց կառավարում է շահը, որ համարւում է Մահմեդի փոխանորդ:

Երկաթուղիներ չկան Պարսկաստանում: Ապրանքների տեղափոխութիւնը կատարւում է ուղտերի և ձիերի կարաւաններով: Արտաքին առևտուրը գտնւում է օտարերկրացիների ձեռքին: Նրանցից գերիշխում են՝ հիւսիսում ուղւները, իսկ հարաւում՝ անգլիացիները:

Պարսկաստանը բաժանւում է 11 նահանգների: Պարսկաստանի մայրաքաղաքը և ամենանշանաւոր առևտրական կենտրոնն է՝ Թէհրան—Ելբուրս սարի հարաւային ստորոտում:

Միւս քաղաքներից նշանաւոր են. Կասպից լճի ափին— Ռաշտ քաղաքը, որի վրայով է կատարւում առևտուրը Ռուսաստանի հետ: Նշանաւոր է այդտեղ նաև ինզելին, ծովի ափին: Պարսկաստանի հիւս.-արևմտեան կողմում է ընկնում Ռաշտական նահանգը, որ հիւսիսից սահմանակից է Անդրկովկասին, իսկ արևմուտքից՝ Տաճկա-Հայաստանին: Ատրպատականի գլխաւոր քաղաքն է Թաւրիիզ: Թաւրիզում է նստում պարսկաց թագաժառանգը: Այնտեղ կան մօտ 800 տուն հայեր. ունեն իրենց դպրոցները, բարեգործական ընկերութիւնները: Այնտեղ է նստում Ատրպատականի հայոց առաջնորդը:

Մնացած քաղաքներից յիշատակութեան արժանի են.— Մեշտ, պարսիկների որբազան քաղաքը (Խորասաննահանգում), ուր ամեն տարի բազմաթիւ ուխտաւորներ են գնում Պարսկաստանի բոլոր ծայրերից և հարևան երկիրներից: Սպահան, երկրի հին մայրաքաղաքը: Այդ քաղաքի մօտ է գտնւում հայքնակ Նոր-Ջուղա քաղաքը, որի բնակիչները գաղթել են ՇահԱբասի օրով (17-րդ դար): Նոր Ջուղայում հայերն ունեն դըպրոցներ, բարեգործական ընկերութիւններ: Այնտեղ է նստում Պարսկաստանի և Հնդկաստանի հայոց առաջնորդը: Պարսից ծովի ափին է գտնւում Բուշիրը, որի վրայով է կատարւում առևտուրը Անգլիայի հետ:

## ՀԻՆԴ ԱՃԽՄԲՀԱՄԱՍՆԵՐ

ՄԱՅՐ ՑԱՄԱՔՆԵՐ ԵՒ ՈՎԿԻԱՆՈՍՆԵՐ:— Երկրագնդի մակերեսոյթի մեծ մասը ծածկում է ծովը կամ ովկիանոսը: Ովկիանոսը համարեա երեք անգամ աւելի տեղ է բռնում, քան ցամաքը: Ցամաքը բարձրանում է ովկիանոսի մակերեսոյթից վեր, յշղապատւած է ամեն կողմից ջրով: Ցամաքը բաղկացած է բազմաթիւ կղզիներից և երեք մայր ցամաքներից:

Ամենամեծ մայր ցամաքը գտնւում է արևելեան կիսագնդում և կոչւում է Արևելեան մայր ցամաք. արևմտեան կիսագնդում գտնւում է իր մեծութեամբ երկրորդ մայր ցամաքը, որ կոչւում է Արևմտեան մայր ցամաք. իսկ հասարակածից

հարաւ գտնուում է ամենափոքը մայր ցամաքը և կոչում է Հարաւային մայր ցամաք:

Բացի դրանցից, Հարաւային բնեոի մօտ կայ և մի չորրորդ մայր ցամաք՝ Հարաւային բեռային մայր ցամաքը:

Ամբողջ ցամաքը, այսինքն մայր ցամաքները և կղզիները միասին, բաժանուում է հինգ աշխարհ ամ ասերի. Դրանք


են՝ Ասիա, Եւրոպա, Աֆրիկա, Ամերիկա և Աւստրալիա. Առաջին երեքը կազմում են արևելեան մայր ցամաքի մասերը, Ամերիկան՝ արևմտեան, իսկ Աւստրալիան՝ հարաւային մայր ցամաքները: Ասիան, Աֆրիկան և Եւրոպան միասին կոչում են Հին Աշխարհ, որովհետև ամենահին ժամանակներից սկսած յայտնի են Եւրոպայի բնակիչներին: Ամերիկան և Աւստրալիան համեմատաբար նոր են գտնուել Եւրոպացիների ձեռքով, ուստի և կոչում են Նոր Աշխարհ:

Հինգ աշխարհամասերից իր մեծութեամբ առաջին տեղը բնուում է Ասիան, որ համարեա 5 անգամ մեծ է Եւրոպայից: Ասիայից յետոյ գալիս են՝ Ամերիկան, Աֆրիկան, Եւրոպան և

Աւստրալիան: Որուսաստանը բնուում է Եւրոպայի կէսը և Ասիայի  $\frac{1}{3}$ -ից աւելին:




Նկ. 110.



Նկ. 111.

Ովկիանոսների և հինգ աշխարհամասերի համեմատական խորութիւնը: 1) Մեծ կամ Խաղաղ ովկիանոս, որ աւելի մեծ տեղ է բնուում, քան բոլոր աշխարհամասերը միասին: 2) Ատլանտեան ովկիանոս. 3) Հնդկական ովկիանոս. 4) Հարաւային Սառուցեալ և 5) Հիւսիսային Սառուցեալ ովկիանոսներ:



Նկ. 112. Ծովերի և ովկիանոսների համեմատական խորութիւնը:  
(Թւերը ցոյց են տակիս մետր. 1000 մետր=մօտ 1 վերսի)

Բոլոր ովկիանոսները միացած են իրար ինչ. իսկապէս նրանք միասին կազմում են մի հատ հսկայական ովկիանոս:

**ԹԵՐԱԿՂԶԻՆԵՐ.** — Երեք մայր ցամաքների թւում ամենակըտըտւած ծովեղբեայ գիծ ունի Արևելեան մայր ցամաքը և յատկապէս նրա այն մասը, որ կազմում է Եւրոպա աշխարհամասը:

Եւրոպայի թերակղզիները կազմում են նրա տարածութեան մէկ-երրորդ մասը. նրանցից ամենամեծերն են՝ Սկանդինավիա, Իւտլանդիա, Պիրինէեան, Ապենինեան, Բալկանեան և Ղրիմի թերակղզիները:

Ասիայի ափերը համեմատաբար աւելի պակաս են կտըրտւած: Եւրոպայի նման նա էլ, հարաւային կողմում, ունի երեք մեծ թերակղզիներ՝ Արաբիա, Հնդկաստան և Հնդկային. արևելեան կողմում՝ Կորէա և Կամչատկա. արևմտեան կողմում՝ Փոքր Ասիա կամ Անատոլիա:

Աֆրիկայի ափերը քիչ են կտրտւած. նա չունի և ոչ մի նշանաւոր թերակղզի:

Հիւսիսային Ամերիկայի թերակղզիներից նշանաւորներն են. —արևմտեան կողմում՝ Ալեասկա և Կալիֆորնիա, հարաւում՝ Իւկատան և Ֆլորիդա. արևելքում՝ Լաբրադոր:

Հիւսիսային Ամերիկան միանում է Հարաւային Ամերիկայի հետ Պանամայի պարանոցով, որի վրայ վերջերս ջրանցք են փորել (Պանամայի ջրանցք): Հարաւային Ամերիկայի ափերը շատ քիչ են կտրտւած, ուստի նա չունի ոչ մի նշանաւոր թերակղզի:

Աւստրալիան միայն մէկ նշանաւոր թերակղզի ունի — Եօրկ:

**ԾՈՎԵՐ, ԾՈՑԵՐ ԵՒ ՆԵՂՈՒՑՆԵՐ:** — Առլանտեան ովկիանոսը շատ է կտրտում Ելրոպայի ափերը և կազմում ծովեր և ծոցեր: Նշանաւոր են — Սպիտակ ծով, Բալտիկ ծով — Բուտնիկ, Ֆիննական և Ռիգայի ծոցերով, Գերմանական ծով. Պա-դը-կալէի և Լամանշի նեղուցներ, Բիսկայեան ծոց, Զիբրալտարի նեղուց, Միջերկրական ծով-վերջինիս մասերը՝ Աղրիատիկ ծով, Եգէյեան ծով, Դարդանելի նեղուց, Մարմարա ծով, Բոսֆորի նեղուց, Սև ծով, Կերչի նեղուց, Ազովի ծով:

Ասիայում — Կարայի ծով, Բերինգեան նեղուց, Բերինգեան, Օխոտի, Եապոնական, Արևելեան - Չինական, Դեղին, Հարաւային - Չինական ծովեր, Սիամի ծոց. Մալակայի նեղուց, Բենգալեան ծոց, Պարսից ծոց, Բար-էլ-Մանդէրի նեղուց, Կարմիր ծով. արևմտեան կողմում — Միջերկրական ծով, որ միացած է Կարմիր ծովի հետ Սուէզի ջրանցքով:

Աֆրիկայում — Մոզամբիկի նեղուց, Գւինէի ծոց:

Ամերիկայում — Հուդզոնի, Սուրբ Լաւրենտիոսի, Մեքսիկայի ծոցեր, Կարայիբեան ծով, Մագելլանի նեղուց, Կալիֆորնիայի ծոց:

Աստրալիայում — Կարպենտարիայի ծոց, Տորրէսի նեղուց, Բասսի նեղուց, Աւստրալիական ծոց:

**ԿՂԶԻՆԵՐ:** — Սովորաբար կղզիները մայր ցամաքներին մօտ են լինում, խմբերով դասաւորւած — մէկ կամ երկու մեծ կղզի շրջապատ-

ւած են լինում բազմաթիւ մանր կղզիներով. օրինակ՝ Բրիտանական կղզիների խումբը, որոնց մէջ մանում են Մեծ Բրիտանիա և Իրլանդիա մեծ կղզիները և բազմաթիւ մանր կղզիներ: Սակայն աւելի յաճախ՝ կղզիները դասաւորւած են լինում շարքերով և կազմում են շարքեր. օրինակ՝ Եապոնական և Կուրիլեան կղզիների շարքերը. — Մեծ ովկիանոսի մէջ (Ասիայից արևելք):

Բազմաթիւ և առաջին հայեացքից անկանոն դասաւորւած կղզիների խումբը կոչւում է արշիպելաց: Այդտեղ ևս կղզիները շարքերով են դասաւորւած լինում, միայն թէ այդ շարքերն այնչափ աչքի չեն ընկնում, որչափ կղզիների շղթայում. օրինակ՝ Մալայեան և Հիւմս-Ամերիկեան արշիպելագները:

Իրենց մեծութեան նայելով՝ կղզիները շատ տարբեր են լինում: Ամենամեծ կղզին է՝ Գրենանդիան (Ամերիկայի մօտ):

Մանր կղզիների թիւը շատ մեծ է: Բոլոր կղզիները, թէ մեծ և թէ փոքր միասին վեր առած, 12 անգամ աւելի փոքր տարածութիւն են ըստում, քան հինգ աշխարհամասերը:

Իրենց ծագմանը նայելով՝ կղզիները լինում են ցամաքային և ովկիանոսային: Ցամաքային կղզիները բաժանւել են մայր ցամաքներից, որովհետեւ դարերի ընթացքում ծովի ալիքները ողողել են նրանց ափերը, կամ թէ չէ ցամաքն իցել է: Օրինակ՝ Մեծ Բրիտանիա, որ բաժանւել է Ելրոպա՝ մայր ցամաքից, Յէլլոն և Սումարա, որ բաժանւել են Ասիայից: Ցամաքային կղզիները նման են լինում իրենց մօտ եղող մայր ցամաքների մասերին՝ ստորերկրեայ շերտերի կազմութեամբ, իրենց բոյսերով և կենդանիներով:

Ովկիանոսային կղզիներից մի քանիսն առաջ են եկել ծովի յատակի հրաբուխային ժայթօքումներից և կոչւում են հրաբուխին կղզիներ. օրինակ՝ Ալէուտեան և Կուրիլեան կղզիները: Կան նաև կղզիներ, որ առաջ են եկել ծովային մասերիկ կենդանիներից — կորալկեան պղղիպներից. դրանք կոչւում են կորալլական կղզիներ, բաղկացած են գլխաւորապէս կրաքարից, որ առաջ է գալիս կորալլներից: Կորալլական կղզիները յաճախ մատանու ձև են ունենում, մէջ տեղում մի ծոց: Կորալլական կղզիներ շատ կան Մեծ ովկիանոսում:

**ՆՇԱՆԱՀԻՈՐ ԿՂԶԻՆԵՐ:** — Ցամաքային կղզիներ. Ելրոպայում — Նոր Երկիր, Շպիցբերգէն, Իսլանդիա, Իրլանդիա, Մեծ Բրիտանիա, Կորսիկա, Սարդինիա, Սիցիլիա, Կրետէ:

Ասիայում. — Սախալին, Եապոնական, Ֆիլիպպեան, Չոնդեան խումբ (Սումատրա, Եաւա, Բորնէօ, Յելեբես) և Յէլլոն:


Աֆրիկայում. — Մադագասկար:

Հիւսիսային Ամերիկայում.—Գրենլանդիա, Նիու-Ֆառնդ-լենդ, Անտիլեան կղզիներ (որոնց մէջ ամենամեծերն են՝ Կուբա և Հայիթի):

Հարաւային Ամերիկայում.—Հրոյ երկիր:

Աստրալիայում.—Նոր-Գրինէշ, Տասմանիա և Նոր-Զելանդիա:

Հրաբության կղզիներ. Ասիայում—Կուրիլեան, Ա.մբիկայում—Կանարեան, Ա. Հեղինէի, Ա.մերիկայում—Ալէուտեան, Աւստրալիայում—Սանդվիչեան կղզիները:



Նկ. 113. Նշանաւոր կղզիների համեմատական մեծութիւնը (թւերը ցոյց են տակա քառակում կիլոմետր):


**ՄԱԿԵՐԵՒՈՅԹԻ ԿԱԶՄՈՒԹԻՒՆԸ:**—Աշխարհի հինգ մասերից իր մակերեսոյթի բարձրութեամբ առաջին տեղը բռնում է Ասիան: Նրա սիցին բարձրութիւնը ծովի մակերեւոյթից՝ հասնում է 1 վերսի: Ասիայի լեռնաշղթաները սկսւում են Միջերկրական ծովի մօտերից, Փոքր Ասիայում, և այդտեղից ձգւում են գետի արեւելք, աստիճանաբար հեռանալով իրարից: Պամիր լեռնաշխարհում լեռնաշղթաները կրկին մօտենում են և կարծէք բախում են իրար: Պամիրից սկսւում են Ասիայի ամե-

նաբարձր լեռնաշղթաները—Տեան-Շան, Կուէն-Լուն և Հիմալայ: Հիմալայեան լեռնաշղթաների գագաթներից մէկը՝ Էւերեսոտ, ունի  $8\frac{1}{2}$  վերստ բարձրութիւն: Նա ամենաբարձր սարն է երկրագնդի վրայ:

Հիմալայեան և Կուէն-Լուն լեռների մէջ ընկած է Տիբետ բարձրաւանդակը: Եւրոպայի և Ասիայի մէջ են ընկնում Կովկասեան լեռները:

Դաշտավայր երը բռնում են Ասիայի տարածութեան  $\frac{1}{3}$ -ը. Նրանցից ամենամեծերն են՝ Միբիրի և Թուրանի դաշտավայրերը:

Եվրոպան ամենացածր աշխարհամասն է. Նրա միջին բարձրութիւնը համասար է  $\frac{1}{3}$  վերսի: Եւրոպայի արեւելան մասը բռնում է Եւրոպական Ռուսաստանի ընդարձակ դաշտավայրը, որ բաժանւում է Միբիրի դաշտավայրից Ուրալեան լեռներով, որոնց հարաւում նա միանում է Թուրանի դաշտավայրի հետ:



Նկ. 114. Նշանաւոր լեռների համեմատական բարձրութիւնը (թւերը ցոյց են տակա մետր. 1000 մետրը=մօտ 1 վերսի):

Արևմտեան Եւրոպայում շատ կան լեռներ: Նրանցից ամենաբարձրերն են՝ Ալպեան լեռները, Մոնթան գագաթով ( $4\frac{1}{2}$  վերստ), Պիրինէեան, Ապենինեան, Բալկանեան, Սկանդինավեան լեռները:

Աֆրիկան համարեա ամբողջապէս բաղկացած է բարձրաւանդակներից, որոնց միջին բարձրութիւնն է  $1\frac{1}{2}$  վերստ:

Աֆրիկայի բարձրաւանդակներն իրենց ծայրերում սանդուղների ձևով իջնում են դէպի ծովափերը:


Նշանաւորներն են՝ Հարեցստանի և Ասլասի սարերը։ Աֆրիկայի լեռների ամենաբարձր գագաթն է Կիլիմանջարօ, որունի 6 վերստ բարձրութիւն։

Ամերիկայում, Մեծ կամ Խաղաղ ովկիանոսի ափերի երկայնութեամբ, ընկնում է Կորդիլերի լեռնաշղթան, որ Հարաւային Ամերիկայում նաև Անդ է կոչւում։ Նրա ամենաբարձր գագաթն է՝ Ակոնկագուա (մօտ 7 վերստ բարձրութեամբ), որ հանգած հրաբուղին է։ Կորդիլերների ուրիշ գագաթներ ևս հանգած հրաբուղիներ են։

Այդ լեռնաշղթայի արևելեան կողմում տարածւում են ընդարձակ դաշտավայրեր. Հիւսիսային Ամերիկայում՝ Միսիսիպի, իսկ Հարաւային Ամերիկայում՝ Ամազոնի և Լապլատի դաշտավայրեր։

Աւստրալիան չունի բարձր լեռներ. նա ընդարձակ բարձրաւանդակ է. նշանաւոր են՝ Աւստրալիական Ալպերը։

**ՀՐԱԲՈՒՂԻՆՆԵՐԻ ԼԵՌՆԵՐԻ**—Երկրագնդի վրայ հաշւում են մօտաւորապէս 400 գործող հրաբուղիներ։ Դրանք համարեա բո-



Նկ. 115. Հրաբուղիներ (Մեծերով նշանակւած տեղերում)

լորն էլ գանւում են ծովերի ափերի մօտ։ Ասիայի և Ամերիկայի հրաբուղիները գտնվում են Մեծ կամ Խաղաղ ովկիանոսի


ափ ափերին։ այսպէս՝ շատ հրաբուղիներ կան Կամչատկայում, Կուրիլեան, Եապոնական, Ֆիլիպակեան և Զոնդեան կղզիների վրայ։ Եւրոպայի հրաբղխային լեռները գտնվում են Սիլերկարական ծովի ափերին. օրինակ՝ Վեգուվը, Ավենինեան թերակղզու վրայ։ Խալանդիա կղզու վրայ—Հելլա. իսկ Սիցիլիա կղզու վրայ—Էտնա։

Հանգած հրաբուղիներից իրենց բարձրութեամբ նշանաւոր են՝ Էլբը և Կազբէկը—Կովկասեան լեռնաշղթայի գագաթները, և նրանցից հարաւ՝ Արարատ կամ Մասիս լեռնագագաթը։

Լճեր եւ Գետեր։—Մի քանի աղի լճեր ծովերի մնացորդներ են. օրինակ՝ կասպից լիճը, որ ամենամեծ լիճն է։

Նշանաւոր են նաև—Հիւս. Ամերիկայի մեծ լճերը, որոնցից մէկը, Վերին լիճը, երկրագնդիս քաղցրահամ ջուր ունեցող լճերից ամենամեծն է։ Նոյն մայր ցամաքի վրայ գտնվող էրի և Օնտարիօ լճերի մէջ տեղն ընկնում է Նիազարա մեծ ջրվէժը։ Իր մեծութեամբ երրորդ տեղը բռնվում է Վիկտորիա լիճը—Աֆրիկայում։ Երկրագնդի ամենախոր լիճն է՝ Բայկալ (Ասիայում), համարեա 2 վերստ խորութեամբ։

Գետերի մեծ մասի ջուրը հոսում է դէպի ովկիանոս. Այդպիսի գետերի աւազանները կոչւում են արտաքին։ Քա-



Նկ. 116. Լճերի համեմատական մեծութիւնը (Բւերը ցոյց են տալիս քառակուսի կելօմեար)

նի մեծ լինի մի գետի աւազան, և որչափ աւելի թափւեն այնտեղ մթնոլորտային տեղումներ, այնչափ էլ աւելի երկայն և ջրառատ կլինի գետը: Ամենաերկայն և ամենաջրառատ գետերը թափւում են Ասլանտեսան ովկիանոսը: Նշանաւոր են— ամենաերկայն գետը՝ Միսսիսիպի, Միսսուրի վտակով (Հիւս. Ամեր.), ամենաջրառատը— Ամազոն (Հար. Ամեր.) և նեղոս (Աֆրիկա):

Հիւս.-Սառուցեալ ովկիանոսը թափւող հետևեալ գետերն էլ մեծ են. Լենա, Ենիսէյ, Օբ՝ Իրտիշ վտակով (Ասիայում) Պեչորա, Հիւս. Դվինա (Եւրոպայում):

ՍԻՍՍԻՍԻԴԻ-ՄԻՍՈՒՐԻ	6700ԿՎԼՄ.
Դելո	6.000"
ԱՄԱԶՈՆ	5.500"
ԵԱՆ-ԶԵ-ԶԵԱՆ	5.200"
ԿՈՆԳՈ	4.600"
ՕԲ	4.200"
ԼԱՊԻՏԱ	3.700"
ԿՈՒՊԱ	3.600"
ԴԱՆՈՒԲ	2.900"
ԳԱՆԳԻ	2.500"
ԴՈՆ	1.800"
ՅՈՒՆՈՆ	1.300"
ՔՈՒՐ	1.000"

Նկ. 117. Նշանաւոր գետերի համեմատական երկայնութիւնը (թւերը ցոյց են տալիս կիլոմետր, որ=մօտ 1 գերստի):

Բայցի արտաքին աւազաններից՝ բոլոր մայր ցամաքների վրայ կան նաև ներքին աւազաններ: Ներքին աւազանները գտնուում են մեծ մասամբ ովկիանոսներից հեռու, ուրքիչ են թափւում մթնոլորտային տեղումներ: Այդպիսի աւազանների գետերը թափւում են լճեր կամ կորչում են աւազուտների մէջ:

Ներքին աւազանների ամենանշանաւոր գետերն են՝ Վոլգա (Օկա և Կամա գլխաւոր վտակներով), որ թափւում է Կասպից լիճը. Միջ-Դարիա և Ամու-Դարիա, որ թափւում են Արալեան լիճը (Ասիա):

## ՅԱԿԵԼԻԱԾ

### ԱՇԽԱՐՀԱԳՐԱԿԱՆ ԶՐՈՅՑՆԵՐ

#### 1. ՄԱՍԻՍ ՍԱՐԻ ԳԱԳԱԹԸ ԲԱՐՁՐԱՆԱԼԸ

1850 թւականին մի գնդապետ օ գիտնականի և 60 զինուրի ուղեկցութեամբ Մասիս սարը բարձրացաւ: Յուլիս ամսի կէսերին նրանք հաւաքւած էին Մասսի ստորոտում, իսկ օգոստոսի 1-ին սկսւեց նրանց վերելքը: Եղանակն առաւօտանից հրաշալի էր: Ամենքից առաջ ընթանում էր նրանց առաջնորդը՝ մի հայ մարդ: Արան էին յանձնել վերբարձրացնելու մի մեծ փայտեայ խաչ, որ նրանք մտադիր էին Մասսի գագաթին տնկել: Մինչև ձեան սահմանը ճանապարհորդները քայլում էին առանց գժւարութեան, բայց ահա նրանք ոտք դրին սարի՝ սառոցով և ձիւնով ծածկւած թեք լանջին,

Զիերը սկսեցին սայթաքել և վայր ընկնել. այդ պատճառով էլ ճանապարհորդներն իրենց ձիերը յետ ուղարկեցին, իսկ բոլոր իրերը դարսեցին մի սահնակի վրայ. այդ սահնակը քաշ էին տալիս կազակները՝ մէկ արշինից աւելի խորութիւն ունեցող ձեան միջով:

Երբ վրայ հասաւ երեկոն՝ կազակները սրբեցին ձիւնապատ գետինը, որ քնակու տեղ պատրաստեն: Բայց տես, ահա ժայռի շուրջը ամպեր հաւաքւեցին և որոտ սկսւեց: Ամբողջ գիշերւայ ընթացքում որոտի և անձրեի ձեռքից ոչ ոք չկարողացաւ քնել:

Օգոստոսի 2-ին առաւօտեան ժամը 8-ին ճանապարհորդները սկսեցին առաջ շարժւել. սակայն ամբողջ օրւայ ընթացքում նրանք շատ քիչ ճանապարհ առաջ գնացին, որովհետեւ ամենքը յոգնած էին և մրսած. Ճեան փաթիլներն էլ մարդու երեսովն էին խփում ու աչք կուրացնում: Գիշերն էլի լսեց սոսկալի որոտ: Ամբողջ երեք ժամ շարունակ մեր ճանապարհորդները գտնուում էին որոտընդուստ ամպերի մէջ: Կայծակը, որ սովորաբար նեղ ժապաւէնի նման է մեզ երկում, այժմ բարձր պարիսպի էր նմանում՝ կանաչ և կարմիր գունախաղերով: Փայլակից յետոյ լսելի եղան որոտի դղրդիւններ, որոնք երկար ժամանակ արձագանգ էին տալիս լեռնային կիրճերում:

Փոթորիկը և որոտն առանց ընդհատելու էլի մի քանի օր տե-







անդունդներում էլ եռում-գեռում են բազմատեսակ կենդանիներ: Գիտնականների ցանցն ու տոպրակը, որ վերը նկարագրեցինք՝ մի քանի կենդանիներ հանեցին մօտ երկու վերստ խորութիւնից: Բայց թէ ինչ



Նկ. 3. Ծովային կենդանիներ

կայ աւելի խոր տեղերում՝ գեռ յայտնի չէ: Շատ հաւանական է, որ այնտեղ սկսում է իսկական «մեռած թագաւորութիւնը», այնտեղ տիրում է միայն և միայն գերեզմանական լուսութիւն:

—

### 5. ՏԵՂԱՏԻՈՒԹԻՒՆ ԵՒ ՄԱԿՐՆԹԱՅՈՒԹԻՒՆ

(Տես Նկ. 30 եւ 31)

Իրիկնադէմ էր, երբ ես ցածր ծովափ իջայ. տեղատութեան ժամանակ էր: Ծովաժայռերը բարձրացրել էին իրենց գլուխները. նրանց վրայ կախ էին ընկած ծովային բոյսեր: Չորս կողմը կենդանութիւն է տիրում,—ծովափնեայ բնակիչները ժողովում են բերքը: Ոտարորիկ մանուկները բան են որոնում թաց աւագի մէջ: Լճակների մօտ թափառում է մի ծերուկ, փոքրիկ աղջկայ ձեռքից բանած. նա ծովային խեցքետիններ է որսում: Այստեղ, հեռու, ճրագներ են փայլում, լապտերներ շարժում, այնտեղ էլ մարդիկ խեցգետին և ամեն տեսակ ծովային կենդանիներ են որսում: Ամբողջ ընտանիքներ են ծովափ թափել բան որոնելու, կանայք և երեխաներ ծովային բոյսեր են պոկո-

տում և փոքրիկ կոյտեր կազմում, իսկ տղամարդիկ կրում են նրանց սայլակներով և գէզեր դնում: Այդ բոյսերը կմասն մի տեղ մինչև չորսանալը, որից յետոյ կտարւեն ու նրանցով մարդիկ կպարարտացնեն կարտոֆիլի արտեր, ծաղկանոցներ և մարգեր:

Բայց ահա ծովը կրկին սկսում է ծածկել ցամաքը: Շտապ-շտապ փախչում են մանուկները. իմ մօտով անցաւ յիշած ծերուկը՝ փոքրիկ աղջկայ հետ: Աչքեցս ծածկելում են սայլակները, կանայք ևս հեռանում են: Ծովափը դատարկում է: Մենակ ես եմ մնացել՝ նստած բարձր ժայռի գլխին: Ջուրը յորձանք տալով առաջ է գալիս քարերի արանքով. իրար վրայ խփելով՝ ալիքները դէպի ծովափ են վազում,—աւելի ու աւելի լայն տարածւելով և վեր բարձրանալով: Մէկը միւսի յետեկից ջրի տակ են թաղւում ծովաժայռերը,—և չորս կողմը միայն ալիքներ են երեւմ, ուրիշ ոչինչ:

Երկնակամարի վրայ հանդարտ լողում է լուսինը. նրա դողովուն լոյսը տարուբերւում է ալիքների վրայ ու հեռուն տարածւում: Ահա իմ ոտների տակով յորձանք է տալիս փրփրադէզ ջուրը. նա բարկացկոտ մոնչում է և աղաջրի կաթիչներ է շաղ տալիս երեսիս. կարծես չարացել է վրաս, որ մենակ նստած եմ մնացել ամայացած ծովափում:

### 6. ՄԱԿՐՆԹԱՅՈՒԹԻՒՆ ՃԱՆԱՊԱՐՀՈՐԴԻՒԹԻՒՆԸ ԵՐԿՐԻ ՇՈՒՐԶԸ

Մեծ գիւտ արաւ կոլումբոսը, գտնելով Ամերիկան. սակայն նրան չյաջողեց ապացուցել, որ կարելի է պտտել երկրագնդի շուրջը: Այս ծառայութիւնն արաւ իսպանացի ծովագնաց Մագելլանը: Շատ երկար էր ճանապարհորդել նա Ատլանտեան և Հնդկական ովկիանոսների վրայ և վերջապէս վճռեց ճանապարհորդել երկրագնդի շուրջը: Այս բանն անելու համար նա այսպէս զծեց իր անցնելիք ճանապարհը. Ատլանտեան ովկիանոսով հասնել մինչև Հարաւային Ամերիկա և կըտրել անցնել նրա հարաւային ծայրով. ապա նա ծրագրեց, գեռ ես անձանօթ ովկիանոսով հասնել Ասիայի արևելեան ափերին, այդտեղից Հնդկական ովկիանոսով հասնել Ասիայի արևելեան ափերին, յետոյ Հնդկական ովկիանոսով՝ Աֆրիկայի շուրջը և վերջապէս, Ատլանտեան ովկիանոսով վերադառնալ հայրենիք—Իսպանիա: Մագելլանն իր ծրագիրը պարզեց իսպանիայի թագաւորին, սա էլ Մագելլանի տրամադրութեան տակ դըաւ 5 նաւ և 200-ից աւելի նաւաստի: Բոլոր նաւերն էլ առագաստանաւեր էին. շոգենաւ գեռ չկար այն ժամանակները:

1519 թւականի յուլիս ամսին Մագելլանը ճանապարհ ընկաւ իսպանիայի ափերից: Սկզբում նա առաջ գնաց նոյն ճանապարհով, որով

գնացել էր Կոլումբոսը, իսկ յետոյ թեքւեց դէպի հարաւարկուք և հասաւ Հարաւային Ամերիկայի ափերին: Այդտեղ Մագելլանին դիմադրեցին երեք նաւերի հրամանատարները և ցանկանում էին յետ դառնալ, սակայն Մագելլանը կարողացաւ հանդարտացնել նրանց և առաջ երթալ:

Եեռ էլի երկար ժամանակ Մագելլանը առաջ գնաց Հար. Ամերիկայի ափերով և, վերջապէս, 1520-ի նոկտեմբերին գտաւ մի նեղուց որ յետոյ նրա պատրին «Մագելլանի նեղուց» կոչւեց: Այս նեղուցը մտան միայն երեք նաւեր. նաւերից մէկը խորտակւել էր, իսկ երկրորդը դաւաճանելով Մագելլանին՝ վերադարձել էր իսպանիա: Նեղուցից անծանօթ ովկիանոսը դուրս գալով՝ Մագելլանն ուղղեց իր ճանապարհը դէպի հիւսիս-արևեմուտք: Այդ ժամանակ ովկիանոսի վրայ հղանակը խաղաղ էր և ի յիշատակ դրա էլ Մագելլանն ամբողջ ովկիանոսը կոչեց Խաղաղ պատուս:

Մի քանի ամիս շարունակ լողում էր Մագելլանի նաւը Խաղաղ ովկիանոսի վրայ. ցամաք չէր երևում ամենենին: Ճանապարհին հանդիպած առաջին կղզիները նա կոչեց «Աւազակների կղզիներ», որովհետեւ այնտեղ ապրող վայրենիները նրա աչքին աւազակների նմանեցան: Այնուհետև բաւական յաճախ էին պատահում կղզիները:

Մէկ ամբողջ տարի տեսեց, մինչև որ Մագելլանը կտրեց անցաւ Խաղաղ ովկիանոսը և հասաւ Ֆիլիպպեան կղզիներին: Այդտեղի վայրենիները շատ սիրալիր ընդունեցին իսպանացիներին: Տեղացի իշխաններից մէկը նոյնիսկ քրիստոնէութիւն ընդունեց և ինքն իրեն իսպանիայի թագաւորի հպատակ յայտարարեց:

Դժբախտաբար Մագելլանը մասնակցեց յիշած իշխանի յայտարած կուլին ընդդէմ ուրիշ իշխանների, և ինքն էլ շատ նաւաստիների հետ ընկաւ ճակատամարտում:

Կենդանի մնացած նաւագնացները շուտով նաւ բարձրացան և առաջ գնացին ծովով: Սակայն այնքան քիչ մարդ էր մնացել նրանցից, որ անկարող էին կառավարել երեք նաւն էլ. այդ պատճառով նաւերից մէկն այրեցին, երկրորդը յետ լողաց Խաղաղ ովկիանոսով և ընկաւ թշնամիների ձեռքը. միայն վերջին, հինգերորդ նաւն առաջ լողաց այն ճանապարհով, որով գնալ էլ ծրագրել ինքը Մագելլանը:

Հնդկական ովկիանոս դուրս գալով, այդ նաւն Աֆրիկայի հարաւով կտրեց-անցաւ և 1522 թւականի սեպտեմբերին եկաւ հասաւ Իսպանիա: Այս հաւով հայրենիք վերադարձան ընդամենը 16 մարդ:



2013

Հայաստանի Ազգային գրադարան



NL0423127

980 ԵՆ ՏԵՍԵԼ ԵՒ ՎԱՃԱՌՈՒԹԻՄ ԵՆ ԲՈԼՈՐ ԳՐԱԽԱՌՆՈՒԹՆԵՐՈՒՄ

**ԱՐԵՍԵԼՈ Ա.ԲԵՂԵԱՆԻ**

Կազմակերպություն

ՀԱՅ ԽԱՅԱԿԱՐ, ԿՐՈՒՔԵՐԻ ԵՒ ԱՐ.

**ԱՇԽԱՐՀԱԳՐՈՒԹԵԱՆ ԴԱՍԱԳՐՔԵՐԸ**

(պատկերագաղութ).

Ա. ԳԻՐՅ Երրորդ և չորրորդ տարւայ դասընթաց: Համաձայն հայոց դպրոցների ծրագրի: Չորրորդ տպագ. Գինն է 60 կոպ.:

Բ. ԳԻՐՅ Զորս աշխարհամասեր—Աւախ, Աֆրիկա, Ամերիկա և Աւստրալիա: Հինգերորդ տարւայ դասընթաց: Երկրորդ տպագրութիւն: Գինն է 65 կոպ.:

Գ. ԳԻՐՅ Եւրոպա. վեցերորդ տարւայ դասընթաց: Երկրորդ տպագրութիւն: Գինն է 70 կոպ.:

Դ. ԳԻՐՅ Հայաստանի Աշխարհագրութիւն (պատրաստ է տպագրութեան համար և շիւտով տպագրութեան կը յանձնեի):

Հայութեան առաջնային ուղարկումը—Ուղացոյց դասատուների համար. հայրեանագիտութեան մանրամասն ծրագրով: Գինն է 20 կոպ.

Ա. Ե. Պատմական գրոյցներ—ա. և բ. գրքոյկներ, իւրաքանչ, 20 կոպ. Անդրագրական բառարկոյի, 2-րդ տպ. 250 երես: Գինը 20 կոպ.

Լոյն է տեսել եւ վաճառում է:

Ա. ԱԲԵՂԵԱՆԻ, Ա. ԱԲԵՂԵԱՆԻ Եւ Ա. ՄԱՏԷՆՃԵԱՆԻ

Կազմակերպություն

**Գ. Ր. Ա. Գ. Ե. Տ**

Ուղղագրական ձեռնարկը (ուղղագր. ձեռագիր յօդւածներ).

Առ աշխ գրեոյի (թոյլատրած կովկ. Ուսում. Երջ. Հոգաբարձուի կողմից),

երրորդ տպագրութիւն:

Գինը՝ 25 կոպ.:

Եւելորդ գրեոյի երկրորդ տպագրութիւն,

Գինը՝ 25 կոպ.:

Երրորդ գրեոյի

Գինը՝ 30 կոպ.:

Յուրորդ զրբերի պահեալը Թիֆլիսի «Դիմ» գրախանականոցում: